



政和五禮新儀



政和五禮新儀卷第一百九十九

嘉禮

品官昏儀

納采

問名

納吉

納成

請期

親迎

同牢

廟見

見舅姑

醴婦

盞饋

饗婦

舅饗送者

姑饗婦人送者

納采

前一日主人設賓次於大門外使謂夫家之屬道右南向非南

各隨所向其日大昕賓至女氏大門外掌次者延入次行賓主及

餘做此常服下准此公服者主人授於廟無廟者於廳事賓出次立於大

門外之西東面主人立於東階下西面僮者立於主人之左北

面受命出於門東西面曰敢請事賓曰某官以伉儷之重施於

某當謂主某官率循彝典某官謂以某將事敢請納采僮者

入告主人曰某之子弗閑於姻訓維是服脩棗桌之饋未知所

以告度也某聽命於廟敢不拜嘉僮者出告訖入引主人迎賓

於大門外之東西面主人揖賓報揖主人入門而右賓入門

而左執鴈者從入以鴈陳於庭三分庭一在南北向無鴈者聽

主人曰請吾子升賓曰某敢辭主人升東階西面賓西階東

面賓曰敢納采主人西面再拜訖賓降自西階以出

問名

賓既出立於中門外之西東面主人降立於東階西面僮者進

受命出請事賓曰合二姓之好必稽諸龜筮敢請問名僮者入

告主人曰某官恭慎重正昏禮將又加諸卜某敢不以告僮者
出告訖入引主人迎賓於中門外之東西面主人揖賓報揖
主人入門而右賓入門而左執鴈者從入以鴈陳於庭三分庭
一在南北向主人升東階西面賓升西階東面曰敢問名主人
西面再拜訖進立於兩楹間西面賓進立於主人之西東面主
人曰某第幾女某氏出賓降自西階出立於中門外之西東面
主人降立於中門內西面僮者進受命出請事賓曰禮畢賓者
入告人曰吾子今以事至於某之室請禮從者賓者出告賓曰
某既得將事敢辭賓者入告主人曰敢固以請僮者出告賓曰
某辭不獲聞命敢不從賓者入告主人升立於序端掌事者徹
神位設禮賓席贊者引主人降迎引賓報揖主人入賓從入升階
授賓降自西階從者受幣賓退主人送於門外

納吉

前一日主人設賓次如常儀其日大昕賓至女氏大門外掌次
者延入次主人授禮如納采之儀賓出次於立大門外之西東
面主人立於東階下西面賓者進受命出請事賓曰某官承嘉
命稽諸卜筮龜筮協從使某以告僮者入告主人曰某官惠固
前好欲施德於某未教之女而卜以吉告其曷敢辭賓者出告
訖入引主人迎賓於大門外之東西面主人揖賓報揖主人
入門而右賓入門而左執鴈者從入以鴈陳於庭三分庭一在
南北向主人升東階西面賓升西階東面曰敢納吉主人西面

再拜訖賓降自西階以出立於中門外之西東面主人降立於中門內西面僮者進受命出請事賓曰禮畢其禮如問名之儀

納成

前一日主人設次賓如常儀其日大昕賓至女氏大門外掌次者延入次掌事者入設幕於中門之外元纁束帛陳於幕上其

三足纁二正合束之他禮物自如常儀函書盛於箱置於案主人受禮如納吉之

儀賓出次立於大門外之東西面主人立於東階下西面者賓

進受命出請事賓曰某官以伉儷之重加惠某官上某官謂主人下某官謂

婿某官率循彝典婿某官謂婿父有不腆之幣以某將事敢請納成主

人曰某官順彝典申之以備物某敢不重拜嘉僮者出告訖入

引主人迎賓於大門外之東西面主人揖賓報揖主人入門

而右賓入門而左舉函書案者從之奉束帛次之持諸禮物者皆從其後三分庭一在南北向西上主人升自東階西面賓升

自西階東面賓曰敢納成主人西面再拜進立於兩楹間賓立

進於主人之西相向立掌事者以函書授賓執函書以授主

人主人受以授掌事者訖賓降自西階以出立於中門外之西

東面主人降立於中門內西面僮者進授命出請事賓曰禮畢其

禮如納吉之儀

請期

前一日主人設賓次如常儀其日大昕賓至女氏大門外掌次

者延入次主人受禮如告成之儀賓出次立於大門外之西東

面主人立於東階下西面僮者進受命出請事賓曰某官慎重

嘉禮將卜諸近，日使某請期，儻者入告主人，再辭，賓者出告，病
曰：「某既不獲受命於某官，某官得吉卜，日某日敢不以告儻者。」
入告主人曰：「謹奉命以從儻者。」出告訖，入引主人迎賓於大門。
外東西面，主人揖賓，報揖主人入門，而右賓入門，而左執鴈。
者從入，以鴈陳於庭，三分庭，一在南北向，主人升東階，西面賓
升西階，東面曰：「敢告。」某月日主人西面再拜訖，賓降自西階，以
出，立於中門外之西，東面主人降，立於中門內，西面賓者進受
命，出請事，賓曰：「禮畢，其禮儻如納成之儀。」

親迎有故聽以媒氏往迎

前一日，主人設賓次，如常儀。其日，大昕，壻之父服其服，告於禰
廟。無廟者於廳事子將行，父醮之於廳，事贊者設父位於中間。

南向，設子位於父位之西，近南，東向。父即座，子公服，升自西階，
進，立於位前，贊者注酒於醴，西向受子，再拜，跪受贊者，又以
饌設於位前。父命之曰：「躬迎佳耦，釐爾內治。」子再拜曰：「敢不奉
命。」又再拜降出，詣女氏家，主人服其服，告於禰廟，如請期之儀。
賓將至，賓謂壻主人設神位於寢戶外之西，又設醴，升東階，西面
賓升西階，進當房戶前，北面，掌事者陳鴈於階，賓曰：「某受命於
父，以茲嘉禮，躬聽成命。」主人曰：「某固願從命，賓再拜降出，主人
不降，送初安，安出女父戒之曰：「往之汝家，無忘肅恭。」母戒之曰：「夙夜
以思，無有違命。」諸母申之曰：「無違爾父母之訓。」女出，婿先還，俟
于門外，父婦至，贊者引就北面，立壻南面，揖以入。至於室，掌事者
設對位於室中，壻婦皆即座，贊者注酒於醴，授壻及婦壻及婦

授醴飲訖遂設饌再飲三飲並如上儀壻及婦皆興再拜贊者徹酒饌

見祖彌

質明婦服其服以俟見掌事者設神位如掌儀贊者引主人位於東階下引主婦位於西階下諸親及壻婦各以序分立於後非南向者各隨所向分左右尊卑序位立定贊者引婦進詣庭中北面再拜訖復位主人升階詣神位前上香祭酒祝曰某氏來婦敢率以見祝訖降自西階復位主人以下皆再拜訖退

見舅姑

贊者設舅姑位於堂上東西相向舅位於東姑位於西俟舅姑俱即座贊者引婦奉棗棗立於庭再拜訖升階階置於舅位前贊

者受之婦降階又再拜次又奉股脩再拜訖服脩婦從者升階執俟於階下置於姑位前贊者受之婦降階又再拜醴婦如別儀

醴婦

贊者設醴婦位於姑位之北少西東向婦升階立於位之西贊者注酒於醴授婦一再拜受醴訖贊者又以饌設於位前婦即座飲食畢降階再拜訖退

又

其日掌事者預於廳事對設主人及眾賓至主人降迎揖賓以入主人升東階賓升西階進詣兩楹間相對各再拜訖暨送者俱即座具酒饌如常儀會訖賓主俱興掌事者奉幣以授主人主人以授賓降自西階從者授幣賓退主人送於門外若女賓

送者則主婦會於寢亦有幣餘如丈夫禮

政和五禮新儀卷第一百九十九

政和五禮新儀卷第二百
嘉禮

皇太子冠儀上

奏告

陳設

皇帝御文德殿行禮

朝見皇后

謁太廟

謁別廟

皇帝受群臣賀

羣臣上禮

皇帝會羣臣

奏告

前期太史局擇日差官奏告

昊天上帝

皇帝祇地

太廟

別廟

太社太稷

景靈東宮

景靈西宮

中太一宮

祐神觀

醴泉觀

上請儲祥宮

太清儲慶宮

九成宮

永安陵

永熙陵

永定陵

永昭陵

永昌陵

永厚陵

永裕陵

永泰陵並如常告之儀

陳設

前朝殿中監帥其屬尚舍張設垂拱文德殿門之內設

御座於文德殿當中南向東西房於御座之左右稍北東西門

於殿後之左右殿上前楹施簾設香案於殿下螭陛間又為房

於東朶殿大晟展宮架之樂於殿庭橫街之南協律郎舉麾位

於宮架西北東向大司樂押樂位於宮架之前北向儀鸞司設

文武朝參官及掌冠掌冠以禮部尚書贊官以鴻臚卿應行禮官東宮官次於

朝堂之內外其日尚輦於殿西階下東向列御馬於殿門外東

廂西向尚書兵部帥其屬列黃麾細仗於殿庭典儀設

皇太子朝見位於橫街南北向又設掌冠贊冠者受制位

皇太子位稍北東上又設左輔承制位於御座之東又設左輔

宣制位於皇太子位之東北並西向又設掌冠贊冠者及應行

禮官位於東階下東宮官又位於後並西向北上太常設皇太

子冠席於東階下稍北西向設褥位陳服于席南東領北之袞
冕垂白珠九旒紅絲組為纓青纒元耳屏簪導青衣朱裳九章
五章在衣山龍華蟲火宗白紗中單青襟襪裾草帶塗金銀鈎
四章在裳藻粉黼黻米瑜玉雙佩四采織成大綬間施二玉環白韞
朱履桓圭遠遊冠十八梁金塗銀花飾博山附蟬紅絲組為纓犀簪
導朱明服紅裳白紗中單方心典領絳紗蔽膝餘冕同白韞黑鴈
折上中衣服遠遊冠贊導袞冕簪導同箱在服南設壘洗於阼
階東壘在洗東籩在洗西實中一加勺幕光祿實側導在席在南
饌設於席加幕執事者並公服于壘洗酒饌之所九旒冕遠遊
冠折中上各一區奉禮郎三人執以待于東階之東西面北上
折設典儀位於宮架東北贊者二人在南少退俱西向

皇帝御文德殿行禮

其日質明闢文德殿門文武朝參官及掌冠贊冠贊應行禮官
東宮官入就次服朝服大樂正帥樂工先入就位協律郎入就
舉麾位大司樂入就神樂位典儀帥贊者先入就位又引掌冠
贊冠者入位於文德殿門外道東西向東宮官以下自東宮導
從皇太子至殿門外禮直官通事舍人太常博士引皇太子詣
文德殿東房訖皇帝將出宮東上閣門引知樞密院事以下
詣垂拱殿立班如常儀東上閣門附內侍進班齊牌垂拱殿簾
降皇帝乘輦出至殿上少駐輦官迎駕自贊常起居宣輦官上
殿簾奏鳴鞭行門禁衛諸班親從迎駕自贊常起居次舍人先
贊知內侍省官以下常起居次樞密以下通班常起居贊祇候

引駕樞密知客省事以下至簽書東上閣門官分左右立六尚
局應奉官祇候武功大夫以下並先退管軍臣僚窄衣執仗子
宣名常起居贊祇候引駕並分左右官尊贊降東階垂拱殿門
外禁衛諸班親從自贊常起居訖至文德殿後管軍臣僚易公
服執杖子殿階下分東西侍立皇帝降輦入西閣前尊官易朝
服詣御座前分左右侍立知樞密院簽書樞密院知客省事以
下至簽書東上閣門官在東同知樞密院在西閣門舍人以下
各詣西朵殿上不當祇應舍人並殿下西向諸軍將校先入分
立殿門內左右內外符寶郎俱詣閣奉迎御史臺引殿中侍御
史一員先入就位次東上閣門御史臺太常寺分引三公以下
文武百僚入詣文德殿立班東西相向如月朔視朝之儀禮直

官通事舍人引左輔版奏中嚴內外符寶郎奉寶先出少頃又
引左輔版奏外辦皇帝服通天冠絳紗袍簾卷大樂正令撞黃

鐘之鍾右五鍾皆應殿上鳴鞭禁衛諸班親從自贊常起居皇

帝出西閣乘輦協律郎俛伏跪舉麾興凡樂皆協律郎舉麾工

而後工鼓祝奏乾安之樂禮直官太常博士引禮儀使前導

皇帝出自西房內侍承旨索扇合皇帝降輦即御座簾卷內

侍又贊扇開殿下鳴鞭憂故樂止爐煙升禮直官太常博士禮

儀使立於御座前稍東西向符寶郎奉八寶陳於御座之左右

分立如儀禮直官通事舍人太常博士引掌冠贊冠者入就位

掌冠者初入門者肅安之樂作至位樂止立定典儀曰再拜贊

者承傳在位官皆再拜左輔詣御座前承制降東階詣掌冠者

前稍東西向稱有制典儀曰再拜贊者承傳在位官皆再拜訖
 左輔宣制曰皇太子冠命卿等行禮宣制訖掌冠贊冠者再拜
 左輔復位文臣侍從官宗室武臣節度使以下上升殿分東西侍
 立禮直官通事舍人太常博士引掌冠贊冠者及應行禮官詣
 東階下位立定東宮官入詣皇太子東房次禮直官通事舍人
 太常博士詣皇太子東房引皇太子內侍二人夾侍東官官後
 從自此皇太子初行欽安之樂作即席西向座樂止禮直官通
 事舍人太常博士引掌冠贊冠者次以詣壘洗樂作播笏盥手
 帨手訖執笏升樂作止執折上中者升掌冠者降一等受之右
 執項左執前進皇太子席前北向立祝曰咨爾元子肇冠於阼
 階筮日執擇賓德成禮其於萬斯年承天之祐乃跪冠順安之樂

作掌冠者與席南北面立贊冠者進席前北面跪正冠興立於
 掌冠者之後皇太子興內侍跪進服訖樂止掌冠者揖皇太
 子復座禮直官通事舍人太常博士引掌冠贊冠者降詣壘洗
 樂作播笏盥手帨手訖執笏升樂止贊冠者進席前北向跪脫
 折上巾置于簠興內侍跪受服興置于席執遠游冠者升掌冠
 者降二等受之右執項左執前進皇太子席前北向立祝曰爰
 即令辰申加元服崇學以齒三善皆得副于一人受天百福乃
 跪冠懿安之樂作掌冠者與席南北面立贊冠者進席前北面
 跪替結紘興立於掌冠者之後皇太子興內侍跪進服訖樂
 止掌冠者揖皇太子後坐禮直官通事舍人太常博士引掌冠
 贊冠者降詣壘洗樂作播笏盥手帨手執笏升樂止贊冠者進

席前北向跪脫遠游冠置于篋與內侍跪受服興置於席執衮冕者升掌冠者降三等受知右執項左執前進皇太子席前北向立祝曰三加彌尊國本以正無疆惟休有室大競懋昭厥德保慈永命乃跪冠成安之樂作掌冠者興席南北面立贊冠者進席前北面跪簪結紱興立於掌冠者之後皇太子興內侍跪進取服服訖樂止禮直官通事舍人太常博士引皇太子降自東階樂作由西階升即醴席南向坐樂止禮直官通事舍人太常博士引掌冠者詣罍洗樂作搯笏盥手脫手訖執笏升西階樂止贊冠者跪取爵內侍以酒注于爵掌冠者受爵跪進皇太子席前北向立祝曰旨酒嘉薦有飴其香拜受祭文以定爾祥令德壽考日進無疆皇太子搯圭跪受爵正安之樂作飲訖奠

爵執圭太官令奉饌設於皇太子席前皇太子搯圭食訖樂止執圭興太官令徹饌及爵禮直官通事舍人太常博士引皇太子降自西階詣朵殿東房易朝服皇太子初行樂作至次樂止禮直官通事舍人太常博士引皇太子降立於橫街南北向位東宮官復東階下西向位皇太子初行樂作至位立定樂止禮直官通事舍人太常博士引掌冠贊冠者詣皇太子位前稍東西向掌冠者少進字之曰始生為名而饗之賓既冠而字以益厥文永受保之承天之慶奉勅字某太常博士請再拜皇太子再拜訖搯笏舞蹈再拜奏聖躬萬福又再拜訖掌冠贊冠者復東階下位左輔詣御座前承旨降自東階詣皇太子前稍東西向宣曰有勅太常博士請再拜皇太子再拜左輔宣勅戒曰事

親以下孝接下以人仁遠佞近儀祿賢使能古訓是式大猷是經宣
訖左輔退復位太常博士請再拜皇太子再拜訖禮直官通事
舍人太常博士引皇太子進前俛伏跪奏稱臣雖不敏敢不祇
奉奏訖俛伏興復位立太常博士請再拜皇太子再拜訖禮直
官通事舍人太常博士前引皇太子出殿門皇太子初行禮位
出門樂止文武侍從官以上武臣節度使以上及侍立官並降
復位立定典儀曰再拜贊者承傳在位官皆再拜訖禮直官太
常博士引禮儀使詣御座前俛伏跪奏禮儀使具官臣某言禮
畢俛伏興復位內侍承旨索扇合簾降鳴鞭大樂正令撞蕤
賓之律鐘左五鍾皆應乾安之樂作皇帝降座入自東房內侍入
贊扇閣樂止禮直官通事舍人引左輔版奏解嚴所司承旨放

伏應在位官皆再拜訖以次出

朝見 皇后

皇太子朝見

皇帝訖入內朝見

皇帝后如宮中之儀

政和五禮新儀卷第二百一

嘉禮

皇太子冠儀下

謁太廟

前期太常寺下太史局擇日謁廟前一日官閨令帥其屬清掃
廟之内外有司於廟東神門外道北南向設皇太子幄次又於
殿庭東階下近東西向及遂室戶内各設皇太子褥位又於幄
次之南道東西並南極星門内外設東宮官及應從官等次各
量地之宜皇太子宿齋於本宮東宮官及應從官各宿於本司
内執事官其日質明東宮及應從官各脫服其服所司陳鹵簿於
宿於本廟東宮門外禮直官引左庶子請内嚴右庶子員實寶如式俱詣

閣奉迎僕進金輅於閣外南向左內率執刀立於輅前北向中
允一員在侍官之前贊者二人又在中允之前禮直官引左庶
子言外備僕攝衣而升正立執轡皇太子服遠游冠朱明衣升
輿以出左右侍衛如常儀左庶子進詣輿前俛伏跪稱左庶子
姓某言請皇太子降輿升輅言訖俛伏興凡左庶子有皇太子
降輿升輅僕立授綬左庶子以下夾侍贊善進當輅前俛伏跪
稱贊善姓某言請進輅言訖俛伏興凡贊善有輅動贊善興贊
者夾引以出至侍官上馬所贊善請輅權駐令侍官上馬左庶
子前承令退稱曰令請贊善退稱侍官上馬贊善承傳文字武
侍官皆上馬左庶子以下夾侍於輅前侍官上馬畢贊善請進
輅一動東宮官以下皆乘馬以從至太廟西極星門外迴輅南

向禮直官引左庶子進當輅前請降輅皇太子降輅入幄次一
刻頃禮直官引左庶子言外備皇太子服亮冕出次中允進至
皇太子執圭東宮道從如儀入詣殿應東階之東西向位立定
東宮官分立於左右禮直官引率更令請再拜皇太子再拜訖
禮直官引率更令前導皇太子升自西階詣僖神室神位前北
向立率更令請再拜皇太子再拜訖次詣

翼祖 宣祖 太祖 太宗 真宗 仁宗 英宗

神宗 哲宗室行禮如上儀訖降西階復西向立位禮直官引
率更令詣皇太子前跪稱率更令姓某言禮畢言訖俛伏興前
導皇太子出東神門外中允少前受圭前引皇太子歸幄次更
朝服有司轉伏衛於還途如來儀僕進金輅於西極星門外南

向禮直官引左庶子言外備皇太子出次至西極星門外升輅
侍官上馬如來儀輅動至東宮門外俱下馬入至閣前迎輅南
向左庶子請降輅皇太子降輅外輿入侍官從至閣左庶子請
將士於還本司

謁別廟

並如 太廟之儀

皇帝受群臣賀

其日質明文武百僚並常服早入就次皇帝將出宮讀奏目官
在殿庭之南宣贊引班對立舍人在其南簿書官在舍人之西
少絕覺察失儀提點使臣在其南並向北舍人以西為上簿書官以下東為上宣
贊舍人立班前西向東上閣門附內侍進班齋牌皇帝出宮守

踏道行門禁衛諸班親從迎駕自贊常起居訖又自贊賀再拜

訖皇帝服鞞袍坐鳴鞭讀奏目官以下起居訖讀奏目官升班

首出班諸詞稱賀歸位再拜如宣答次知內侍省事以下次管

軍臣僚各逐班先面西立俟班到橫行北向贊起居稱賀並如

上儀次行門起居稱賀再拜訖俟舍人南階下直身奏班絕皇

帝降坐鳴鞭諸紫宸殿後幄排立諸班親從迎駕自贊常起居

初垂拱殿起居稱賀班將畢樞密以下太班入就位並如賀祥

瑞立班之儀東上閣門附內侍進班齊牌皇帝御紫宸殿坐鳴

鞭舍人樞密以下躬赴當殿通某姓名以下起居稱賀復位贊

樞密以下再拜播笏舞蹈又再拜班首奏聖躬萬福又再拜訖

班首出班諸詞稱賀復位再拜播笏舞蹈又再拜知東上閣門

官當殿北向承訖西向稱有制樞密以下再拜宣答訖再拜
播笏舞蹈又再拜訖鳴鞭樞密直學士自西階升殿侍立知東
上閣門官以下殿庭東西侍立餘官分班出宣贊舍人退近南
當庭中立對立舍
人西文武百僚及諸軍將校殿門外序班立定知東上閣門官
以下退位東階下次殿中侍御史一員先入就位次將者次上
將軍以下分班入舍人分引文武班入詣殿庭東西相向立將
排立不盡者止
僚宰臣三公通
某官姓名以下起居稱賀舍人揖班首以下橫行北
向兩省上將軍
以下依舊立並如賀祥瑞立班之儀宣贊舍人揖左班近前
舍人自班後詣東階下立知東上閣門官至通唱位舍人揖班
首以下躬之東上閣門贊拜班首出班致詞稱賀復位樞密詣

御座前承旨退詣折樞東西向宣答班首以下再拜並如上儀
訖知東上閣門官揖宰相執政官升殿並自東階內中書侍郎
升自西階樞密直學士
出下殿贊拜知東上閣門官還立位引右班舍人由右班前出餘
官分出知引進司東上閣門官還侍立位宣贊舍人復位次引
進奉入如別儀

羣臣上禮

其日引進司先以所進馬陳列於殿門外北向東上俟羣臣稱
賀禮畢宣贊對立舍人稍南相立文武自西率馬陳於殿庭三
分庭在一南北首東上列定贊文武常起居訖率馬者門下侍
不拜
郎於折樞東西向立對立舍人當殿躬奏某官姓名以下進奉
訖復對立位門下侍郎曰進奉出還侍立位天武應嗟員僚引

應奉從東側門出宣贊對立舍人復位合班躬奏閣門無事卷
班西出皇帝降坐鳴鞭還幄次知引進司官以下並卷班出三
省樞密院官並退舍人引應進奉官殿門外謝如常儀

皇帝會群臣

前期殿中監帥其屬尚舍張設紫宸殿門之內設御座於殿上
當中南向尚醞設御酒尊酒器於御坐之東尚食設御茶牀於
御坐之西俱稍北有司設羣官酒尊酒器於殿下又設羣官坐
並如宴百官坐次之儀其日群臣上禮畢俟諸司排當備御史
臺分引三公以下文武官以次入詣殿庭東西相向立東上閣
門附內侍進班齋牌皇帝出幄次鳴鞭先行門禁衛諸班親從
迎駕奏聖躬萬福訖皇帝即御座鳴鞭殿中監以下知同知入

內侍省事知客省事以下知內侍省事以下帶御器械官六
尚局應奉官祇應武功大夫以下祇應諸司文臣闈班各奏聖
躬萬福次管軍臣僚奏聖躬萬福各復侍內祇應位次舍人引
班首以下橫行北向立如宴百官立班之儀班首奏聖躬萬福
訖舍人贊立就坐再拜舍人分班升殿席前相向立朵殿兩廊
官立於席後教坊使以下通班大起居看醜人謝升殿再拜訖
內侍進御茶床殿侍酹酒訖知東上閣門官詣御座前躬奏班
首姓名以下進酒舍人分引殿上臣僚橫行北向贊再拜舍人
引班首稍前知東上閣門官接引詣御座東北向搯笏殿中少
監以酒注於醜班首奉酒詣御座前躬進訖少退虛跪興以監
授殿中監出笏知東上閣門官引退舍人接引復位贊舍人引

班首少前殿上臣僚席前相向立知東上閣門官接引班首詣御座東北向播笏殿中監授盤俸詣御座前西向立樂作皇帝飲訖舍人分引殿上臣僚行北向知東上閣門官引班首接盞訖少退虛跪興授殿中監出笏引退舍人接引復位贊再拜舍人贊各賜酒群官俱再拜贊就位群官俱立席後復贊就坐群官俱座酒初行群官進笏授酒先宰臣次百官皆作樂尚食典奉御進御食太官設群官食此後准皇帝再舉酒自此並殿中群官俱立席後樂作飲訖舍人贊就座復行群官酒皇帝三舉酒次行群官酒並如第二之儀若宣示醜即隨所向東上閣門官以下揖稱宣示醜躬贊就座若宣勸即立席後躬飲訖贊再拜內侍舉御史林舍人引班首以下俱降階橫行北向再拜播笏

舞蹈又再拜分班出次教坊使以下謝祇應再拜訖如賜祇應臣僚茶酒並舍人逐班贊再拜知東上閣門官側奉無事皇帝降座鳴鞭

政和五禮新儀卷第二百一

政和五禮新儀卷第二百二

嘉禮

皇太子冠儀

奏告

陳設

皇帝御文德殿行禮

朝見皇后

前期太史局擇日差官奏告 景靈東宮

如常告之儀

陳設

前期殿中監帥其屬尚舍張設垂拱文德殿門之內設御座於

文德殿當中南向東房於御座之左右稍北東西閣於殿後之
左右殿上前楹於簾設香於殿下螭陛間又為房於東朵殿大
晟宮架之樂於殿庭橫街之南協律郎舉麾位於宮架西北東
向大司樂押樂位於宮架之前北向儀鸞司設文武朝參官及
掌冠贊冠掌冠以太常卿贊冠以閤門官應行禮官王府宮次廟堂之內外其
日尚輦陳大輦於殿西階下東向列御馬於殿門外東廂西向
尚書兵部帥其屬列黃麾細仗於殿庭次典儀設

皇帝朝見位於橫街南北向設掌冠贊冠者受制位於皇太
子稍北東上設左輔承制位於御座之東設左輔宣制
位於皇太子位之東並西向又設掌冠贊冠者及應行禮官
位於東階下王府官又位於後並西向北上太常設皇太子

冠席於東階上稍北南向設褥席陳服于席南東北領上九旒
冕旒以青瑛為之犀簪尊青纒元耳青衣朱裳九章白羅中單青襪襪

裾草帶鈎鑠大帶蔽膝玉佩暈錦授間施二玉環朱鞮朱履七
梁冠金渡銀梁貂蟬籠中犀簪銀立筆排羅大袖裙白羅中單

阜襪白羅方心曲領緋羅蔽膝緋白羅大帶銀褐綾勒帛間金
鍍銀東帶間金鍍銀裝玉佩天下梁樂暈錦綾青絲網玉環白
綾鞮烏安履折上中公服七梁冠簪尊九旒冕簪尊高箱在服
南設罍洗於阼階東罍在洗東篚在洗西實中一加勺幕光祿
實側尊在席南饌設於席加幕執事者並公服立於罍洗酒饌
之所九旒冕七梁冠折上中各一篚奉禮郎三人執以侍于東
階之東西向北上設典儀位於樂架東北贊者二人在南少退

俱西向

皇帝御文德^殿行禮

其日質明闢文德殿門文武朝參官及掌冠贊冠應行禮官王府官就次服朝服大樂正帥樂工先入就位協律郎入就舉麾位大司樂入就神樂位典儀帥贊者先入就位又引掌冠贊冠者入立於文德殿門外道東西向立府官以下自本閣道從皇太子至殿門外禮直官通事舍人太常博士引皇子詣文德^殿東房訖皇帝將出宮東上閣門引知樞密院事以下詣垂拱殿立班如常儀東上閣門附內侍進班齊牌垂拱殿簾降皇帝乘輦至殿上少駐輦官迎駕自贊常起居訖宣上殿簾卷鳴鞭行門禁衛親迎從駕自贊常起居次舍人先贊

知內侍省官以下起居知樞密以下通判^班常起居贊祇候引

駕樞密知客省事以下至簽書東上閣門官分左右立大尚應

奉官祇應武功大夫以下並先退管軍臣僚窄衣執仗子宣名

常起居贊祇候引駕並分左右前導輦降東階垂拱殿門

外禁衛諸班親從自贊常起居訖至文德殿後管軍臣僚易公

服執杖子殿階下分東西侍立皇帝降輦入西閣前道官易

朝服詣御座前分左右侍立知樞密院簽書樞密知客省事

以下知簽書東上閣門官在東同知樞密在西閣門官在東同

知樞密在西閣門舍人以下各采兩詣上不當祇應舍人並殿

下西向立諸軍先校入分立殿門內左右內外符寶郎俱詣閣

奉迎御史臺引殿中侍御史先入就位次東上閣門御史臺太

常寺分引三公以下文武臣僚入詣文德殿立班東西相向如
月朔視朝之儀禮直官通事舍人引左右輔版奏中嚴內外符
寶郎奉寶先出少頃又引左輔版奏外辦

皇帝服通天冠絳紗袍簾卷大樂正令撞鐘之鐘左五鐘皆應
殿上鳴鞭禁衛諸班親從自贊常起居 皇帝出西閣門乘輦

協律郎跪伏舉麾興

凡樂皆協律郎舉麾興而後作個麾戛故而欲上

工鼓祝奏乾

安之樂禮直官太常博士引禮儀使前道皇帝出自西房內侍

承 旨索扇合

皇帝降輦即御座簾卷內侍贊扇開殿下

鳴鞭戛故樂止爐煙升禮直官太常博士禮儀使立於 御座

前稍東西向符寶郎奉八寶陳於 御座之左右分立如儀禮

直官通事舍人太常博士引掌冠贊冠者入就位掌者初入門

祇安之樂作至樂位止立定典儀曰再拜贊者承傳在位官皆

再拜左輔詣 御座前東 制降自東階詣掌冠者前稍東西

向稱有 制典儀曰再拜贊者承傳在位官皆再拜訖左輔宣

制曰 皇帝冠命卿等行禮宣 制訖掌冠贊冠者再拜左輔

復位文臣侍從官宗室武臣節度使以上升殿東西侍立禮直

官通事舍人太常博士引掌冠贊冠者及應行事禮官以次詣

東階下位立定王府官入詣 皇太子東房引 皇子內侍二

人夾侍王府官復從自此後皇子初行恭安之樂即作席南向坐

樂止禮直官通事舍人太常博士引掌冠贊冠者以次詣壘洗

樂作播笏盥手悅手訖執笏升樂止執折上中者升掌冠者降

一等受之右執項左執前進

皇太子席前北向冠跪修安之樂作掌冠者與席南北面立贊
冠者進席前北面跪正官立於掌冠之後 皇子與內侍跪進
服訖樂止掌冠者揖 皇帝復坐贊冠者跪取爵內侍以酒注
於跪進 皇子席前北向立祝曰酒醴和旨籩豆靜嘉授爾元
服兄弟俱來永言保之降福孔偕 皇子搯笏跪受爵翼安之
樂作飲訖奠爵執笏太官令奉饌設於 皇太子席前 皇太
子搯笏食訖樂止執笏太官令徹饌禮直官通事舍人太常博
士引掌冠贊冠者降詣壘洗樂作搯笏盥手祝手訖執笏升樂
止贊冠進席前北向跪脫折上中置于篚興內侍跪受服興至
于席執七梁冠者升掌者降二等受之右執項左執前進 皇
子席前北向跪冠進安之樂作掌冠者與席南北面立贊冠者
酒注於爵掌冠者受爵跪進 皇子席前北向立祝曰賓贊既
戒穀核維旅申加厥服禮儀有序允觀爾成承天之祐 皇子
搯笏跪受爵輔安之樂作飲訖奠爵執笏太官令奉饌設于
皇帝席前 皇帝搯笏食訖樂止執笏太官令徹饌禮直官通
事舍人太常博士引掌冠贊冠者降詣壘洗樂作搯笏盥手祝
手訖執笏升樂止贊冠者進席前北向跪脫七梁冠置于篚興
內侍跪受服興置于席服允疏冕者升掌冠者降三等受之右
執項左執前進 皇太子席前北向跪官慶安之樂作掌冠與
席南北面立贊冠者進席前北面跪簪結紘興立於掌冠之後

皇子與內侍跪進服訖樂止掌冠者揖皇子復坐贊冠者跪取爵內侍以酒注於爵掌冠者受爵跪進皇子席前北向立祝曰旨酒嘉粟甘薦令芳三加爾服眉壽無疆永承天休俾熾而昌皇子播笏跪受爵賢安之樂作飲訖奠爵執笏太官令奉饌設於皇子席前皇子播笏食訖樂止執笏興太官令徹饌禮直官通事舍人太常博士降引皇子降自東階詣朵殿東房易朝服皇子初行樂作止至次樂止禮直官通事舍人太常博士引皇子降立於橫街南北向位王府官復東階下西向位皇子初行樂作至位立於樂止禮直官通事舍人太常博士引掌冠贊冠者位詣皇太子位前稍東西向掌冠者少退進字之曰歲日之吉威儀孔時昭告厥字君子攸宜順爾成

德永受保之奉

勅字某太常博士請再拜

皇太子再拜訖

播笏舞蹈再拜奏

聖躬萬福又再拜訖掌冠者復東階下位

左輔詣御座前承

旨降自東階詣

皇太子前稍東西向

宣曰有勅太常博士請再拜

皇子再拜左輔宣

勅戒曰好

禮樂善服儒誨執蕃我王室友于兄弟不溢不驕惟以守之宣訖左輔退復位太常博士請再拜皇子再拜訖禮直官通事舍人太常博士引皇子進前俛伏跪奏稱臣雖不敏敢不祇奉訖俛伏興復位太常博士請再拜皇子再拜訖禮直官通事舍人太常博士前引皇子出殿門皇子初行樂作出門樂止文臣侍從官以上武臣節度使以上及侍立官並降復位定立典儀曰再拜贊者承傳在位官皆再拜訖禮直官皆再拜太

常博士引禮儀使詣御座前俛伏跪奉禮儀使具官臣某言
禮畢俛伏興復位內侍承旨索扇合簾降鳴鞭大樂正令
撞蕤賓之鍾左五鍾皆應乾安之樂作皇帝降座入東房內
侍又贊扇開樂止禮直官通事舍人引左輔版奏解嚴所司承
旨俛伏應在位官俱再拜訖以次出次日文武百僚詣閣門拜
表稱賀如常儀

朝見皇后

皇子朝見 皇帝訖入內朝見 皇帝_后如宮中之儀

政和五禮新儀卷第二百二

政和五禮新儀卷第二百三

嘉禮

品官嫡子冠儀

告廟

成賓

宿賓

行事

禮賓

告廟

將冠主人諏日擇賓告于禰廟無_廟廣者為位于廳事兩楹之門
南面主人公服再拜乃告曰某子某年若干矣卜某甲子冠告

賓某官某贊某官某不泯先君之嗣徵福於我先君實辱臨之
以始卒告事謹告凡行事如非南向並各因所向陳設以後准此

戒賓

前三日主人戒賓：如主人服出門在西面肅而入賓入門而
左主人入門而右賓升東階主人升西階主人再拜賓答拜主
人曰某之子某將以某日加冠於其首吾願子終教之賓曰某
不敏恐不能共事以病吾子敢辭主人曰某猶願吾子終教之
也賓曰吾子重有命某敢不從主人再拜賓答拜人退賓送於
門外

宿賓

前一日主人擇賓可授冠子者一人而宿之如戒賓之儀宿曰

某將加冠於子某之首願吾子將筮之敢宿賓對曰某敢不宿
與宿贊冠者亦如之賓贊善主人有故以書戒宿

行事

質明執事者設洗於東階東南水在洗東箱實中一在洗西陳
服于房中東領北上無房者張帷為之平冕金鍍鍤石稜角簪青羅素
裙蔽膝白綬中單緋白羅大帶金鍍銅華草帶緋羅履襪以上品
五流冕青生色大袖緋羅繡裙蔽膝皂綫銅環餘銅平冕服三梁冠朝服金鍍銀稜角簪銀
立筆緋羅大袖裙白紗中單皂楔白羅方心曲領緋羅蔽膝緋
白羅大帶銀褐授勒白金鍍銅東帶佩方勝練鵲錦綾青絲網
鍤石環五品以上四梁羅金鍍銀稜犀簪折上中公服中總
二梁冠笄平冕笄組紘實于篋平冕二梁折上巾各一箱執以

待于西隅南西面東東上賓上則東面設洗于房中之東水在洗東箱實中一在洗西質明主人公服立于東階下西面兄弟各服其服立於洗東西面北上將冠者立於房中南面賓贊如主人服立于外門之外主人出迎揖先入三揖至于階三遜設主人出位于東階上西面賓贊立于西階上東西面主人與贊冠者盥手洗西升冠於主人東北面西面將冠者出房南面贊冠者奠中總于席南端賓揖將冠者即席坐贊冠者坐設中總賓降主人從降賓辭請勿降主人曰吾子降辱敢不從降賓既盥一揖一遜升主人復初位賓即將冠席前跪正中興降西階一等執折上巾者升東西面受賓：右手執項左手執前進揖冠者席前東向立祝曰考惟初冠考禮之稱正

爾容體順爾辭令盡革童心永膺天慶乃跪冠興復位贊冠者跪正折上巾冠者興賓揖冠者適房服折上出房南面立賓主俱興賓揖冠者即席坐贊冠者跪脫折上巾設筭賓降主人從降辭對如初賓既盥揖遜升賓即冠者席前正中興降西階二等執二梁冠者升東西授賓：右手執項左手執前進冠者席前東向立祝曰載契我龜載加爾服爾既順序毋曰欲速自天申之申以百福乃跪冠乃服位贊冠者卒紘冠者興賓揖冠者適房服冠二梁出房南面主賓主俱興賓揖冠者即席坐贊冠者跪脫二梁冠設筭賓降主人從降辭對如初賓既盥揖遜升賓即冠者席前正中興降西階三等執平冕者升東西授賓：右手執項左手執前進冠者席前東向立祝曰授時之告迎天

之休抗以高明掖其進修三加彌尊百祿是道乃跪冠興復位
 贊冠辭紘冠者興賓揖者冠適房服平冕出房南面立賓主俱
 興執事者徹折上中二梁冠席入於房執事者席於西階上南
 面設酒饌如常儀執事者盥手洗爵于房中贊冠者以酒注于
 爵賓揖冠者即席西南面立賓受爵進席前北向立祝曰旨酒
 既載嘉穀斯阜既曰克家亦惟繼祖孝友慈祥受天之祐冠者
 席西拜受爵賓東西各拜贊冠者薦贊冠者即座坐飲食訖降
 席再拜賓答拜易服拜父、為起入拜母、為起賓降當西序
 東面主人降當東序西面立冠者出於立西階東南面賓少進
 字之曰卜筮之告禮儀孔明爰字爾德嘉爾有成其成伊何曰
 伯某甫仲秋李唯冠者曰某雖不敏敢不祇奉賓出主人西面

請賓曰吾子辱執事請禮從者賓曰某既得將事敢辭主人曰
 敢固以請賓曰某辭不得命敢不從賓就次如別儀冠者廟見
 之及見諸父諸兄姑婦如常儀若以中帽折上
 禮賓中為三加者聽

冠訖主人釋服改席賓與贊冠者如主人服出次立於門西東
 面主人出門東西面主人揖賓先入賓及贊冠者從之至階揖
 遜升各即席衆賓皆與執事者奉葢酬賓會訖賓主俱與主人
 再拜賓答曰拜賓出主人送於門外如孤子冠即諸父諸兄為主
 冠依品官依官儀折
 上巾服用鈺

政和五禮新儀卷第二百三

政和五禮新儀卷第二百四
嘉禮

品官庶子冠儀

告廟

戒賓

宿賓

行事

禮賓

告廟

如嫡子之儀

戒賓

如嫡子之儀

宿賓

如嫡子之儀

行事

質明執事者設洗於東階東南水在洗東箱實巾一先詣西陳服於房中東領北上無房者張平冕金鍍鍮石稜角簪青羅素

大袖排羅素裙蔽膝白綾中單緋白羅大帶金鍍銅草帶緋羅

履襪五品以上五旒冕者羅生草大袖緋羅二梁冠服朝金鍍

銀稜角簪銀立筆緋羅大袖裙白紗中單皂襪白羅方心曲領

緋羅蔽膝緋白羅大帶銀褐綾勒白金鍍銅束帶佩方勝練鵲

錦授青絲網鍮石環五品以上四梁冠金鍍銀稜角簪束帶

折上巾公服中總二梁冠笄平冕笄組紘實于篋平冕二梁折

上中各一箱執以待于西隅南面東上賓升則東面設洗於房

中之東水在洗東箱實巾一在洗西質明主人公服立於東階

下西面兄弟各服其服立於洗東西向北上將冠者立於房中

南面賓贊如主人服立於外門之外主人出迎揖先入立揖至

于階三遜設主人之位於東階西向賓贊位於西階上東面主

人與賓升就位贊冠者盥手洗西升立于房中西面設冠者于

房戶外之西南面設酒饌如常儀將冠者出房南面贊冠者奠

中總於席東端賓揖將冠者即席座贊冠者座席中總賓降主

人從降賓辭請毋降主人曰吾子降辱敢不從降賓既盥揖一

遜升主人復初位賓即將冠者席前跪正中興降西階一等折

上中者升東西向授賓，右手執項，左手執前，進將冠者席前北向跪冠，興復位贊冠者為正折。上中冠者興賓揖進者適房服，折上出房南面立贊主俱興賓立冠者即席立執事者盥手洗爵于房中贊冠者以注酒於爵，賓授爵席前北向立祝曰：穀但既治，言設其醴，助爾成德治。如此禮既醮于初昭，受多祉冠者再拜受爵，賓東面答拜贊冠者薦饌冠者即席坐飲食訖降席再拜賓答拜賓揖冠者即席座贊冠者跪脫折上中設筭賓降主人從降辭對如初賓既盥揖遜升堂，即冠者席前正中興降西階二等執二梁冠者外東面授賓，右手執項，左手執前進冠者席前北面跪冠興復位贊冠者跪卒紘冠者興賓揖訖冠者適房服冠二梁出房南面立賓主俱興賓揖冠者即席立執事者盥手洗爵於房中贊冠者以酒注於爵，賓受爵即席前北向立祝曰：有脯斯設有酒斯盈，載加爾服，聿觀其成。草爾幼習保茲，令名冠者再拜受爵，賓東面答拜贊冠者薦饌冠者即席座飲食訖降席再拜賓答拜賓揖冠者即席座贊冠者跪脫折二梁冠設筭賓降主人從降辭對如初賓既盥揖遜升賓即冠者席前正中與降西階三等執中冕者升東西授賓，右手執項，左手執前進冠者席前北向跪冠興復位贊冠者跪卒紘冠者與賓揖冠者房服冕出房南面立賓主俱興賓贊冠者即席立執事者盥手洗爵于房中贊冠者以次注于爵，賓受爵進席前北向立祝曰：旨酒思茅，穀核維旅，受言醮之三，加具舉爾德。既成有秩，斯祐冠者再拜受爵，賓東面答拜贊冠者薦饌冠

者即席坐飲食訖降席再拜賓各拜執事者徹冠席酒饌及折
上中二梁冠入于房中冠者易服拜父、為起入拜母、為起
賓降賓降當西席序東面主人降當東序西面立冠者出立于西
階東南面賓少進字之曰卜筮云吉禮儀孔明爰字爾德加爾
有成其成伊何曰孟某甫冠者曰某雖不敏敢不祗奉賓出主
人西向請賓曰吾子辱執事請禮從者賓曰吾既得將事敢辭
主人曰敢回以請賓曰某子不得命敢不從賓就次如別儀冠
者廟見及見諸父諸兄姊妹如常儀若以中帽折上中

禮賓

如嫡子之儀

孤子冠即諸父諸兄為主如上儀

品官字三舍生

政和五禮新儀卷第二百四

政和五禮新儀卷第二百五

嘉禮

庶人嫡子冠儀

告禰

行事

告禰

將冠主人詠日擇賓告于禰為位于廳事南面主人北面再拜
乃告曰某子某年若干矣卜以某甲子冠告乃遜賓某以始卒
冠事庶幾臨之謹告凡所事是如非南向並各

行事

前期主人戒賓曰某日將加冠於子某首願吾子泣之賓許諾

其日夙興張帷于房廳事之東陳服其中謂每加所東領北上
酒饌在服北帽一折上中一陳于西階之西為賓主位如常儀
為冠者席於主人東少北西向將冠者待于房中賓至主人出
迎揖而入座定冠者出自房執事者曰請行事主人曰敢勞吾
子賓揖將冠者即席前執帽降升賓受之進冠者席前東向立
祝曰令月吉日始加首服棄爾幼志茂爾成德俾壽而藏以介
多福乃跪加帽興復位賓揖冠者適房易服出即冠席服座賓
跪脫帽折執上中者升賓降受之進冠席前東向立祝曰吉月
令辰申加爾服欽爾威儀柔加嘉維則壽考不忘以終厥得德乃跪
冠興復位賓揖冠者適房執事者徹冠將冠席入于維中為醴
席于西階南向冠者易服出少主俱興執事者以酒注於醴賓

揖冠者即醴席西向立賓受醴進席前北向立祝曰爾酒既滑
爾穀伊旅拜受祭之自來多祐冠者席西拜受賓答拜執事者
薦饌於席前冠者坐飲食訖再拜賓答拜冠者興離席立於東
階之西東南向賓少進字之曰爾服既莊爾儀既備兄弟階止
爰各爾宇永保受之令德是似冠者拜賓若答拜冠者廟見如
常儀拜父為起入拜母為起拜諸父群從之尊者主人享
賓出主人送於門外孤子即冠諸父諸兄為主如上儀戒賓若
主人有故聽以函書耳

政和五禮新儀卷第二百五

政和五禮新儀卷第二百六

嘉禮

庶人庶子冠儀

告禰

行事

告禰

將冠主人誼日擇賓告于禰為位于廳事南面主人北面再拜
乃告曰某子某年若干矣卜以某甲子冠告乃 賓某以始卒
冠事庶幾臨之謹告 凡廳事如非南面並各因所向陳設以後准此

行事

前期主人戒賓曰某日將加冠於子某首願吾子泣之賓許諸

五禮新儀卷第二百五

其日夙興張帷為房於廳事之東陳設其中謂每加所東領北
上席一在南酒饌在服北帽一折上中一各一箱陳于西階之
西為少主位如常儀設冠者席於房戶外之西南面將冠者待
于房中賓至：人出迎肅而入坐定冠者出自房執事者曰請
行事曰敢勞吾子賓揖將冠者即席坐執帽者升賓降受之進
冠席前跪加帽興復位賓揖冠者即席坐執帽者南面立賓主
俱興執事者以酒注於琖賓受琖進席前北向立祝曰涓吉戒
賓初加首服旨酒加薦用綏爾福飭行謹身毋俾作慝冠者再
拜受爵賓北面答拜執事者薦饌冠者即席坐食飲訖執事者
徹飲酒於房中賓跪脫執折上中者賓升降受之進冠席前跪
加折上中興復位賓揖冠者適房服出房南面立賓立主俱興

執事者以酒注于琖賓受琖即席前北向立祝曰旨酒既清嘉
薦亶時乃申爾服成爾儀綏受多福永言保之冠者再拜受爵
賓北面答拜執事者薦饌冠者即席坐飲食訖執事者徹酒饌
於房中冠者興離席立于東階之西南向賓少進字之曰容服
既莊禮儀有序蒞爾成德爰告爾字鐸言孔嘉尚克是似冠者
拜賓答拜冠者廟見如常儀拜父、為起拜母、為起拜諸父
群從之尊者主人享賓出主人送于門外孤子冠即諸父諸兄
為主如上儀戒賓若
主人有故
聽以亟書

五禮新儀卷第二百六

政和五禮新儀卷第二百六

政和五禮新儀卷第二百七

嘉禮

冊皇后儀一

奏告

陳設

臨時發冊

皇后受冊

皇后表謝

皇后受內外命婦賀

皇后會外命婦

皇帝受羣臣賀

羣臣受上禮

五禮新儀卷第二百七

皇后受羣臣

皇帝朝謁 景靈宮

奏告

前期太史局擇日差官奏告

昊天上帝

皇地祇

太廟

太稷大社

景靈東宮

景靈西宮

太中一宮

祐神觀

醴泉觀

上清儲祥宮

太清儲慶宮

九成宮

永安陵下准此

永昌陵

永熙陵

永定陵

永昭陵

永原陵

永裕陵

永泰陵並如常告之儀

陳設

前期殿中監帥其屬尚奉張設垂拱殿文德殿門之內設

御座於文德殿當中南向東西房於御座之左右稍北東西閣

於殿後之左右殿上前楹施簾設香案於殿下螭陛間太晟展

宮架之樂於殿庭橫街之南協律郎舉麾位於宮架西北東向

大司樂押樂位於東架之北宮向儀鸞司設文武百僚及應行

事官次於朝堂之內外又設冊室帷次二於殿後東廂俱

南向前一日尚書工其日尚輦陳大輦於殿西階下東向列御

馬於殿門外東廂西廂尚書兵部帥其屬列黃麾細仗於殿庭

典儀設冊使副受制位橫街南北向東上又設左輔承制位於

御座之東又設左輔宣

制位於冊使位於東北並西向又設門下侍郎奉節位及左輔

右弼位奉冊寶位在使副東北西向又設權置冊寶褥位二於

橫街南向黃道東稍北西向冊在北寶在南又于冊使受

制位稍北設褥位一以俟冊使受冊副使受寶應行事官位又

於近北西向以為上典儀位于宮架東北贊者二人在南少退

俱西向

臨時發冊

其日質明闢文德殿門文武百僚及應行事官入就次服朝服

太樂正帥樂工先入就位協律郎入就舉麾位大司樂入就神

樂位典儀帥贊者先入就位管勾內臣承

旨降冊寶出垂拱殿門禮部執掌以次捧舉至殿文德後^殿帷次
以俟禮直官引冊使副入立於文德殿門外道東西向門下侍
郎帥掌節者奉節立于左嘉福門內道北皇帝將出宮東上閣
門引知樞密院事以下詣垂拱殿立班如常儀東上閣門外內
侍進班齊牌垂拱殿簾降

皇帝承輦出至殿上少駐輦官奉迎

駕自贊常起居訖宣輦上官殿簾卷鳴鞭行門禁衛諸班親從
迎
駕自贊常起居次舍人先贊知內侍省事以下常起居次樞密
院以下通班常起居贊祇候引

駕樞密知客省事以下至簽書東上閣門官分左右立於上局
應奉官祇應大武功大夫以下並先退管軍臣僚窄衣執仗子

宣明常起居贊祇候引駕並分左右前導輦降東階垂拱殿門
外禁衛諸班親從自贊常起居訖至文德殿後管軍臣僚易公
服執仗子殿階下分東西侍立朝服詣御座前分左右立知樞
密皇帝降輦出西閣前導官詣朝服詣御座前分左右立知樞
密院事簽書知樞密院事^知客省事以下至簽書東上閣門官在
東同知樞密院在西閣門舍人以下各詣兩朵殿上不當祇候
舍人並殿下西向立並諸軍將效先人分立殿門內左右內外
符寶郎俱詣閣奉迎御史臺引殿中侍御史一員先入就位次
東上閣門御史臺太常寺四方舒分引三公以下文武百僚入

請文德殿庭立班東西相向如月朔視朝之儀班者升朝官應立以上位于通真郎之東西相武臣承姓郎以上位于脩武郎之西東向寺重行異位俱北上禮直官引右

弼左在弼門下侍郎中書侍郎及奉冊寶官寺並詣文德殿後幄

次前立少卿奉冊寶出幄次奉冊寶官帥執事人捧舉以待禮

直官通事舍人太常博士前引中書侍郎押冊右弼從後門下

侍郎押寶左輔後從援位如儀由東上門出至文德殿庭權置

訖禮直官通事舍人引左輔版奏中嚴內外符寶郎奉寶先出

少頃又引左輔版奏外辦

皇帝服通天冠絳紗袍簾卷大樂正令撞黃鍾之鍾右五鍾皆

應殿上鳴鞭禁衛諸班親從自贊常起居皇帝出自皇帝出西

閣乘輦協律郎跪俛伏舉麾興工鼓祝奏朝安之樂凡樂皆協律郎舉麾

工鼓祝而後作禮直官太常博士引禮儀使前導偃麾戛歎而止

皇帝出自西房內侍承

旨索扇合

皇帝降輦即御座簾卷內侍又贊扇開殿下鳴鞭戛歎樂止爐

煙升禮直官太常博士禮儀使立於

御座前稍東西向符寶郎奉八寶陳於御座之左右分立如儀

禮直官通事舍人太常博士引冊使副入就位冊使副初入門

正安之樂作至位樂止立定典儀曰再拜贊者承旨傳在位官

皆再拜左輔詣

御座承前

旨降自東階詣冊使前東北西向稱有制典儀曰再拜贊者承

傳冊使以下應在位官皆再拜左輔宣
制曰冊某氏為

皇后命公等持節展禮宣

制訖冊使副再拜左輔升復位門下郎侍帥掌節者脫節衣詣
冊使所掌節者以節授門下侍郎掌節者退門下侍郎西向以
節授冊使冊使跪授以授掌節者掌節者立於冊使之左門下
侍郎退次引冊使諸授冊入位立定又引右弼詣諸冊使前東
北西向立中書侍郎引冊案立於左弼之右右弼跪取冊授冊
使冊使跪受訖興置於案舉案者退冊使右弼中書侍郎俱退
復本班次

引副使詣受寶褥位立定右引左輔詣副使前東北西向立門
下侍郎引贊案立於左輔之左左輔跪取寶以授副使副使跪
受訖典置於案舉案者退副使左輔門下侍郎俱退復本班典

儀曰再拜贊者承傳冊使副以下應在位官皆再拜訖禮直官
通事舍人太常博士引冊使押冊副使押寶持節者前導正案
之樂作捧冊寶官捧舉由中道出文德殿東偏門樂止掌節者
加節衣由端禮門右長慶門右嘉肅門右銀臺門右承天門至
穆清殿門外幄次禮置冊寶訖冊次以下歸次初冊寶出文德
殿門禮直官太常博士引禮儀使進當

承
御座前俛伏跪奏禮儀使具官臣某言禮畢俛伏興復位內侍

旨索扇合簾降鳴鞭大樂正令撞蕤賓之鍾皆五鍾皆應協

律郎跪俛伏舉麾興工鼓祝奏乾安之樂
皇帝降座乘輦入自東房內侍又贊扇開戛歌樂止禮直官通
事舍人引左輔版奏解所司承旨放伏應在位官俱再拜訖以
次出

政和五禮新儀卷第二百七

嘉禮

冊

冊 皇后儀二

冊 皇后受冊

前一日有司於穆清殿設 皇后座於中間南向又設皇后東
西房於座之左右稍北又設東西閣於殿後之左右又設 皇
后受冊位於殿庭階間北向又設冊寶位四其二在殿東階之
東西向其二在殿西階之西東向內又設內命婦妃嬪以下次
於庭之左右司樂展宮架之樂於殿庭設麾於殿上西階之西
東向又於殿門外設冊寶幄次二量地之宜又設行事官及外
命婦次於門之左右其日兵部於穆清殿門外皇城裏角門內

外設皇后黃麾仗左右排列如儀所司設冊寶使副位於門外
西向北上內侍又於其南少退又設舉冊寶案位於使副之前
北向又設內給事位於北廂南向又設內謁者監位於其東南
西向司贊設內命婦及內官排俱奉者陪列之位於受冊正殿
之庭東廂西向重行北上又設內命婦等朝位於殿庭道東重
行北向西上又設外命婦朝位於殿庭道
左右近南每等重行異位北向又設司贊位於東階東南階典
贊二人在南少退俱西向贊明帥樂女工人先入就位典樂升
就舉麾位司贊帥典贊就殿庭位外命婦各就門外次皇后常
服乘龍飾肩輿肩輿謂擔
于下推此至穆清後殿西閣內命婦等應陪列
位各服其服奉從至閣訖各入次以俟冊寶至殿門外幄次應
行事官並就次內侍版奏

皇帝中嚴應行事官各就門外位立定持節者立於使副之所
少退內外引命婦各就陪列位內侍又版奏外辦 皇后首飾

褥衣司言引上宮上宮引皇后出閣典樂舉麾坤安之樂作

皆興樂舉麾工鼓柷而
後作偃麾戛鼓而後止

皇后出西至房至殿上中間南向立定樂止禮直官通事舍人
引冊使副就內給事前北向跪稱冊使姓某副使姓某奉制受
皇后備物典冊俛伏興復位內給事入詣皇后前北向跪奏訖
俛伏興退又內侍進詣冊使前東向跪受冊以受內謁者監冊
使退復位又副使以寶授內侍如上儀訖內謁者監辦官勾內
臣等持冊寶入殿門內侍從之以次入詣殿庭置冊寶於西階
之西東向位冊寶初入門宜安之樂作至位樂止內侍贊引皇

后降自東階至庭中北向位 皇后初行承安之樂作至位樂止內侍贊引皇后降自階至庭中北向位皇后初行承安之樂作至位樂止內侍跪取冊入內侍跪取寶進立於皇后之右少前司向言司寶二員進立於皇后之左少前東向又內侍稱有制內侍贊再拜皇后再拜內侍宣冊訖內侍又贊再拜皇后再拜內侍奉冊進授皇后皇后受訖以受司言又內侍進寶奉捧皇后皇后受訖以授司寶司言司寶置冊寶於東街之東西向位皇后初受冊寶成安之樂作受訖樂止又內侍贊再拜皇后再拜表謝如別儀冊使副退詣文德殿庭橫街南道東北向西上立中書令立於冊使東北西向冊使等再拜復命日奉制授皇后備物典冊禮畢又再拜中書令奉文冊使等退

皇后表謝

皇后受冊畢內侍贊再拜皇后再拜內侍表謝表授皇后及內侍以案少前皇后置表案上內侍贊再拜皇后再拜內侍奉表以聞內侍詣皇后前跪奏稱禮畢俛伏興受賀如別儀

皇后受內外命婦賀

皇后受冊表謝訖內侍跪奏禮畢司言引尚宮尚宮引皇后升皇后座皇后初行如常之樂作即座南向司寶奉寶至于庭前樂止司賓引內命婦陪列位者以次進就北向位班首初行典樂舉麾惠安之樂作至位樂止司贊曰再拜典贊承傳內命婦皆再拜司賓引班首詣西階升樂作至街樂止進當皇后座前北向躬致詞稱賀降自西階樂作至位樂止司贊曰再拜典贊

承傳內命婦等皆再拜司舍前承令降自西階詣內命婦前西
北東向稱令旨內命婦等以下皆再拜宣令旨訖司贊曰再拜
典傳承傳在位者皆再拜司賓以次引內命婦還宮班首初行
樂作出門樂止內侍引外命婦出次至殿門司賓引詣東向位
班首初入門咸安之樂作至位樂止立定司贊曰再拜典贊承
傳外命婦皆再拜訖司賓引班首進升奉賀復位再拜樂作止
及宣令再拜等皆如內命婦之儀訖司賓引外命婦以次出班
首初行樂作出門樂止內侍詣皇后前跪奏稱禮畢俛伏興皇
后降座徵安之樂作入東房樂止歸閣秦安之樂作至閣樂止
女工人退會外命婦如別儀

皇后會外命婦

皇后受內外命婦賀禮畢皇后更常服內侍承令宣外命婦入
皇后升座會外命婦並如宮中常儀會畢司賓引外命婦降階
橫行北向司贊曰再拜典贊承傳在位者皆再拜訖以次出皇
后還宮

政和五禮新儀卷第二百八

政和五禮新儀卷第二百九

嘉禮

冊 皇后儀三

皇帝受羣臣賀

其日質明文武百僚並常服早入就次皇帝將出宮讀奏目官
 以下垂拱殿讀奏目官在殿庭之南宣贊引班對立舍人在其
 南簿書官在舍人之西少絕覺察失儀提點使臣在其南並北
 向舍人以下以西為上簿書宣贊舍人立班前西向東上閣門附內
 侍進班齊牌皇帝出宮守踏道行門禁衛諸班親從迎駕自贊
 常起居訖人自贊賀再拜訖皇帝服鞞袍坐鳴鞭讀奏目官以
 下起居訖讀奏目官升階班首出班致詞稱賀歸位再拜又再拜

次知內侍省事以下管軍臣僚各逐班先面西立俟班到橫行
贊起居稱賀並如上儀次行門起居稱賀再拜訖候舍人南階
下直身奏班絕皇帝降座鳴鞭詣紫宸殿後帷排立諸班親從
迎駕自贊常起居初垂拱殿起居稱賀班將畢紫宸殿樞密院
以下大班入就位並如賀祥瑞立班之儀東上閣門附內侍進
班齋牌皇帝御紫宸殿座鳴鞭舍人揖樞密以下躬赴當殿通
某官姓名以下起居稱賀復位贊樞密以下再拜播笏舞蹈又
再拜班首奉聖躬萬福又再拜訖班首出班致詞稱賀復位又
再拜播笏舞蹈又再拜知東上閣門官當殿北向承旨訖西向
稱賀制樞密以下再拜宣答訖又再拜播笏舞蹈又再拜訖鳴
鞭樞密直學士自西街升殿侍立知東上閣門官以下殿庭東

西向侍立餘官分班出宣贊舍人退近南當庭文武百僚及諸
軍將校殿門外序班立定知東上閣門官以下退立東階下次
殿中侍御史一員先入就位次兩省次上將軍以次下分班入
舍人分引文武班入詣殿庭東西廂向將校排外立班不盡者舍人
揖班首以下躬宣贊舍人通當殿通文武百僚宰臣三宮通姓
名以下起居稱賀舍人揖班首以下橫行北向兩省上將軍以
並如賀祥瑞之儀次宣贊舍人揖左班近前舍人自班後詣東
階下立知東上閣門官至通揖位舍人揖班首以下躬知東上
閣門官贊拜班首出班致詞稱賀復位樞密詣御座前承詣退
詣折極東西向宣答班首以下再拜並如上儀訖知東上閣門
官揖宰相執致官升殿並自西街樞密院直學士下殿贊拜知東

上閣門官還立位引右班舍人由右班前出餘官分出知引進
司東上閣門官以下還侍立位宣贊舍人復位次引進入如別
儀

羣臣上禮

其日引進司先以所進陳列位殿門外北向東上俟羣臣稱禮
畢宣贊對立舍人稍南相向立文武自西牽馬陳於殿庭三分
庭一在南北首東上立定贊文武常起居訖牽馬者門下侍郎
於折楹東西向立對舍人當殿躬奏某官姓名以下進奉訖復
對立位門下侍郎曰進奉出還侍立文武應嗟員僚司進奉從
東側門出宣贊對立舍人復位合班躬奏閣門無事奏班面出
皇帝降座鳴鞭還幄次知引進司官以下並卷班出三省樞密

院官並退舍人引進奉官殿門外謝如常儀應進馬官謂文臣
侍從官以上武臣

皇帝會群臣

前期殿中監帥其屬尚舍張設紫宸殿門之內設御座於殿上
當中南向尚醴設御酒尊酒器於御座之東尚食設御茶林於
御座之西俱稍北有司設羣官酒尊酒器於殿下又設羣官座
並如紫宸殿宴百官之儀其日羣臣上禮畢俟諸司排當備御
史臺先引殿中侍御史一員入就位東上閣門御史臺分引三
公以下文武以次入詣殿庭東西相向立東上閣門附內侍進
班牌皇帝出幄次鳴鞭先行門禁衛諸班親從迎駕秦聖躬萬
福訖皇帝即御座鳴鞭殿中監以下知同知入內侍省事知

客省事以下知內侍省事以下帶御器械官六尚局應奉官祇
應武功大夫以下祇應諸司文臣閣班各奏聖躬萬福以管軍
臣僚奏聖躬萬福各復侍應祇立位次引舍人引班首以下橫
行北面並如紫宸殿宴立班之儀班首奏聖躬萬福訖舍人贊
各就座再拜舍人分引升殿席前相向立朵殿兩廊官立於席
後教坊使以下通班大起居着醜人謝升殿再拜訖內侍進御
茶牀殿侍酌進訖知上閣門官詣御座前躬奏班前姓名以下
進酒舍人分引殿上臣僚橫行北向播笏殿中監奉盤盞授班
首殿中少監盞盞班首西向六殿中少監以酒注於醜班首進
酒舍人分引殿上臣僚橫行北向贊再拜知東上閣門官詣御
座前躬進訖少退虛跪興以盤授殿中監出笏知東上閣門官
引退舍人接引復位贊再拜舍人引班首少前殿上臣僚席前
相向立知東上閣門官接引班前詣御座東北向播笏殿中監
授盤捧詣御座前西向立樂作皇帝飲訖舍人引殿上臣僚橫
行北向知東上閣門官引班首接盞訖少退跪興授殿中監出
笏引退舍人接引復位贊再拜舍人贊各賜酒羣官俱再拜贊
訖座羣官俱立席後復贊訖羣官俱座酒初行羣官播笏受酒
訖宰臣次百官皆作樂尚食典奉御酒御食太官設羣官食後
此皇帝再舉酒自此並殿中羣官俱立席後樂作飲訖舍人贊
就座復行羣官酒皇帝三舉酒次行羣官酒並如第二之儀若
宣示醜即隨所向知東上閣門官以上揖稱宣示醜躬贊就座
若宣勸即立席後躬引訖贊再拜內侍舉御茶牀舍人引班首

三
禮
禮
禮

三

以下俱降階橫行北向再拜搢笏舞蹈又再班分班出次教坊使以下謝祇應再拜訖如賜祇應臣僚茶酒並人逐班贊再拜知東上閤門官側奏無事皇帝降座鳴鞭

政和五禮新儀卷第二百九

政和五禮新儀卷第二百十

嘉禮

冊 皇后儀四

皇后朝謁 景靈宮

前一日有司於景靈東宮張大次于明福殿上西宮即於又於天興殿之東廊設帷東南南向又於殿東階之東西南設皇后褥位西向又於殿上設皇后褥位於香案南向及辦供奉之物如常儀之設內命婦妃嬪以下陪列位於殿庭之東外命婦陪列位於殿庭之西皆重行北向保寧閣天元

大始

皇武

儷極

大定

輝德

熙文

衍慶

美成

繼仁

治隆

徵音

景靈西宮

大明

坤元

重光殿並如上儀訖又設內命婦妃嬪以下及外命婦並應奉

官次於齋殿內門外量地之宜太僕寺陳重翟車於宣德門內

偏東南向其日未明前二刻有司陳小駕鹵簿儀仗於重翟車

左右以次排列外命婦先自景靈宮後門入就次皇后未出宮

前一刻內侍列命婦妃嬪以下俱詣殿庭起居訖內侍奏請中

嚴少頃又奏外辦皇后首飾禕衣乘龍飾肩輿如常儀障以下

內東門由宣祐門左銀臺門左嘉肅內侍詣皇后扇輿前俛伏

跪奏具官臣某言請皇后降肩輿升重翟車奏訖俛伏興少退

凡內侍奏請取者知綏皇后升重翟車內侍詣車前奏請重翟

車進發車進行宣德東偏門內命婦妃嬪以下自內東門升階

乘車由左掖門至宣德門外從皇后車至景靈東宮昌福門西
德門照小駕鹵簿止於門外車入門迴車南向內侍詣車前奏
請皇后降車并肩輿入大次皇后降車入大次內命婦妃嬪以
下內降車以入內侍引外命婦請皇后大次前起居訖並先赴
殿庭陪位少頃內侍前導皇后至天興殿次幄次降簾又內侍
詣幄次降簾請皇后行朝謁之禮簾卷內侍前導皇后詣殿庭
西向褥位立內侍奏請再拜皇后再拜內命婦妃嬪以下及外
命婦皆再拜內侍前導皇后升殿東階詣

聖祖天尊太常香案前褥位北向立侍奏請皇后再上香
三上香又奏請再拜皇后再拜內命婦妃嬪以下及命婦皆再
拜內侍前導皇后還幄次降簾內詣幄次前奏言禮畢次詣保

寧閣

天元

大始

皇武

儷極

大定

輝德殿朝謁如天興殿儀訖歸大次內侍詣大次前奏解嚴內
外命婦皆還次少頃小駕鹵簿轉伏衛於還途如來儀外命婦
先退大僕進重翟車於昌福門內南向內侍奏請中嚴出頃又
奏外辦皇后乘肩輿以出至車前內侍詣肩輿前奏請皇后降
肩輿升重翟車皇后升車馭者執綏內侍詣車前奏請重翟車

進發內命婦妃嬪以下升所乘車重責車進行鼓吹振作前導
車至宣德東偏門內迴車南向內侍詣車前奏請皇后升車降
輿皇后乘肩輿障以行帷由內東門還內命婦妃嬪以下從
入內侍奏請解嚴將士各還其所次日又朝見

熙文 衍慶 美成 繼仁 治隆

徽音殿並如

天元殿之儀又次日謁

西宮朝謁 大明 坤元 重光殿並如

東宮之儀

政和五禮新儀卷第二百十

政和五禮新儀卷第二百十一

嘉禮

冊 皇太子儀上

奏告

陳設

臨軒冊命

朝見皇后

謁太廟

謁別廟

皇帝受群臣賀 群臣上禮

皇帝會群臣 皇后受內外命婦賀

皇后會外命婦 皇太子受官賀

奏告

前期太史局擇日差官奏告昊天上帝皇地祇太廟別廟太社

太稷景靈東宮景靈西宮中太一宮祈神觀醴泉上清儲祥宮
太清儲慶宮九成宮永安陵永昌陵永熙陵永定陵永昭陵永
原陵永裕陵永泰陵並如常告之儀

陳設

前期殿中監帥其屬尚舍張設垂拱殿慶殿門之內設御座於
大慶殿當中南向東西房於御座之左右稍北東西閣於殿後
之左右殿上前楹施前設香案於丹墀墀陛階間大晟展宮架之
樂於殿庭橫街之南協律郎舉麾位於宮架西北東向大司樂
押樂位於宮架之北向儀鸞司設皇太子次於大慶殿門外
之東西向又設文武官僚應行事官東宮官等次於大慶殿門
外及朝堂之內外又設冊寶於帷次三於帷殿後東廂俱南向前日
尚書

工部奉冊其日尚輦陳輿輦於龍墀繖扇於沙墀大僕陳五輅
寶進入於庭玉輅在中金輅在東輅次之革輅在其西木輅次之玉輅
次之玉輅稍前俱北向南輦列御馬於龍墀在輿輦之後東西
相向尚書兵部帥其屬設黃麾伏於殿門之內外典膳設左輔
承制位於御座之東西向又設皇太子受冊位於殿庭橫街之
南北向設禮置冊寶褥位二於帷於近東稍北向西冊在北寶在南
又帷皇太子受冊位前東北西向設褥位一名侯右弼奉冊左
輔奉寶又帷於奉冊寶位之北設褥位一次侯左輔宣制右弼讀
冊應行事官位又帷於近北向西呂北為上典膳位於帷宮架東北
贊者二人在南少退俱西向

臨軒冊命

立少頃奉冊寶出幄次奉冊右弼官帥執事八等捧舉以行禮
直官通事舍人太常博士前引中書侍郎押冊右弼後從門下
侍郎押寶左輔後從授衛如儀由大慶殿東過至大殿庭權置
訖皇太子服遠遊冠朱明衣出次中允稍前進桓圭皇太子執
圭禮直官通事舍人太常博士禮儀使贊皇太子三帥三少以
下導並從立幄殿門外之東西向近侍量人數從入不禮直官
通事舍人司左輔版奏中嚴內外符寶郎寶先少出頃又引左
輔版奏外辨皇帝服通天冠絳紗袍簾卷大樂正令撞黃鍾之
鍾右五鍾皆應殿上鳴鞭禁衛諸班親從自贊常起居皇帝出
西閣乘輦協律郎跪俛伏舉麾興工鼓祝奏乾安之樂凡樂皆
舉麾擊鼓而後作禮直官太常博士引禮儀使前導皇帝出
偃麾擊鼓而後出

自西房內侍承旨索扇合皇帝降輦即御座簾卷內侍又贊
扇開殿下鳴鞭曼敬樂止爐烟升禮直官太常博士禮儀使立
於御座前稍東西向符寶郎奉八寶陳設御座之左右分立如儀
禮直官通事舍人太常博士禮儀使司皇太子入門明安之樂
作至位樂止三帥三少以下從入立於皇太子典儀曰再拜皇
太子再拜下播圭舞蹈又再拜下奏聖躬萬福又再拜叩訖引
皇太子近東西向立禮直官通事舍人引文武百僚俱橫行北
向兩省官學士待制及上將典儀曰再拜贊者承傳在位官皆
再拜播笏舞蹈又再拜班首奏聖躬萬福又再拜分班禮直官
通事舍人太常博士禮儀使引皇太子復受冊位引左輔詣御
座前承旨退降階詣宣位制稱有制典儀曰再拜贊者承傳皇

太子以下應在位官皆再拜左輔宣制曰冊某王為皇太子以
下又再拜左輔升復位禮直官通事舍人太常博士引右弼詣
冊位書中侍郎引冊案大設之右弼之右弼搢笏奉冊跪讀
訖興收置設案典儀曰再拜皇太子又再拜次引右輔詣奉冊
跪中書侍郎復引冊案立設右弼之右弼捧冊跪受皇太子皇
太子搢笏跪受冊訖以授庶子俛伏興收右庶子以冊興收置
設案舉案者退右弼中書侍郎俱退復本位次引左輔詣奉寶
位門下侍郎引贊寶案立設左輔之右左輔奉寶跪受皇太子
皇太子進圭跪受寶訖以授左庶子俛伏興收左庶子以寶興
收置設案舉案者退左輔門下侍郎俱退復本班典儀曰再拜
皇太子再拜禮直官通事舍人太常博士禮儀使引皇太子退

初行樂位中書舍人押冊中立元押寶以出皇太子出殿門樂止
禮直官太常博士引禮儀使詣御座前俛伏跪奏禮儀使其官
某言禮畢俛伏興復位內侍承旨索扇合簾降鳴鞭太樂正
令撞蕤賓之鍾左五鍾皆應協律郎跪俛伏舉麾興工鼓祝奏
乾安之樂皇帝降座入自東房還東閣侍衛如來儀內侍之贊
耒開夏啟樂止禮直官通事舍人引左輔版奏解嚴所司承旨
放伏應在位官俱再拜訖以次出

朝見 皇后

太子受冊畢入內朝見皇后如宮中之儀

政和五禮新儀卷第二百十一

五禮二百十一

五

政和五禮新儀卷第一百十二
嘉禮

冊 皇太子儀中
謁 太廟

前期太常寺下太史局擇日謁廟前一日宮闈令帥其屬清掃
廟之內外有司於廟東神門外道北南向設皇太子幄次又設
殿庭東階下近東西向及逐室戶內各設皇太子褥位又於幄
次之南道東西并南櫺星內門外設東宮官及應從官寺各宿
于本司內執事官宿于本廟其日質明東宮官應從官各服其服所司陳
鹵簿於東宮門外禮直官引左庶子請內嚴作左庶子負寶如式
俱詣閣奉迎僕進金輅於閣外南向左右內率執刀立服輅前

北向中允一員在近侍官之前贊者二人又在中允之前禮直
官引庶子言外備字下准此正立執轡皇太子服遠遊冠朱明
衣升輿以出左右侍衛如常儀左庶進詣輿前俛伏跪稱左庶
子某姓言請皇太子降輿升輅言訖俛伏興凡贊善有皇太
子降輿升輅僕立授綬左庶子以下夾侍贊善進當輅前俛伏
跪稱贊姓善某言請進輅言訖伏興凡贊善有輅動贊善與贊
者夾引以出至侍官上馬所贊善請輅權駐令侍官上馬左庶
子前承令退稱曰令諸贊善退稱侍官上馬贊者承傳文武侍
官皆下馬左庶子以下夾侍輅前侍官下馬畢贊善請進輅
動東宮官以下皆乘馬以從至太廟西櫺星門外迴輅南向禮
直官引左庶子進當輅前請降輅皇太子降輅入幄次一刻頃

禮直官引左庶子言外儀備皇太子服袞冕出中允次進圭皇太
子執圭東宮官導如儀入詣殿庭東階之東西向位立定東
宮官分立於左右禮直官引率更令請再拜皇太子再拜訖禮
直官引率更令前導皇太子升自西階詣僖祖室神位前北向
立率更令請再拜皇太子再拜訖次詣翼祖宣祖太祖太宗真
宗仁宗英宗神宗哲宗室行禮如上儀訖降西階復西向位立
禮直官引率更令詣皇太子前跪稱率更令姓某言禮直言訖
俛伏興前導皇太子出東神門外中允少前受圭前引皇太子
歸幄次更朝服有司轉伏衛於還途如東儀來僕進金輅於西櫺
星門外南向禮直官引左庶子言外皇太子出次至次至西櫺
星門外升輅侍官上馬如來儀輅動至東宮門外俱下馬入至

輅前回輅南向左庶子請降輅皇太子降輅升輿入侍官从至
閣左庶子請將士各還本所

謁別廟

並如太廟之儀

皇帝受羣臣賀

其日質明文武百僚並常服早入就次皇帝將出宮讀奏目官
以下諸垂拱殿讀奏目官拱殿庭之南宣贊引班對舍人在其
南簿書官在舍人之西少絕覺察失儀提點使臣在其南並北
向舍人以下西為上宣贊舍人立班前西向東上閣門附內進
侍班齊牌皇帝出宮守踏道行門禁衛諸班親從迎賓自贊常
起居訖又自贊賀再拜訖皇帝服鞞袍坐鳴鞭讀奏目官以下

起居訖讀奉東階升班首出班致詞稱賀歸位再拜如宣次
知內侍省事以下次管軍臣僚各出班先向西立俟班到橫行
北向贊起居稱賀並如上儀次行門起居稱賀再拜訖俟舍人
南階下直身奏班絕皇帝降座鳴鞭詣紫宸後帷排立諸班親
从迎駕自贊常起居初垂拱殿起居稱賀班將畢紫宸殿樞密
以下太班入就位並如賀祥瑞立班之儀東上閣門附內侍進
班齊牌皇帝御紫宸殿坐鳴鞭舍人揖樞密以下躬赴當殿通
某官姓名以下起居贊賀復位贊樞密以下再拜搯笏舞蹈又
再拜奏首班聖躬萬福又再拜訖班首出班致詞稱賀復位又
再拜搯笏舞蹈又再拜知東上閣門官當殿北向承直訖西向
稱有制樞密以下再拜宣答訖又再拜搯笏舞蹈又再拜訖鳴

鞭樞密樞密直學士自西階升殿侍立知東上閣門官以下殿
庭東西向侍立餘官分班出宣贊舍人退近南當庭文武百僚
諸軍將校殿門外序班立定知東上閣門官以下退立東階下
次殿中御史一員先入就位次兩省次上軍將以下分班入舍
人分引文武班入詣殿庭東西相向立將校排列不盡者舍人
揖班首以下躬宣贊舍人當殿通文武百僚宰臣三公通姓名
以下起居稱賀舍人揖班首以下橫行北向兩省以下伏並如
賀祥儀六班之儀次宣贊舍人左班首以下橫行下躬知請東
階下立如東上閣門官至通喝立舍人揖班首以下躬知東上
閣門官贊拜首出班致詞稱賀復位樞密詣御座前承旨退詣
折檻樞東西向宣荅以下再拜並如上儀訖知東上閣門官揖宰
相執政事升殿並外升自西階樞密直學士下殿出贊拜知東上閣門
官還立引右班舍人由左班前出餘官分出知引進司東上閣
門官以下還仕立位宣贊舍人復位次引進奉入如別儀

政和五禮新儀卷第二百十三

嘉禮

冊 皇太子儀下

羣臣上禮

其日引進司先以所進馬陳列於殿門外北向東上俟羣臣稱
 賀禮畢宣贊對立舍人稍南相向立文武自西牽馬陳於殿庭
 三分庭一在南北首東上列定贊天文武常起居不拜馬者門下侍
 郎於折檻東西向立對立舍人堂殿躬奏某官姓名以下進奉
 訖復對立位門下侍郎曰進奉出還侍立位天文武應諾負僚引
 進奉从東側門出宣贊對立舍人復位合班躬奏閣門無事卷
 班西出皇帝降座鳴鞭出幄次知引進司官以下並卷班出三

省樞密院官並退舍人引應進奉官殿門外謝如常儀

皇帝會群臣

前期殿中監帥其屬舍張設紫宸殿門之內設御座於殿上當中南向尚醞設御酒尊酒器於御座之東尚食殿御茶床於御座之西俱稍北有司設群官酒尊酒器于殿下又設群官座並如紫宸殿宴百官之儀其日群臣上禮畢俟諸司排當備御史臺先引殿中侍御史一員入就位東上閣門御史臺分引三公以下文武官以次入詣殿庭東西向立東上閣門附內侍進班齊牒皇帝出幄次鳴鞭先行門禁衛諸班親從迎駕奏聖躬萬福訖皇帝即御座鳴鞭殿中監以下知同知入內侍省事知客省事以下知內侍省事以下帶御器械官六尚應奉官祇應武

功大夫以下祇應諸司文臣官班各奏聖躬萬福次管軍臣僚奏聖躬萬福訖各復侍立祇應位次舍人引班首以下橫行北向竝如紫宸殿宴立班之儀班首奏聖躬萬福訖舍人贊各就座再拜舍人分引升殿席前相向立朵殿兩廟官立於席後教坊使以下通班大起居次看戲人謝升殿再拜訖內侍進御茶牀殿侍酌酒訖知東上閣門官詣御座前躬奏班首姓名以下進酒舍人分引殿上臣僚橫行北向贊拜舍人引班首稍前知東上閣門官引接詣御座前東北向搢笏殿中監奉盤醜授班首殿中少監啓班首西向立殿中少監以酒注於醜班首奉酒詣御座前躬進訖少退虛跪興以盤殿中監出笏知東上閣門官引退舍人接引復位贊拜舍人引班首少前殿上臣僚席前

相向立知東上閤門官接引班首詣御座東北向搢笏殿中監
捧詣御座前西向立樂作皇帝飲舍人分引殿上臣僚橫行北
向知東上閤門官引班首接醖訖少退虛跪與殿中監出笏引
退舍人接引復位贊再拜舍人贊各賜酒群官俱再拜贊就座
群官俱立席復後贊就座羣官俱座酒初行群官搢笏受酒先宰
臣次百官皆作樂尚食典奉御進御食太官設官食此後准皇帝
再舉酒自此殿中監羣官俱立席後樂作飲訖舍人贊就座復
行群官酒皇帝三舉酒次行群官酒並如第二之儀若宣示醖
即隨所向知東上閤門官以下揖稱宣下醖躬贊就位若宣觀
即立席後躬飲訖贊再拜內侍舉御茶抹舍人引班首以下俱
降階橫行北向再拜搢笏舞蹈又再拜分班出次教坊使以下

謝祇應再拜訖如賜祇應臣僚茶酒並舍人出班再拜知東上
閤門官側奏無事皇帝降座鳴鞭

皇后受內外命婦賀

前一日有司於皇后所御之殿設皇后座於中間南向又設東
西房於座之左右稍北設東西閣於殿後之左右設內命婦妃
嬪以下次於殿之左右內外命婦次於殿門之左右其日司贊
設內命婦等稱賀位於殿庭道東重行北向西上又設外命婦
稱賀位於殿庭之左右近南每等重行異位北向東上又設司
贊位於東階東南典贊二人在南少退俱西向俟皇太子朝見
禮畢司賓引內命婦以次進就北向上定司言引尚宮尚宮引
皇后升南向座司贊曰再拜典贊承傳內命婦等皆再拜司賓

引班首自西階升進當皇后座前北向跪致詞稱賀降自西階復位司贊曰再拜典贊承傳內命婦等皆再拜司言前承令降自西階詣內命婦前西北東向稱令旨內命婦等以下皆再拜宣令訖司贊曰再拜典贊承傳在位者皆再拜訖司賓以次引內命婦還宮內侍引外命婦出次至殿門司賓引詣北向立定司贊曰再拜典贊承傳外命婦皆再拜訖司賓引班首進升奉賀復位宣令再拜皆如內命婦之儀內侍詣皇后前跪奉禮畢俛伏興皇后降座入自東房還東閣會外婦如別儀

皇后會外命婦

皇后受內外命婦賀禮訖俟諸司排當備內侍承旨宣外命婦入皇后常服出升南向座會外命婦並如宮中常儀會畢司賓引外命婦降自西階橫行北向立定司贊曰再拜典贊承傳在位者皆再拜訖以次出

皇后降座還宮侍衛如來儀

皇太子受群官賀

前一日有司於東宮門外量地之宜設三公以下文武群官等次典儀設皇太子恭拜褥位於階下南向又設文武群臣位於門之外親王與宰相對立其餘宗室各隨本班其日禮直官舍人先引三公以下文武群臣以次入就位群臣排列不盡者止於門外禮直官引左庶子詣皇太子前跪請內嚴少頃又跪言外備內侍褰簾皇太子常服出次左右侍衛如常儀內儀內侍引皇太子降階詣南向褥位典儀曰再拜贊者承傳三公以

下俱再拜皇太子答拜班首稍前致詞稱賀訖少退復位典儀
曰再拜三公以下俱再拜訖皇太子答拜禮直官引三公以下
以次出內侍引皇太子升階還次侍衛如常儀少頃禮官舍人
又引知樞密院官以下入就位立定內侍引皇太子降階復詣
南向褥位典儀曰再拜贊者承傳樞密以下俱再拜皇太子答
拜班首少前致詞稱賀畢少退復位典儀曰再拜樞密以下俱
再拜訖皇太子答拜禮直官引樞密以下以次出班引師保賓
客等入就位立定典儀曰再拜贊者承傳師保賓客等俱再拜皇
太子答拜班首少前致詞稱賀訖少退復位典儀曰再拜師
保以下俱再拜訖皇太子答拜禮直官引師保以下以次出內
侍引太子升座禮直官引東宮官左庶子以下入就位重行北
向立定典儀曰再拜在位官皆再拜左庶子少前跪致詞稱賀
訖俛伏興復位典儀曰再拜在位官皆再拜訖各就東西位
立左右庶子少前跪言禮畢左右內侍降簾皇太子還宮左右
侍衛以次出並如常儀

政和五禮新儀卷第二百十四

嘉禮

冊帝姬儀

陳設 發冊 受冊

陳設

前期儀鸞司設文武百僚次於朝堂之內外又於內東門外東門外郎設冊使副等次於西向北上其日典儀設冊使副受制位於文德殿庭橫街之南北向東上又設知樞密院官宣制位於使副東北西向又設門下侍郎奉節位及右弼禮部侍郎奉冊印位在冊東北西向又設門下冊印褥位二於橫街南黃道東稍北西向冊在北印在南前一日尚書工部奉又於冊印褥

位后各設使副褥位又於冊使副受制位稍北設褥位一以俟
冊使受冊副使受印應行事官位又於近北西向北上又設冊
使奏冊位於內東門外副使及內給事位於其南並東向北上
設冊印案位於冊使之前又設內給事位於冊使位於東北俱
南向所司設帝姬受冊位於本位庭階下北向設內命婦位於
本位門外並量地之宜

發冊

質明闕文德殿門文武百僚並常服早入就次禮直官通事舍
人引使冊副入並於文德殿門外道東西向門下侍郎引掌節
者奉節立於左嘉福門內道北禮直官通事舍人太常博士分
引右弼中書侍郎禮部侍郎禮部郎中及捧冊印官等並詣垂

拱殿門外左右立以俟內臣自內中承旨降冊印出其捧冊印
官俱笏帥執事人等捧舉以行禮直官通事舍人太常博士前

引中書侍郎神冊右弼從禮部郎中押印禮部侍郎後從援
衛如儀由東上閣門出至文德殿文直少退衛人御史臺先引

殿中侍御史一員入就位東上閣門御史太常寺四方館分引

三公以下文武百僚入詣殿庭立班東西相向如月朔視朝之

儀內起居郎舍人立本省班宋升朝官文臣承務郎以下位於
通直郎之儀西向武官保義郎以上位於修武郎之西東向
知客省事以下位於方御使之南禮直官通事舍人太常博士
每等重行異位東向俱北上

引冊使副入就受制位立定禮直官又引知樞密院官詣冊使
前稍東西向稱有制典儀曰再拜贊者承傳冊使以下在位官
皆再拜知樞密院官宣制曰皇帝幾女封某號帝姬命公等持

節展禮宣制訖冊使副再拜知樞密院官退復位門下侍郎帥
掌節者脫節衣詣冊使之右掌節者以節授門下侍郎掌節者
退門下侍郎西向以節受冊使冊使跪受以受掌節者掌節者
立於冊使之左門下侍郎退次引冊使詣受冊褥位立定又引
右弼詣冊使東北西向立中書侍郎引冊案立於右弼之右
弼跪取冊授冊使冊使跪受訖興置於案舉案者退冊使右弼
中書侍郎俱退復本班次引副使詣受印褥位立定又引禮部
侍郎詣副使東西北向立禮部郎中引印案立於禮部侍郎之
右禮部侍郎跪取印以授副使副使跪受訖興置於案舉案者
後副使禮部侍郎禮部郎中俱退復本班立定典儀曰再拜贊
者承傳冊使副以下應在位皆拜訖禮直官通事舍人太常博

士引冊使押冊副使押印持節者前導授衛如儀出處文德殿門
文武百僚班退掌節者加節衣以次出朝堂門由右昇龍門入
太慶殿門由殿西過至殿後門出由宣祐門至內東門權置冊
印入內如別儀

受冊

其日自文德殿奉冊印將至內東門內給事入詣帝姬奉位庭
前請帝姬服褕翟衣俟奉冊印至內東門外權置訖捧冊印禮
直官先引冊使副及內給事俱就東向位立定少頃又引內給
事進就南向位通事舍人太常博士引冊使副就內侍給事前副
却稍東向躬稱冊使姓某副使姓某奉制受帝姬冊印退復位內
給事又內帝姬本位庭前躬言訖內臣又引內命婦等俱入就

位內給事進詣冊使前西向立冊使以冊跪授內給事
跪受冊訖以授內謁者冊使退復位副使少前以印跪授內給
事內給事跪受印訖以授內謁者副使復位內謁者及管內
官持冊印入內東門內給事從之冊使副並行以次入詣帝姬
降詣庭中就受冊位立定內給事跪取冊印進立於帝姬之右
少前西向又內給事一員進立於帝姬之左少前東向內給事
稱有制贊帝姬再拜帝姬再拜訖內給事捧冊授帝姬帝姬受
以授內給事捧印授帝姬帝姬受以授內給事如奉冊之儀事內
給事贊帝姬再拜帝姬再拜訖內給事前引帝姬升階內臣以
次引內命婦賀如常儀內給事贊言禮畢內命婦退內給事引
帝姬謝並如宮中之儀

政和五禮新儀卷第二百十五

嘉禮

冊內命婦儀

陳設 發冊 受冊

陳設

前期儀鸞司設文武百僚次於朝堂之內外又於內東門外東廊設冊使副等次西東北上其日典儀設冊使副受制位於文德殿庭橫街之南北向東上又設知樞密院官宣制位於使副東北西向又設門下侍郎奉節位及右弼禮部侍郎奉冊即位

在冊使東北西向又設權置冊印褥位二於橫街南黃道東稍北西向冊在北印在南前一日尚書工入於冊位印褥一又於

冊使副受制位稍北設褥位一以俟冊使受冊副使受印應行事官位又於近北西向北上又設冊使奉冊位於內東門外副使及內給事位於其南並東向北上冊印案位於冊使之南又設內給事位於冊使內之東北俱南向所司設妃受冊位於本位庭階下北向又設內命婦諸視次於本位門之外並量地之宜

發冊

質明闕文德殿門文武百僚並常服早入就次禮直官通事舍人引冊使服入立於文德殿門外導東西向門下侍郎引掌節者奉節立於左嘉福門內道北禮直官通事舍人太常博士分引右弼中書侍郎禮部侍郎禮部郎中及捧冊印官等並詣垂

拱殿門外分左右立以俟內臣自內中承旨降冊印出其捧冊印官俱播笏帥執事人等捧舉以行禮直官通事舍人太常博士前引中書侍郎押冊右弼從後禮部侍郎中押應禮部侍郎後從授衛如儀由東上閣門出至文德殿庭權置援衛人御史臺先引殿中侍御史一員入就位東上閣門御史臺太常寺四方館分引三公以下文武百僚入詣殿庭立班東西相向如月朔視朝之儀凡起居即舍人立本省班未升朝之東西保義郎以上位於脩武郎之西東向知客省事以下位禮直官通事舍人太常博士引冊使副入就受制位立定禮直官又引知樞密院官詣冊使前東西向稱有制典儀曰再拜贊者承傳冊使以下在位官皆再拜知樞密院官宣制曰某氏特封某妃已有封者即立

進命公等持節展禮宣制訖冊使副再拜知樞密院官退位門
下侍郎帥掌節者脫節衣詣冊使之右掌節者以節授門下侍
郎掌節者退門下侍郎西向以節受冊使跪受以授掌節者掌
節者立于冊使之左門下侍郎退次引冊使詣受冊褥位立定
又引右弼詣冊使東北西向立中書侍郎引冊案立于右弼之
右弼跪取冊授冊使跪受訖盥置于案舉案者退立于後冊使右弼
中書侍郎俱退復本班次引副使詣受印褥位立定又引禮部
侍郎詣副使東北西向立禮部郎中引印案立于禮部侍郎之
右禮部侍郎跪取中以授副使副使跪受訖盥置于案舉案者退立于
後副使禮部侍郎禮部郎中俱退復本班立定典儀曰再拜贊
者承傳冊使副以下應在位官皆再拜訖禮直官通事舍人太
常博士引冊使押冊副使押印持節者前導援衛如儀出文德
殿門文武百僚班退掌節者如節衣次出朝堂門內由右升龍
門入大慶殿門由殿西過至殿後門出由祐門至內東門權置
冊印入內如別儀

受冊

其日自文德殿奉冊印將至內東門內給事入詣妃本位庭前
請妃服褕翟衣俟奉冊印至內東門外權置訖捧冊印禮直官
先引冊使副及內給事俱就東向位立定禮直官引內給事就
南向位通事舍人太常博士引冊使副就內給事前副使東內
躬稱冊使姓某副使姓某奉制授某妃冊印退復位內給事入
詣妃本位庭前躬言訖內臣引內命婦諸婦親俱入就位內給事

進詣冊使前西向立冊使以冊跪授內給事跪受冊訖以授內
謁者冊使退復位副使少前以印跪受內給事內給事跪受印
訖以授內謁者副使退復位內謁者及管勾內臣持冊印入內
東門內給事從之冊使副並行事官並退以次入詣妃受冊印
位前各置於案內給事引妃降詣庭中就受冊位立定內給事
跪取冊印進立於妃之右少前西向又內執事中一員進立於
妃之左少前東向內給事稱有制贊妃再拜訖內給事捧授冊
授妃受以授內給事中如奉冊之儀內給事內給事贊妃再
拜妃再拜妃再拜訖內給事前給事內引妃升階內臣以次引
內命婦諸親賀如常儀內給事贊言禮畢內命復退給事內給
事引妃謝並如宮中儀

政和五禮新儀卷第二百十六

嘉禮

文德殿宣制儀

其日俟東上閣門官押制書到東上於閣門外制案上引贊官
報宰臣東班知班先引殿中侍御史一員入殿庭就位次引望
參官以次入左散騎常侍在橫街南東黃道之東給事中左給
議大夫在其東起居郎左司諫符寶郎左正馬又在其東御史
大夫在左散騎常侍之南中承在東其侍御史殿中侍御史監
察御史又在其東時進在御史大夫之南六曹尚書金紫銀青
光祿祭祿大夫在其東與御史大夫班齊次六曹侍郎開封尹至大司成
開封尹以下稍空以次太常卿至中大夫次殿中監少至中散大夫次七

寺少卿至奉直大夫次左右司員外郎至朝奉大夫次六曹員外郎至朝奉郎次太常丞至議承郎次開封知縣至奉議郎次太史局正至通直郎又在其東太子三師在特進之南三少在其東次賓客詹事次左右庶子以下又在其東每等每重行異位並西向北上右散騎常侍在橫街南西黃之西中書舍人右諫議大夫在其西起居舍人右司諫正言又在其西每等各重行異位並東向北上引贊官引門下省宰躬立於本省班南稍前如宰臣不赴門下侍東上閣門官引制案當殿北向揖訖稍西東上立引贊官引宰臣於制案前北向立搢笏跪閣門承受行首搢制捧宰臣俛伏興執笏捧制歸位搢笏轉授通事舍人宰臣不赴即門下侍郎受不又赴即通舍人受並如宰臣之儀執笏捧制南向揖訖由東黃

道赴宣制右位西南揖訖就位北向立搢笏宣讀若赦書德音皇子帝姬制書俟舍人宣有制在位舍人執笏捧制搢笏授宰官各再拜宣再拜搢笏舞蹈再拜舍人執笏捧制搢笏授宰臣宰臣侍有司百官以次退如班內有官除授俟宣姓名引贊官引本位官北向立東班官於制右東再拜聽宣訖再拜搢笏再拜如恩者引歸本班出鎮罷相者引赴朝堂

政和五禮新儀卷第二百十七

嘉禮

皇帝養老于太學儀

陳設

車駕詣太學

酌獻文宣王

養老

車駕還內

陳設

前期三日殿中監帥其屬尚舍設大次於大學敦化堂之後儀
鸞司設三老五更於次學堂門外之西羣老次於其南皆東向
又設文武百僚次文官於門外之東西向武官於羣老之南東
向設北上又設三公親王使相執政官以下次於國子監門外

前一日尚舍設御幄於文宣王廟殿之東又設於敦化堂上當
中間鋪御座於幄中皆南向儀鸞司設三老座於西楹之東五
更座於其南設國老三人座於三老五更之後設衆國老座於
堂下西廡設庶老座於衆國老之後俱東向北上向大晟陳登歌
之樂於堂上前楹間稍南北向設宮架於殿中立舞表於鄴綴
之間設典樂位於宮架之北大樂令位於登歌樂廡之北協律
郎位二一於堂上前楹間近西稍南一於宮架之西北俱東向
尚醞設酒尊於楹之北西向加元酒有殿以置爵上食陳珍羞
黍稷之屬尚輦奉輿輦徽扇于堂下翰林設衆國老庶官酒器
於西廡

車駕詣太學

前期殿中監帥其屬尚舍設御幄於大慶殿後殿上前楹施簾
儀鸞司護導駕官次於殿東之外大晟陳宮架之樂於宣德門
外稍南北向所陳司法駕鹵簿於宣德門外其日未明二刻諸
侍衛之官各服其器服乘黃令進金輅於宣德門外南向設千
牛將軍一員位於輅前北向門下侍郎一員位於左輔位之前
贊者二人位又於其前尚輦陳輦於垂拱殿庭文武百官俱就
次各服其服通事舍人等自下分引知樞密院事以下詣垂拱
殿庭立班東上閣門附內侍進班齋牌垂拱後簾降皇帝乘輿
出至殿上少駐輦官迎駕自贊常起居宣輦官上殿簾卷鳴鞭
行門進親衛諸班親從迎駕自贊常起居次舍人先贊知內侍省
官以下常起居次樞密以下通班常起居贊祇候引駕樞密知

客省事以下至簽書東上閣門官分左右立六向局應奉官祇
應通事以下大夫武宮^功大夫以下並先退次管軍臣僚宣名如
常起居贊祇候引駕並分左右前導贊降東階垂拱殿門外禁
衛諸班親從自贊常起居皇帝至大慶殿後閣降輿入西閣導
駕官以下就次各易其服少退東上閣門御史臺太常寺分引
左輔門下侍郎太僕卿乘黃令詣大慶殿西階下立北向東上
乘黃令次引導駕官在其後分東西相向立定以俟奉迎前導
位其後禮直官通事舍人引左輔奏請中嚴凡左輔門下侍郎奏請少
皆禮直官通事舍人引
頃又奏外辦皇帝服通天冠絳紗袍乘輿以出降自西階稱警
蹕侍衛如常儀宣贊舍人贊左輔以下常起居次導駕官常起
居已起居者止大僕卿出詣金輅所攝衣而升正立執轡導駕

官前導皇帝出大慶殿門外至金輅所千牛將軍前跪執轡左
輔進當殿前俛伏跪奏左輔具官臣某言請皇帝降輿升輅奏
訖俛伏興退復位凡左輔奏請准此乘黃令稍前東向進金輅皇帝降
輿升輅太僕卿立授綏導駕官分左右前導門下侍郎進當輅
前俛伏跪奏門下侍郎具官臣某言請車駕進發奏訖俛伏興
退復位凡門下侍郎奏請准此大樂正令撞黃鍾之鍾右五鍾皆應協律
郎跪俛伏舉麾興工鼓祝宮架奏采茨之樂凡樂皆協律郎舉
麾興工鼓祝而後
征儀麾車駕動稱警蹕左輔先詣宣德門內以俟門下侍郎
及贊者夾侍以出千牛將軍夾輅而趨車駕將及宣德門至侍
臣上馬所門下侍郎奏請車駕少駐勅侍臣上馬左輔前承旨
退稱曰制可門下侍郎傳制稱侍臣上馬贊者承傳勅侍臣上

馬諸侍衛之官各督其屬左右翊駕在黃麾內符寶郎奉八寶
前導殿中監後部從尊駕官夾侍於前贊者在左輔門下侍郎
之前侍臣上馬畢門下侍郎奏請車駕進發車駕動稱警蹕樂
止鼓吹振作法駕鹵簿前尊太學車駕將至學東上閣門御史
臺太常寺客省四方舒館分引文武官宗室客使禮部祠部郎官
太常寺客省四省舒館分引文武官宗室客使禮部祠部郎太常
寺國子監太學官並諸生俱詣門外立班再拜奉迎訖退起居
者止奏聖躬萬福車駕及門少駐文武侍臣皆下馬導官駕步導入門
車駕動千牛將軍夾輅而趨至廟門外迴輅南向導駕官分引
左右立千牛將軍立於輅左右輔奏詣皇帝降輅乘輿尚輦奉
御進輿於輅後皇帝降輅乘輿以入侍衛如常儀通事舍人承

旨勅羣官各還次以俟

酌獻

文宣王

前期太常設祭器於文宣王神相前光祿寔之左一籩寔以鹿脯右

一豆寔以爵一在籩豆前犧尊一在殿上前楹門寔以酒香爐

一在神前又設配享十哲及兩廡從祀位各在一籩寔以鹿脯右一

豆寔以爵一在籩豆前象尊四一於殿上前楹之東一於前楹
之西二分於兩廡之北俱設以祠祭法酒皆有坫設食醢今位於文宣

王酌尊所北向其日皇帝既歸御幄禮直官太常博士太常卿
立於幄前東向禮直官通事舍人引三公宰臣親王使相執政
官御史臺東上閣門引尚書侍郎以下文武官各朝服入詣殿
下位如陪引左輔奏請中嚴少頃又奏外辦太常卿詣御幄前

俛伏跪奏臣言太常卿某請皇帝行酌獻之禮奏訖俛伏興簾卷禮直官太常博士太常卿前導皇帝出幄次自東階詣文宣王神像前太常卿奏請皇帝跪又再上香再上香三上香侍臣親爵詣酒尊所食醞位酌酒以授侍臣跪以爵酒進皇帝使爵三祭酒奠爵跪俛伏興太常卿奏請再拜皇帝再拜贊者曰在位官皆再拜太常卿前導皇帝降自東階歸御幄簾降太常卿詣御幄前跪奏禮畢簾卷皇帝出幄乘輦詣太學如別儀禮部祠部郎官太常丞博士及國子監太學官分詣殿上配享十哲及兩廡從祀位分奠如常儀

養老

其日車駕初出宮量時刻遣中使迎老五更於其第三老五更

服俱乘官車進前後導從至學門下車就次國老庶老有司預戒之各服朝服皆集於其次皇帝既謁至聖文宣王畢太樂正帥工人二舞人立於庭東上閣門御史臺太常寺客省四方館以下分引文武官僚宗室客使學生寺以次入就位如學視班太常博士贊三老五更俱出次引立於學堂南門外之西東向北上奉禮部先贊國老次庶老並出次引立於三老五更之後重行異位禮舍人引左輔奏請中嚴少頃又奏外辦皇帝服通天冠絳紗袍出大次侍衛如常儀太常卿太常博士禮直官前導皇帝將出大樂正令撞黃鍾之鍾右五鍾皆應協律郎跪俛伏舉麾興宮架乾安之樂作皇帝即御座南向樂正典儀曰再拜在位官皆再拜三老五更皆杖而入各左右而二人夾扶太常博士

前引叟執筆以從三老入門宮架和安之樂作至宮架北向立以東為上奉禮郎引羣老隨入位於其後立定樂止太常博士揖進三老在前五更在後仍杖扶如初宮架和安之樂作至西階下樂止太常博士揖三老五更升自西階國老衆國老庶老立於堂下三老五更至堂上當御座前北向躬揖羣老揖於堂下皇帝為興次奉禮郎揖奉老升堂太常博士引三老五更奉禮部引國老以下各於帝後立典儀贊各就座贊者承傳宮架尊安之樂作三老五更以下俱就座三公授几九卿正履就殿中監尚食奉御進珍羞及黍稷壽先詣御座前進呈遂設於三老之門樂次止尚食奉御詣三老座前執醬而饋訖尚醞奉御詣酒尊所取爵酌酒奉御執爵奉御三老次太官良醞令以

次進珍羞酒食于五更國老庶老之前國老庶老等皆食大樂正引工人升登歌奏惠安之樂三終史臣執筆錄三老所論善言善行事終宮架作申安之樂獻言成物之舞既畢文武退作受成告功之舞既畢三老以下降筵太常博士引三老五更于堂上當御座前奉禮郎引羣老復堂下位俱北向躬揖皇帝為興三老五更階降至堂下宮架和安之樂作出門樂止引左輔前奉禮畢退復位典儀曰拜贊者承傳在位者皆再拜皇帝降座太常卿前導皇帝還大次文武百僚客使學生等以次退三老五更升安車導從而還明日詣闕表謝

車駕還內

前期殿中監帥其屬尚舍設御幄于大慶門外之東南向其日

養老禮畢皇帝既還大次所司轉伏衛鹵簿于還途如未儀文
武百僚宗室客使並先詣宣德門外就次以俟立五班奉迎乘黃
令進金輅於廟門外南向千牛將軍一員執長刀立于輅前輦
奉御進輿于學堂前導駕官俱詣學堂西階下奉迎左輔奏請
中嚴少頃又奏外辦卷簾皇帝服通天冠絳紗袍乘輿以出應
導駕官等並迎駕奏聖躬萬福訖步導出門太僕卿先詣金輅
所攝衣而升正立執轡皇帝降輿降自西階至金輅所左輔奏
請皇帝降輿乘輅有司仍具大輦若乘輦即奏云降輿乘輦太僕卿立授綬千牛將
軍馭駕如未儀門下侍郎奏請車駕進發車駕動稱警蹕侍衛
如儀將至侍臣上馬所門下侍郎奏請車駕少駐勅侍臣上馬
左輔前承旨退福曰制可門下侍郎傳制稱侍臣上馬贊者承
傳勅侍臣上馬門下侍郎奏請車駕進發車駕動稱警蹕鼓吹
及諸軍樂振作車駕將至宣德門文武百僚俱詣門外立班再
拜奉迎車駕將至宣德門外少駐文武侍臣皆下馬步道千牛
將軍降立於輅右車駕動千牛將軍夾輅而趨大樂正令撞蕤
賓之鍾右五鍾皆應宮架奏采芡之樂止車駕至御幄前左輔
奏請皇帝乘輿降輅乘輿若乘輦即奏皇帝降輅乘輿以至大慶殿
後閤左輔奏解嚴通事舍人承旨勅羣官各還將士各還其所

政和五禮新儀卷第二百一十八

嘉禮

皇帝宴躬儀

陳設

宴射

陳設

殿中監前期帥其屬尚舍陳設躬殿設御位於殿中間尚醞設御酒尊酒器於御座之左尚食設御茶林於御座之右俱稍有司設群官酒尊酒器於殿下又設羣官座三公三少左輔右弼太宰少宰在御座之左稍前知樞密院事門下中書侍郎尚書左右丞同知簽書樞密院事在其後次特進觀文殿大學士太

子三少觀文殿學士次政殿學士六曹尚書金紫銀青光祿大夫光祿大夫翰林學士承旨翰林學士資政端明殿學士閣學士左右散騎常侍三少以下稍却尚書以下又稍却次開封府尹六曹侍郎直學士次宣奉正奉正議通奉大夫殿中監大司成太子賓客詹事司中書舍人通議大夫左右諫議大夫侍制太中大夫太常卿大司樂宗正卿次秘書監起居郎舍人常日侍御史又在其後太子三師在簽書樞密院事之左御史大夫在散騎常侍之左中丞在直學之右各少空親王使相在御座之右稍前使相稍却太御在其後次節度使次節度觀察留後觀察使次防禦團練使刺史駙馬都御又在其後左右金吾衛左右衛諸衛上將軍在節度使之右少空諸衛上將軍稍却

宴

其日射殿諸司排當脩三公親王以下與燕躬射宣詣殿下相向立班次知同知內侍省事帶御器械官殿中省官六尚局應奉官祇應武功大夫以下祇應諸司文臣闈班立侍燕公官服繫射官袞衣立定東上閤門附內侍奏班齊皇帝出閤門禁御諸班親從迎駕奏聖躬萬福皇帝即御座鳴鞭知同知內侍省事知客省事以下同知知內侍省事帶御器械官殿中省官六尚局應奉官祇應武功大夫以下祇應祠諸文臣奏聖躬萬福訖各福侍立祇應位次舍人分引與宴射官橫行奏聖躬萬福未起居者別班常起居贊各就座再拜分引升殿各正席後次招前班自贊常起居次教防使以下通班常起居已起居止奏聖躬萬福以次者次

人謝升殿次內侍進御茶林殿侍酌酒訖舍人贊就座群官俱
坐將進酒舍人揖稱進酒群官各立席後尚醞典御捧盤醞奉
御以酒注於醞典御奉酒詣御座前躬進訖樂作皇帝飲訖典
御授醞退舍人贊就座群官俱坐次行群官酒先宰臣次百官
樂作後準飲訖尚食進食大官設群食後準此如賜祇應臣僚
酒食并內侍贊如儀若
別殿已賜酒三行舉御茶林羣官興諸司收座物等次引射官
降階執弓矢百思再拜如階庭帘即階三公以下在右射官在
左不射者依皇帝初射中舍人贊拜凡左右祇應臣僚並階上
下再拜唯內侍
免拜行門禁衛諸班親從諸班祠祇應人並自贊拜
此下準招箭班殿上射奏訖跪進梳射官先傳弓箭
與殿侍且側立內侍接就訖
拜起降階再拜有司進御茶林文武引進奉馬列射堞前負僚

奏聖躬萬福東上閤門官詣御座前躬奏班首姓名以下進酒
班首以下橫行立定贊再拜舍人引班首稍東前上閤門官接
引詣御座之左尚醞典儀奉盤醞授班首奉御啓醞以酒注於
醞班首奉酒詣御座前躬進訖少退虛跪興以盤授典御東上
閤門官引退舍人接引復位贊再拜引進司空奉進奉揖官首
以下躬贊再拜舍人引班首稍前殿上臣僚席前相尚立東上
閤門官揖引班首詣御座之右典御授盤捧詣御前前西向立
樂位皇帝訖引舍人分引殿上臣僚橫行立定東上閤門官引
班首接醞訖少退虛跪興以授典御引退舍人節引復位諸司
復成
座物等贊再拜引進司宣進奉收贊再拜舍人贊各賜酒羣官
俱贊拜各新座群官皆立席後引進司官臨階宣進奉出天武

奉馬以出樂舍復贊就座群官俱座飲訖揖興侍立諸司復收

座物等

射官在側臨階取弓箭侍立

皇帝再射中中心或雙中如上儀

進酒臨時

取詣如得旨進酒更不進奉中偏碗及解中更不賀

不進酒臣僚射中引降訖再拜訖

殿下側立御箭解中招箭班進碗如上儀舍人再引射中當官

殿揖官宣有勅窄衣金帶

如何賜散馬即同宣賜

跪授相過再拜過殿側

服所賜訖再引當殿再拜更不射

如宣再射又引當殿再拜升殿揖次序射訖或更賜箭金射如

未退即就位再拜如再射中御箭再解中賜安鞭馬如上儀

臣僚射中御箭不解引降階

再拜且立昭箭班殿上射奉訖下殿舍人宣有勅賜銀碗跪受

執碗並箭就拜起再拜

如何賜散馬即同宣賜宣有勅賜銀碗兼賜散馬若干將

射訖進

御茶林諸司復陳座物等群官各立席後贊就座群官俱座酒

五行

宣示醜宣勸如儀

皆作樂宴畢內侍舉御茶林三公親王以下降

階再拜退皇帝降座鳴鞭如宣別殿賜宴如常儀

政和五禮新儀卷第二百一十八

政和五禮新儀卷第二百一十九

嘉禮

集英殿春秋大宴儀

陳設

大宴

陳設

前期殿中監帥其屬尚舍張設集英殿門之內設御座於殿上
當中南向醞設御酒尊酒器於御座之東尚食設御茶林於
御座之西俱稍北有司設羣官酒尊酒器於殿下三公三少於
輔右弼太宰少宰在御座之東稍南門下中書侍郎尚書在右
丞其東次特進觀文殿大學士太子三少觀文殿學士資政殿

大學士六曹尚書金紫銀青光祿大夫光祿大夫翰林學士丞

旨翰林學士資政端明殿學士在右散騎常侍三公以下稍却

却開封府引六曹侍郎直學士次宣奉正奉正議通奉大夫大

司成太子賓客詹事給事中中書舍人通議大夫左右諫議大

夫制侍太中大夫太常卿大司樂宗正卿次廂都指揮使軍都

指揮使又在其東太子三師在右丞之東中丞在直學士之南

各少並西向北上親王使相在御座之西稍南使相稍却樞密在西

次節度使次節度觀察留後觀察使次廂都指揮使軍都指揮

使又在其西太尉在樞密之南左右金吾衛左右衛諸衛上將

軍在節度使之南諸衛上將軍稍却防禦團練使刺史在軍都指揮使

之南各少並東向北上秘書監以下在東朵殿都虞後在其東

並西向北上宗室筵群團練使以上及外官大將軍以下在西

朵殿都虞候在其西並東向北上餘與宴百官在東廊諸軍將

校在兩廊在東廊者位於百官之南若大遼人使並東西相向北

上大遼下國高麗交州使副及諸蕃國首領在闕郎大遼使副在

副位在東朵殿南樞密間高麗交州使副在西朵殿夏國又從在東

廊將校之南舍利人從在廊將校之南高麗交州人從及諸蕃首

大宴

其日殿中監以下知同知入內內侍省事知客省事以下六尚

局官樞密都丞旨以下在內臨監並祇應通侍大夫以下武功

大夫以下祇應諸司文臣鐘鼓院管勾官於殿庭北向立班次

御史臺先引殿中侍御史一員先入就位次東上閣門御史臺

分引與宴文武百僚入詣殿庭東西向立東上閣門附內侍進班齊牌皇帝出宮需雲殿排立親從迎駕自贊常起居皇帝御需雲殿鳴鞭讀奏日東向閣門贊謁引班舍人簿書官并當覺察失儀提點承受六尚局應奉官次知內省以下侍御器械官內侍武功大夫以下寄班祗候帶御器械官次官軍臣僚新舊城巡檢軍都指揮使以上訖起居出次殿前指揮使左班次貯廊西殿前指揮使右班并排立親從並常起居皇帝降座鳴鞭詣集英殿襟衛諸班並行門親從托食天武迎駕自贊常起居皇帝御集英殿鳴鞭殿中監以下通班起居殿中殿少監升殿侍立并通瓊東上閣門官升殿知客省事以下殿下立攝左右軍巡使次鐘鼓樓節級就位四拜起執杖子侍立餘非應奉官分此

居次舍人通瓊訖分引群官橫行北上三宮三少左輔右弼太宰少宰在殿階之南稍東門下中書侍郎尚書左右丞在其南次特進次六曹尚書至光祿大夫次六曹侍郎開封尹至大司成開封府尹次太常卿至中大夫次七寺卿至中散大夫次七寺少卿至奉直大夫次左右司員外郎至朝奉大夫次六曹諸司員外郎至朝奉郎次太常丞至承議郎次開封知縣至奉議郎次太史局正至通直郎又在其南觀文殿大學士學資政殿大學士翰林學士承旨資政端明殿學士閣學士在光祿大夫之東資政殿大學士以上稍前直學士在其南侍制又其南御史大夫在閣學之東御史中丞在其南侍御史殿中侍御史監察御史又在其南左右散騎常侍在御史大夫之東給

事中中書舍人左右諫議大夫在其南起居郎舍人左右司諫

符寶郎左右正言又在其南太子三師在散騎常侍之南與執政官

班齊太子三少在其南次賓客詹事次左右庶子以下又在其

南每等各重行異位並北向西上親王使相在殿階之南稍西

使相知同知簽書樞密院事在其南次太尉次節度使次節度

觀察留後觀察使次防禦使次團練使次刺史以宗室遙郡放

禦使次宗室遙郡團練使又在其南左右金吾衛左右衛諸上

將軍在節度使之西諸衛上將軍大將軍次將軍在其南次率府

次率府副率又在南其每等各重行異位並東向北上諸將軍校

在百官後大遼人使在闕即詣軍分東西北上大遼夏國高麗

及諸番首領即大遼使副在上將軍之西副使稍却夏國副使

在文武官之南高麗交州使副在武官之南夏國高麗交州人從

並諸番首領在東上閣門官贊大起居班首出班俛伏跪致詞

訖俛伏興復位群官再拜指笏舞蹈又再拜贊各就位再拜舍

人分引升殿席前相向立朵殿兩廊官立於席後大遼人使在

引大遼舍利西人大起居贊各就位贊再拜贊就座引升西廊次舍

人傳事引從人分入四拜起居謝座并同舍利攸教坊使以下通班大起居着殿人謝升殿再拜內侍進御茶牀

殿侍酌酒訖次贊天武門外祇候東上閣門官詣御座前躬奏

班首姓名以下進酒舍人分引殿上臣僚橫行北面贊再拜舍

人引班首稍前東上閣門官接引詣御座東北面搢笏殿中監

奉盤琖受班首殿中次監首琖班首西向奉酒詣啓琖班首西

向立殿中少監以酒注於琖班首西向立殿中少監座前躬進

訖少退許跪行以盤受監中殿出笏東上閣門官引退舍人接

引復位贊再拜舍人引班首稍前殿上臣僚席前相向立東上
閣門官接引詣御座東北向搢笏殿中監授盤捧詣御座前西
向立樂作皇帝飲訖舍人分引殿上臣僚橫行北向東上閣門
官引班首接前訖少退虛跪興授殿中監出笏引退舍人接引
復位贊再拜舍人贊各賜飲酒群官俱拜贊各就位羣官皆立
席後復贊就座群官俱座酒初行群官搢笏受酒先宰臣次百
官皆作樂此後準皇帝再舉酒自此并殿中羣官俱立席後凡舉
準此樂作飲訖舍人贊各就座復行群官酒皇帝三舉酒如第
二之儀尚食殿奉御酒食太官令設群官食此後準樂作賜祇應
臣僚酒食先管軍次監中殿以下知客省事以下知內省事以
下帶御器械官六尚局應奉官樞密都丞旨以下祇應武功大

夫以下祇應諸司文臣並內侍諸班贊謝酒食拜訖各復位皇

帝四舉自此並興樂功前致語初致語群官俱立席後致語訖

贊拜百官皆再拜贊就座樂合皇帝五舉酒樂工上奏樂庭下

舞隊前致詞樂作舞隊出東上閣門官奏再座時刻視放隊訖

內侍舉御茶林皇帝降座鳴鞭群官退賜花有差再座前二刻

御史臺東上閣門催班群官載花北向立定東上閣門附內侍

進班齊牒知內侍省事以下並帶御器械官先于需雲殿迎駕

奏聖躬萬福自贊謝花再拜後殿前指揮使親從迎

駕奏聖躬萬福次贊謝花再拜皇帝詣集英殿行門禁衛諸班

親從迎駕奏聖躬萬福自贊謝花再拜皇帝即御座殿中監以

知客省事以下六尚局應奉官樞密都丞旨以下祇應武功應
大夫以下祇應諸司文臣立大班前奏聖躬萬福訖各復大立

祇應位次赴諸官奏聖躬萬福贊謝花再拜餘謝花又贊各

就座舍人分引升殿席後相向立朵殿兩廊官立於席後大遼人使

在闕次舍利次從人並西向入贊謝花次管軍臣僚奏聖躬萬福

謝花次殿中監以下知客省事以下六尚局應奉官樞密都丞

旨以下祇應武功大夫以下祇應諸司文臣謝花次奏教坊使

以下奏聖躬萬福自贊謝花內侍進御茶林皇帝舉酒樂工殿

上奏樂庭下作樂皇帝再舉酒樂工殿上奏樂庭下舞隊前致

詞樂作舞隊出皇帝三舉酒樂作皇帝四舉酒如上儀若宣示

璣即隨所向東上閤門官以下搢稱宣示璣躬贊就座若宣勸

即立橫席後躬飲訖贊再拜內侍舉茶林舍人引班首以降階

當橫行北向再拜搢笏舞蹈又再拜訖分班出大遼人使在闕

次位人降階再拜並西出次教坊使以下謝祇應並再拜教坊使以下謝恩又

再拜如賜茶酒殿中監以下知客省事以知內侍省事以下帶

御器械官六尚局應奉官樞密都丞旨以下祇應武功大夫以下

祇應諸司文臣行門禁衛諸班親從教坊等班遂贊謝茶酒再

拜教坊以下起居並宴畢謝祇應並謝恩舍人贊餘東上閤門

官殿上側奏無事皇帝降座鳴鞭

政和五禮新儀卷第二百二十

嘉禮

垂拱殿曲宴儀

陳設

曲宴

陳設

前期殿中監帥其屬尚舍張設垂拱殿門之內設御座於殿上
當中向南尚醞設御酒尊器於御座之內稍北尚食設御茶牀
御座之西稍北有司設羣官酒尊於殿下又設羣官座三公三
少左輔右弼太宰少宰在御座之東稍南知樞密院事門下中
書侍郎尚書左右丞同知簽書樞密院事在其東次觀文殿大

學士太子三少觀文殿學士資政殿大學士六曹尚書翰林學士資政端明殿學士閣學士左右散騎常侍三少以下稍却尚書以下又稍却次開封府尹六曹尚書直學士又在其東太子三師在右丞之南御史大夫在散騎常侍之西中丞在直學士之南各少空並西北上親王使相在御座之西稍南使相稍却次太尉次節度使次節度觀察留後觀察使又在其西並東向北上宗室在本官之上管軍觀察使以上不為差為管軍節度使開宴即座

曲宴

皇帝視事畢東上閣門進呈坐圖訖舍人奏閣門無公事皇帝降座鳴鞭入殿後閣諸司排當備東上閣門附內侍奏班齊皇帝出閣禁衛諸班親從迎奏聖躬萬福皇帝升御座鳴鞭殿中

監閣以下知同知入內內侍省事知客省事以下知內侍省事以下帶御器械官六尚局應奉官祇應武功大夫以下祇應諸司文臣闕班各奏聖躬萬福訖各侍立祇應位次管軍臣僚奏聖躬躬萬福訖殿下侍立次分引三公至直學士以上親王使相至觀察使以上分東西入詣殿庭橫行北向立定班首奏聖躬萬福舍人贊各就座再拜訖分引詣東西階升殿席前相向立次教坊使以下常起居次看瑣人謝升殿次內侍進御茶林殿侍酌酒東上閣門官詣御座前躬奏班首姓名以下進酒舍人分引殿上臣僚橫行北向贊再拜舍人引班首稍前東上閣門官接引詣御座東北向尚醞典御奉盤瓊授班首奉御啓醞班首西向立奉御以酒注於醞班首奉酒詣御座前躬進訖少拜

退虛跪興以盤授典御東上閣門官引退舍人接引復位贊再拜舍人引班首稍前殿上臣僚席前相向立東上閣門官接引詣御座東北向典御授盤捧詣御座前西向立樂作皇帝飲訖舍人分引殿上臣僚橫行北向東上閣門官引班首接琰訖少退虛跪興授典御引退舍人接引復贊再拜舍人贊各賜酒群官俱再拜贊各就座群官俱立席後復贊就座群官俱座酒初行群官受酒先宰臣次百官皆作樂此後準尚食殿奉御進食太官令設羣官食酒五行若宣示琰即隨所向東上閣門官揖稱宣示琰躬贊就座若宣勸即立席後躬飲訖贊再拜內侍舉御茶林舍人引班首以下降階橫行北向再拜分班出次教坊使以下謝詣應再拜如賜祇應臣僚茶酒並舍人出班贊再拜東

上閣門側奏無事皇帝降座鳴鞭侍衛還內如來儀

政和五禮新儀卷第二百二十一

政和五禮新儀卷第二百二十二

嘉禮

上巳重陽賜宴儀

陳設

賜宴

陳設

應與宴官宰臣至待制管軍臣僚在瓊林宴親王宗室及通侍大夫以下知客省事以下武功大夫至武翼郎在端聖園門下中書後省起居郎以下尚書左右司郎官秘書省官尚書六曹諸司郎中殿中少監以下長貳御史兩院御史大理等正丞評事司直開封府尹在玉津園節度使玉正任刺史駙馬都尉在

五禮三百五十一

宜春苑入內侍兩省知省至簽書省事勾當皇城司及帶御
器械官并在內當宿武功大夫至武翼郎在皇城司皆前期儀
鸞司設陳宴所設中使及與宴官次於門內

賜宴

其日與宴官以下並赴宴所就次諸司排當備與宴官以下詣
庭中望闕位立定次中使詣班首之左稍前詣中使宣曰有勅
在位官皆再拜訖中使宣曰賜卿等御筵在位官皆再拜搢笏
舞蹈又再拜中使退與宴官分東西升詣就座酒行樂作飲訖
食畢樂止酒行五與駕官並興就座賜花有差少頃載花訖與
宴官詣望闕位立定謝花再拜訖分東西升階就座酒行樂位
飲訖食畢樂止酒四行訖退

政和五禮新儀卷第二百二十二

嘉禮

辟廱賜聞喜宴儀

陳設

賜宴

陳設

前期鸞儀司陳辟廱精義閣下及東西兩廊設中使及押宴官

以下次於學門內設押宴官以下釋褐貢士坐於精義閣下及

東西兩廊釋典貢士序位以齒大晟設特駕于庭

賜宴

其日押宴官以下及釋褐貢士並赴辟廱就次諸司排當備押

宴官以下及釋褐貢士班首初入門正安之樂作至庭中望闕
位立定樂止與宴官就位再拜訖押宴官中使詣班首前稍東

西向立中使宣曰有勅在位者皆再拜訖中使宣曰賜卿等聞
喜宴在位皆再拜搢笏舞蹈又再拜次引押宴官稍前謝坐再

拜在位者皆再拜

若賜勅書即引貢士班首稍前立定中使詣班首

前西向立宣曰有勅貢士再拜中使宣曰賜卿等

勅書班首稍前搢笏跪中使授勅書訖少退等首執笏以勅書加於

笏上俛伏興歸位再拜在位皆在拜

與宴官分東西升階就座酒初行賓興賢能之樂作飲訖食畢

樂止酒再行於樂辟靡之樂作酒三行樂育人才之樂作酒四

行樂且有儀之樂作酒五行正安之樂作再坐酒行樂作節次

安之樂皆飲訖食畢樂止押宴官以下俱興就次賜花有差少

頃戴花訖次押宴官以下並釋褐貢士詣庭中望闕位立定謝

花再拜分東西升階就位酒行樂作飲訖食畢止酒四行訖退

次日與宴官及釋褐貢士及謝如常儀

政和五禮新儀卷第二百二十三

政和五禮新儀卷第二百二十四

嘉禮

節日賜飲食儀

前期執事者設中使次於大門外道西南向望闕設受賜褥位於庭又設香案於位前其中使至親王大門外掌次者延入次親王常服出詣庭中望闕褥位立定直省官引中使入中門執事者二人對捧賜物從入中使立於親王之右宣曰有勅親王再拜訖躬身中使又宣曰某節賜卿某物若干親王搢笏跪執事者捧賜物稍前親王受訖執事者以賜物過親王執笏俛伏興又再拜親王搢笏以謝表授中使中使揖笏受表各執笏親王與中使相見如常儀中使退特表以聞

政和五禮新儀卷第二百二十四

政和五禮新儀卷第二百二十五

嘉禮

賜脰膳儀

皇帝親祠畢命中使賜脰於親王前期執事者設中使次於大門外道西南向望闕設受賜脰位於庭又設香案於位前其日中使至親王大門外掌次者延入次親王常服出詣庭中望闕位立定直省官引中使入中門執事者二人對捧脰肉案從入中使立於親王之右宣曰有勅親王再拜訖躬身中使又宣曰某畢祀皇帝命賜卿脰親王搢笏跪執事者捧脰肉案少前親王受執事者以脰肉案過親王執笏俛伏興再拜親王搢笏以謝表授中使中使搢笏授表各執笏親王與中使相見如常儀

中使退特表以聞

政和五禮新儀卷第二百二十五

政和五禮新儀卷第二百二十六

嘉禮

紫宸殿賀祥瑞儀

垂拱殿皇帝將出宮讀奏日官在殿庭之南宣贊引班對立舍
人在其南簿書官在舍人之西少絕覺察失儀提點使臣在其
南俱北向舍人以西為上簿書官以東為上宣贊舍人立班前西東上閣門附
內侍班齊牌皇帝出宮守踏道行門禁衛諸班親從迎駕自贊
帝起居訖又自贊賀再拜訖皇帝服鞞袍坐鳴鞭讀奏日官以
下起居訖讀奏日官升班首出班致詞稱駕歸位再拜如宣卷
降自東階次知內侍省事帶御器械官公服次管勾臣僚各逐班先向西
立俟班到橫行贊起居稱賀並如上儀次行門起居稱賀再拜

訖俟舍人南階下直身奏班絕皇帝降座鳴鞭詣紫宸殿後幄
排立諸班親從迎賀常起居初拱殿起居稱賀班將畢紫宸殿
樞密以下大班入就位知同知簽書樞密院事在儀石之南北
向東上知同知入內內侍省事在知樞密院事之東南知客省
事至知西上閤門事在其南次簽書客省事至簽書西上閤門
事次閤門通事舍人次閤門祇候次看班祇候又在其南內符
寶郎在簽書省事之西六尚局管勾官在同知入內內侍省事
之東典御在其南奉御又在其南通侍中侍中衛左武大夫在
知樞密院事之南稍東中亮供衛左武郎左武大夫之東稍却
每等重行異位並西上北向觀文殿大學士資政殿大學士翰
林學士丞旨翰林學士資政端明殿學士閤學士在簽書樞密

院事之西南

觀文殿學士以下稍却翰林學士丞旨以下又稍却

直學士在其南

與知人內

內侍省事班齊

待制又在南樞密都丞旨直學士之西丞旨在其南

次副都丞旨諸房逐房副丞旨又在其南正侍中亮供衛右武

大夫在簽書樞密院事之南稍西中衛右武郎左武大夫之西

稍却每等重行異位並北向東上武功大夫在六尚局管勾官

之東武功郎在其東次敦武郎次從義忠訓成忠郎又在其東

和安大夫至翰林良醫在武功大夫之南少絕和安郎至翰林

醫正在其東每等異位並西向北上武德大夫至武翼大夫在

樞密都丞旨之西武德郎至武翼郎在其西次修武郎次秉義

忠翊保義郎又在其西每等重行異位並東向北上翰林醫官

醫學在殿庭南稍東西上翰林待詔藝學在殿庭南稍西東上

皆北向祇看班祇候稍却宣贊舍人在班前西向對立舍人在班前東

向東上閣門附內侍進班齋牌皇帝御紫宸殿坐鳴鞭舍人揖

樞密以下躬赴當殿通某官姓名以下起居稱賀復位贊樞密

以下再拜搢笏舞蹈又再拜班首奏聖躬萬福又再拜班首

出班致詞稱賀復位又再拜搢笏舞蹈又再拜知東上閣門官

當殿北向丞旨訖西向稱有制樞密以下再拜宣答訖又再拜

搢笏舞蹈又再拜訖再鳴鞭樞密直學士自西階升殿後侍立如

引進司東上閣門官以下殿庭東西向侍立餘官分班次以出

宣贊舍人退迤南當庭中立對立舍人西出文武下僚及諸軍將校殿門外序班立

定知引進司東上閣門官以下退立東階下殿中侍御史一員

先入就位次兩肩次上將軍以下分班入次舍人分引三公以

下文武百僚入殿庭東西向將校排立列不進者止殿門外立班舍人揖班前

以下躬宣贊舍人當殿通文武百僚宰臣三公通某官姓名以下起

居稱賀舍人引班首以下橫行北向兩省上將軍以下依舊立三公三少左

輔右弼在儀石之北稍東太宰少宰在其南次尚書左右丞次

特進次六曹尚書至光祿大夫次六曹侍郎開封尹至大司成

開封尹以下稍空次太常卿至中大夫次殿中次監至中散大夫次七

寺少卿至奉直大夫次尚書左右司員外郎至朝奉大夫次六

曹諸司員外郎至朝奉郎次太常卿至承議郎次開封尹縣至

奉議郎至太史局正至通直郎又在其南御史大夫在光祿大

夫之東中丞在其南次侍御史殿中侍御史監察御史又在其

南太子三師在御史大夫之東與執政官班齊太子三少在其南與尚書班

班齊次賓客詹事次左右庶子以下又在其南每等重行異位

並北向西上親王在儀石之北稍西使相在其南次大尉與特進班

齊次郎度使次郎度觀察留後次防禦使次團練使次刺使又

在其南每等重行異位並北向東上門下侍郎左右弼之東少

北左散騎常侍在其東次給事中左諫議大夫次起居郎左司

諫符郎左正言又在東左金吾衛左諸衛上將軍在左散騎常

侍之南在諸衛上將軍稍却諸大將軍在其東率府率又在其東每等重

行異位並西向北上中書侍郎在親王之西稍北右散騎常侍

在其西次中書舍人右諫議大夫次起居舍人又司諫正言又

在其西右金吾衛右諸衛上將軍在左散騎常侍之南左諸衛上將軍

稍諸將軍在其西率府副率又在其西每等重行異位並東向

北上宣贊舍人揖左班近前舍人自班後詣東階下立東上閣

門官至通唱位舍人揖班首以下躬東上閣門官再贊拜班笏

出班致詞稱賀復位樞密諸御座前承旨退詣折檻東西向宣

贊答拜班首以下再拜並如上儀訖次東上閣門官揖宰臣執

政官升殿並升自東階內中書侍郎升自西階樞密直學士下殿出贊拜東上閣門官

還位立位引右班舍人由右班前出餘官分出次兩眉次上將

軍以下出知引進東上閣門官以下還侍立位宣贊舍人復位

次引奉如儀舍人合班躬奏無事皇帝升座鳴鞭知引進司官

以下並卷班出皇帝復御拱垂殿三眉樞密院及臣僚奏事畢

舍人一員立殿門屏東後班退南階下直身奏閣門無公事
皇帝降座還內

政和五禮新儀卷第二百二十六

政和五禮新儀卷第二百二十七

凶禮

忌辰群臣進名奉慰儀

忌辰群臣詣景靈官儀

忌辰群臣進名奉慰儀

其日質明文武朝參官俱入詣朝堂就次少頃御史臺先引殿中侍御史一員入就位次西上閣門御史臺分引文武朝參官及諸軍將校次禮直官引三公以下至執政官各就北向立三公左輔在西上閣門南階下稍東太宰少宰在其南門下中書侍郎尚書左右丞又在其南特進在門下侍郎之南次六曹尚書至光祿大夫次六曹侍郎開封尹大司成開封尹以下稍空次太常

卿至中大夫次殿中少監至中散大夫至七寺少卿至奉直大
夫次左右司員外郎至朝奉大夫祥符六曹諸司員外郎至朝
奉郎次太常丞至承議郎次開封府知縣至奉議郎次太史局
正至通直郎又在其南觀文殿大學士資政殿大學士翰林學
士承旨翰林學士資政端明殿學士閣學士在光祿大夫之東
觀文殿學士資政殿學士直學士在其南待制又在其南御史大
稍前觀文殿學士又稍前
夫在閣學士之東中丞在其南侍御史殿中侍御史監察御史
又在其南左右散騎常侍在御史大夫之東給事中中書舍人
左右諫議大夫在其南起居郎舍人左右司諫符寶郎左右正
言又在其南太子三師左右散騎常侍之東與執政
官班齊太子三少
在其南與常侍
班齊次賓客詹事次左右庶子以下又在其南每等

重行異位並北向西上三少右弼在西上閣門南階下稍西使
相在其南知同知簽書樞密院事又在其南太尉在知樞密院
事之南次節度使次節度觀察留後觀察使次防禦使次團練
使次刺使次武功大夫至武翼大夫次武功郎至武翼郎次敦
武郎次修武郎次諸軍副指揮使以上又在其南左右金吾衛
左右衛諸衛上將軍在節度使之西諸衛上將軍
稍却大將軍在其
南次將軍以下又在其南知客省事至知西上閣門事在大將
軍之西簽書客省事至簽書西上閣門事在其南次閣門通事
舍人及閣門祇候次看班祇候又在其南通侍大夫至右大夫
在知西上閣門事之西中亮郎至右武郎在其南樞密院都承
旨與觀察留後
班齊承旨在其南次副都承旨次

副承旨諸房逐房副承旨又在其南和安大夫至翰林良醫在武翼大夫之西和安郎至翰林醫正在其南每等重行異位並北向東上之西閣門官於班前西向立播笏執名躬三公以下文武百僚俱再拜俟知西上閣門官執笏置名紙於笏上入西上閣門退訖

忌辰群臣詣 景靈宮儀

群臣奉慰畢詣景靈宮就次少頃御史臺先引殿中侍御史一員入就位次西上閣門御史臺分引文武朝參官及諸軍副指揮使以上次禮直官通事舍人引三公以下至執政官各就位三公左輔在殿階下稍東太宰少宰在其南門下中書侍郎尚書左右丞又在其南特進在左丞之南次六曹尚書至光祿大

夫次六曹侍郎開封尹至大司成

開封尹以下稍空

次太常卿至中大

夫次殿中少監至中散大夫次七寺少卿至奉直大夫次左右

司員外郎至朝奉大夫次六曹諸司員外郎至朝奉郎次太常

丞至承議郎次開封知縣至奉議郎次太史局正至通直郎又

在其南觀文殿大學士學士資政殿大學士翰林學士承旨翰

林學士資政端明殿學士閣學士在光祿大夫之東

觀文殿學士資政殿

大學士稍前觀文殿大學士又稍前

直學士在其南待制又在其南御史大夫

在閣學士之東中丞在其南侍御史殿中侍御史監察御史又

在其南左右散騎常侍在御史大夫之東給事中中書舍人左

右諫議大夫在其南起居郎舍人左右司諫符寶郎左右正言

又在其南太子三師左右散騎常侍之東

與執政官班齊

太子三少在

其南與常侍班齊次賓客詹事次左右庶子又在其南每等重行異

位並北向西上三少右弼在殿階下稍西使相在其南知同知

簽書樞密院事又在其南太尉在知樞密院事之南次南觀度

觀察留後觀察使次防禦使次團練使次料史次武功大夫至

武翼大夫次武功郎至武翼郎次敦武郎次修武郎次諸軍副

指揮使以上又在其南左右金衛左右衛諸衛上將軍在節度

使之西諸軍上將軍稍部大將軍在其南次將軍以下又在其南知客

省事至知西上閤門事在大將軍之西簽書客省事至簽書西

上閤門事在其南次閤門通事舍人次閤門祇候次看班祇候

又在其南通侍大夫至右武大夫在知西上閤門事之西中亮

郎至右武郎在其南樞密都承旨與觀察留後班齊在右武大夫之西

承旨在其南次副都承旨次副承旨諸房逐房副承旨又在其

南和安大夫至翰林良醫在武翼大夫之西和安郎至翰林醫

正在其南每等重行異位並北向東上禮直官揖班首以下再

拜訖引班首自東階升殿舍人接引同升詣香案前搢笏上香

跪奠茶訖執笏興降階復位又再拜次引班首以下分左右搢

笏行香宰相執政官分左右行香訖執笏俱復位引班首陞詣

殿香案前俛伏興跪搢笏執鑪俟讀疏畢執笏俛伏興降階復

位又再拜訖退天興殿保寧閣行香先當殿再拜訖移班天興

殿稍東保寧閣稍西位餘後殿并先殿再拜

次詣殿如上儀內輝德行慶坤元殿行香俟本位禮畢次逐位

各再拜班首詣香案前搢笏上香執笏復位再拜訖退

政和五禮新儀卷第二百二十七

政和五禮新儀卷第二百二十八

凶禮

賑撫儀

遣使賑撫諸州水旱蟲災

使者將至所在長官預集本州官屬及鄉老等所司先於長官廳大門外設使者次又於門外設使者位東向長官以下位北向西上又於庭望闕設長官以下位重行設使者位於長官之左使者至所司引就次各服公服贊者引先長官以下立於門外位又引使者就位立史二人以紫奉詔書立於使者之南贊者曰拜長官以下皆再拜贊者引長官以下次先入庭中位史捧詔書案前行使者從之入就庭中位贊者贊使者搢笏取詔

書詔笏以詔書加於笏上史以紫退使者稱有贊者曰拜長官
以下皆再拜使者宣詔書訖長官以下皆再拜贊者引使者及
長者各少前相向俛伏跪搢笏使者以詔書授長官訖各執笏
長官以詔書加于笏上各俛伏興贊者曰再拜長官以下皆再
拜贊者使者還次長官以下退

政和五禮新儀卷第二百二十八

政和五禮新儀卷第二百二十九

凶禮

問疾儀

皇帝遣使問諸王以下疾
皇帝遣使問帝姬以下疾
中宮遣使問諸王以下疾
中宮遣使問帝姬以下疾
東宮遣使問諸王以下疾
東宮遣使問帝姬以下疾
皇帝遣使問諸王以下疾

前期有司於受問勞者之第大門外設使者位於受勞問者之

在使者至贊者引入次使者及受勞問者皆公服贊者引使者立於門西東向引受勞問者立於門東西向史二人以案奉詔書立於使者之南贊者曰拜受勞問者再拜贊者引受勞問者入就望闕位立史捧詔書案前行使者從之入就庭中位贊者贊使者搢笏取詔書執笏加詔書於笏上史以案退使者稱有詔受勞問者再拜使者宣詔書訖受勞問者又再拜贊者引使者及受勞問者少前向各俛伏跪搢笏使者以詔書授受勞問者訖各執笏受勞問者加詔書于笏上各俛伏興復位贊者曰拜受勞問者再拜贊者引使者歸次受勞問者乃入若受勞問者疾未間不能親受則弟子代受如上儀

皇帝遣使問帝姬以下疾

以內給事一人為使者前期有司於受勞問者之弟大門外設使者次又於寢庭望闕設受勞問者位使者位於其前少北南向使者至內侍引入次使者服公服女侍引受勞問者朝服出詣望闕位立內侍引使者出次給使二人以案奉詔書前行使者從之入就庭中位內侍贊使者搢笏取詔書執笏加詔書於笏上給使捧案退使者稱有詔內侍曰拜受勞問者再拜宣訖又再拜女侍進詣使者前受詔書退授受勞問者訖內侍曰拜受勞問者再拜內侍引使者歸次受勞問者乃入若受勞問者疾未間不能親受則以女侍迎攝受詔書如上儀以所受詔書詣寢闕授之

中宮遣使問諸王以下疾

以內給事一人為使者前期有司於受勞問者之第大門外設
使者次又於庭中設受勞問者位北向使者位南向使者至贊
者引入次使者及受勞問者皆公服贊者引使者立於門東西
向給使二人以案奉令書立於使者之南贊者曰拜受勞問者
再拜贊者引受勞問者入就庭中位贊者贊使者搢笏取令書
執笏加令書於笏上給使捧案退使者稱有令受勞問者再拜
讀訖又再拜贊者引使者及受勞問者少前相向各俛伏跪搢
笏使者以令書授受勞問者訖各執笏受勞問者加令書於笏
上各俛伏興復位贊者曰拜受勞問者再拜贊者引使者歸次
受勞問者乃入若受勞問者疾未間不能親受則子弟代受如
上儀

中宮遣使問帝姬以下疾

以內給事一人為使者前期有司於受勞問者之第大門外設
使者次又於寢庭少北設使者位南向受勞問者位北向使者
至內侍引入次使者公服訖女侍引受勞問者朝服出詣庭中
位內侍引使者出次給使二人次案奉令書前行使者從之至
庭中位內侍贊使者搢笏取令書執笏加令書於笏上給使以
案退使者稱有令內侍曰拜受勞問者再拜讀訖又再拜女侍
進詣使者前受令書退授受勞問者內侍曰拜受勞問者再拜
內侍引使者歸次受勞問者乃入若受勞問者疾未間不能親
受則以女侍迎攝受令書如上儀以所受令書詣寢閣授之

東宮遣使問諸王以下疾

前期所司於受勞問者之第大門外設使者次又於庭中訖受勞問者位西向使者位東向使者至贊者引入次使者及受勞問者皆公服贊者引使者立於門西東向引受勞問者立於門東西向史二人以案奉令書立於使者之南贊者曰拜受勞問者再拜贊者引受勞問者入就庭中位立史捧令書案前行使者從之入就庭中位贊者贊使者搢笏取令書執笏加令書於笏上史以案退使者稱有令贊者曰拜受勞問者再拜讀訖受勞問者又再拜贊者引使者及受勞問者少前相向各俛伏跪搢笏使者以令書授受勞問者訖各執笏受勞問者加令書於笏上各俛伏興復位贊者曰拜受勞問者再拜贊者引使者歸次受勞問者乃入若受勞問者疾未間不能親受則子弟代受

如上儀

東宮遣使問帝姬以下疾

以內給事一人為使者前期有司於受勞問者之第大門外設使者次又於寢庭西階下設使者位東向受勞問者位西向使者至內侍引入次使者公服訖女侍引受勞問者朝服出詣庭中位立內侍引使者出次給使二人以案書奉令前行使者從之至庭中位內侍贊使者搢笏取令書執笏加令書於笏上給使以案退使者稱有令內侍曰拜受勞問者再拜讀訖受勞問者又再拜女侍進詣使者前受令書退授受勞問者訖內侍曰拜受勞問者再拜內侍引使者歸次受勞問者乃入若受勞問者疾未間不能親受則以女子侍迎攝受令書如上儀以所受

令書詣寢閣授拜迎拜送與授受之義

共皇太子於諸王帝姬疾從家人親屬之禮遣近侍勞問則受勞問者侍之從亦家人之禮不

政和五禮新儀卷第二百二十九

政和五禮新儀卷第二百三十

凶禮

訃奏儀

皇帝為諸王以下喪舉哀

皇帝為大遼國喪舉哀

皇帝為蕃國喪舉哀

皇帝為諸王以下喪舉哀

訃奏命太史擇日舉喪前一日尚舍奉御於後苑北正偏西壬地設御幄南向周以簾惟其曰皇帝常服乘輿詣幄降輿侍衛警蹕如常儀皇帝至御幄南向坐簾降候時文武朔參官以上並赴崇政殿門外立班以俟進名奉慰至時皇帝釋常服服素服禮直

官太常博士引鴻臚卿當御幄簾前俛伏跪奏鴻臚卿臣某言
請皇帝為某官封某薨若婦人稱某人某氏若大臣稱某官封姓名舉哀奏訖俛伏
興人奏請舉哀皇帝舉哭十五舉音又奏請可止皇帝哭止禮
直官太常博士鴻臚卿復位立並退文武百僚進名奉慰訖皇
帝釋素服服常服乘輿還內如常儀

皇帝為大遼國喪舉哀

訃奏命太史擇日舉哀前一日尚舍奉御於內東門貯廊北設
御幄周以簾帷其日皇帝常服乘輿詣降輿侍衛警蹕如常儀
皇帝至御幄南向坐簾降俟時文武朔參官以上並起西上閣
門立班以俟進名奉慰至時皇帝釋常服服素服禮直官太常博士引
鴻臚卿當御座前俛伏跪奉鴻臚卿臣某言請皇帝為北朝國

主凶訃至舉哀奏訖俛伏興又奏請舉哭皇帝舉哭五舉音向國而又奏請可止皇帝哭止禮直官太常博士鴻臚卿復位西
面立文武百僚進名奉慰訖皇帝釋素服服常服乘輿還內如
常儀

皇帝為蕃國喪舉哀

訃奏命太史擇日舉哀前一日尚舍奉御於自東門貯廊北設
御幄周以簾帷其日皇帝常服乘輿詣幄降輿侍御警蹕如常
儀皇帝立御幄南向坐簾降俟時文武朔參官以上並起西上
閣門立班以俟進名奉御至時皇帝釋常服服素服禮直官太常博士
引鴻臚卿當御座前俛伏跪奏鴻臚卿臣某言請皇帝為某國
主姓名薨舉哀奏訖俛伏興又奏請皇帝舉哭五舉音向其國而哭之

又奏請可止皇帝哭止禮直官太常博士鴻臚卿復位西面立
並退文武百僚進名奉慰訖皇帝釋素服服常服乘輿還內如
常儀

政和五禮新儀卷第二百三十

政和五禮新儀卷第二百三十一

凶禮

臨奠弔喪儀

皇帝臨奠諸王以下喪

皇帝遣使弔諸王以下喪

皇帝遣使奠諸王以下喪

會喪儀

皇帝遣百僚會喪

皇帝臨奠諸王以下喪

訃奏命太史擇日臨奠前一日尚舍奉御於受奠者之第大廳
中間設御幄周以簾帷有司於天門之外設從駕臣僚次其日

質明皇帝常服出內東門文武從駕臣僚及侍衛應奉人起居如常儀尚革奉御奉輦稍前御進輦皇帝乘輦以出侍衛警

蹕如常儀不由宣德門餘皆臨時取旨將至主人服纓免經去杖哭出於門

外立班如未成服則着帽收髮早衫紫絹帶望見乘輿止哭迎駕起居本家人各從其後

舍人贊拜主人以下皆再拜訖退俟宣從駕臣僚至門外退就

次皇帝至御幄降贊步至靈座前婦人纓服起居于堂西階下三上香三奠

酒訖退歸幄南向坐宣主人入立于階下北面宣問賜賻贈訖

無男子者遣內侍宣問本家婦人之長者舍人贊拜主人皆再拜訖退出門外立班

拜送奉御奉贊稍前御進輦皇帝乘輦還內如常儀有陳乞者

皆即時附表以問

皇帝遣使弔諸王以下喪

前期所司於受弔者之第大門外設使者次使者至贊者引入

次內外纓服贊者引受弔者以下降立哭於東階下婦人立哭

於殯所使者常服出次於門外西向立史二人以案奉詔書立

于使者之側贊者引受弔者免經去杖出門止哭迎使者大門

外見訖先入庭下望闕立史二人捧詔書案前行贊者引使者

從入內外止哭使者詣庭下少北向立史以案進使者搢笏取

詔書加於笏上史以案退使者少進於受弔者前稱有詔弔受

弔者舉哭再拜稽顙內外皆哭贊者引受弔者進詣使者前跪

受詔書與復位贊者引使者歸次受弔者以詔書受執事者舉

哭拜送使者於大門外使者還贊者引受弔者杖哭而入升堂

取詔書奠於柩前若致賻或賵如受弔者之儀

皇帝遣使奠諸王以下喪

前期所司於受奠者之第大門外設使者次使者至贊者引入
次內外纓服贊者引至人主以下降立哭於東階下婦人升立哭
柩之右使者常服出次立於大門外有司陳饌於柩前贊者
引至人主去杖出中門止哭於大門外迎見使者訖先人立於門
右贊者引使者入內外止哭使者升自東階立柩前之右贊者
引主人升自西階立當使者以使者以餞奠酒訖曰某官封謚
將歸幽宅詔使某奠有祭文則贊者宣讀主人降階間北面舉哭再拜稽
顙內外俱哭主人退哭於東階下贊者引使者出從者從出主
人止哭拜送使者於大門外使者還主人杖哭而入

會喪儀

皇帝遣百僚會喪

前期一日所司於主人第大門右量地之宜設百官朔參官以上會
弔者次其日先於主人寢庭設百官位重行應會弔者集於門
外次各常服贊者以次引入就位立定贊者曰可哭百官在位
者皆哭十五舉音贊者曰可止百官在位皆止哭贊者引為首
一員升詣主人前展慰訖贊者引降出諸在位者以次而出致應
恭者皆再拜而出會葬如會喪之儀

政和五禮新儀卷第二百三十一

政和五禮新儀卷第二百三十二

凶禮

中宮為諸王以下喪舉哀儀

中宮為祖父母成服儀

中宮遣使予諸王以下喪儀

中宮為諸王以下喪舉哀儀

訃奏至命太史擇日舉哀前一日有司於舉哀所設次周以簾
 幄又設內外命婦次隨地之宜其曰皇后常服肩乘輿肩輿謂
 擔子下
 此詣次侍衛如常至次降輿尚儀引皇后入次南向坐次時至
 釋常服服素服尚儀以內臣
 攝下同詣次前俛伏跪奏具官臣姓名言
 請皇后為某官封某薨舉哀若婦人某人某氏
 餘依所稱奏訖俛伏興又

躬奏請舉哭十五舉音又躬奏請可止皇后哭止尚儀退贊者
以內臣扶下成服同引內命婦奉慰次引外命婦奉牋慰訖皇后釋素服
服常服乘肩輿還如儀

中宮為祖父母成服儀

訃至命太史擇日成服前一日有司於主人第正寢東設皇后
次周以簾幄又設內外命婦次於中門內外隨地之宜其曰皇
后服常服乘肩輿侍衛如常儀至主人第次前降輿尚儀前引
詣坐俟時至皇后釋常服服素服訖尚儀詣次前俛伏跪奏具
臣某姓名言請皇后為祖父某官封薨成服祖母曰祖妣某夫
人某氏餘喪各隨
所稱奏訖俛伏興又躬奏請舉哭十五舉音又躬奏請可止皇
后哭止贊者引內命婦詣次前奉慰次引外命婦牋慰訖皇后

釋素服服常服乘肩輿還內如常儀

中宮遣使弔諸王以下喪儀

以內給事一人為使者前期所司於主人第大門外設使者至
贊者引之次內外繚服贊者引主人以下降立哭於東階下婦
人升立哭於殯所使者常服出次立於門外之西東向史二人
以案奉令書立於其右贊者引主人去杖免經出中門止哭於
大門外迎見使者訖先入立於庭下北面史捧令書案前行贊
者引使者從入內外止哭使者入門而左立於階間南面史以
案進贊者贊使者搢笏取令書執笏加于書於案上史以案退
使者少進於主人前稱有令弔贊者曰拜主人舉哭再拜稽顙
內外皆哭贊者引主人進詣使者前跪受令書興復位贊者引

使者歸次主人以令書授左右舉哭再拜送使者于大門外使
者還贊者引主人杖哭而入升堂取令書奠于柩前

政和五禮新儀卷第二百三十二

政和五禮新儀卷第二百三十三

凶禮

東宮為諸王以下喪舉哀儀

東宮為臨奠諸王以下喪儀

東宮遣使弔諸王以下喪儀

東宮遣使奠諸王以下喪儀

東宮為諸王以下喪舉哀儀

訃至命太史擇日舉哀前一日所司於舉哀所設次周以簾帷
其日皇太子常服就次侍衛如常至次南向坐俟時至釋常
服服素服禮直官引左庶子當次俛伏跪曰具官姓名言請皇
太子為某官封某薨舉哀

婦人稱某人某
氏餘各隨所稱

言訖俛伏興又躬曰

請皇太子舉哀十五舉音又躬請可止皇太子哭止禮直官引
右庶子退西向立宮官以下奉慰訖
皇太子釋常服素服常服還如儀

東宮臨奠諸王以下喪儀

訃至命太史擇日臨奠前一日有司於主人之第廳西設

皇太子次其日質明皇太子服常服以出侍衛如常將至主人
以下纓服去經杖出中門止哭迎於大門再拜退先入立於門
右皇太子至廳前就次主人升立哭於柩東婦人立哭於柩西
婦人隔帷贊者以內引 皇太子出次步至靈座前三上香三奠
酒主人進詣 皇太子前跪哭 皇太子撫慰訖主人以下皆
再拜退 皇太子出就次還宮如儀

東宮遣使弔諸王以下喪

前期所司於主人第大門外設使者次使者至贊者引之次內
外纓服贊者引主人以下降立哭於東階下婦人升立哭於柩
所使者常服出次於門外西向史二人以案奉令書立於其右
贊者引人去杖出中門止哭於大門外迎見使者先入立於庭
下北向史令書案前行贊者引使者從入內外哭止使者入門
詣庭下相向立史以案進贊者贊使者搢笏取令書執笏加於
令書於笏上史以案退使者少進於受弔者前稱有令弔主人
舉哭再拜稽顙內外皆哭贊者引主人進詣使者前跪受令書
興復位贊者引使者歸次主人以令書授左右舉哭出中門哭
止拜送使者於大門外使者還贊者引主人杖哭而入升堂取

令書奠於柩前

東宮遣使奠諸王以下喪

前期所司於主人之第大門外設使者次使者至贊者引之次
內外繯服贊者引主人以下降立哭於東階下婦人升立哭於
堂上柩之右使者常服立於大門外從者陳饌於柩前贊者引
主人去杖出中門止哭於大門外迎見使者訖先入立於門右
贊者引使者入內外哭止使者升自東階立於柩前之右贊者
引主人升自西階立當使者前使者以醴奠酒訖曰某官封謚
將歸幽宅令使某奠有祭文則贊者宣讀主人降詣階間舉哭再拜稽顙
內外俱哭主人退哭於東階下贊者引使者出從者從至主人
止哭拜送使者於大門外使者還主人杖哭而入

政和五禮新儀卷第二百三十三

政和五禮新儀卷第二百三十四

凶禮

東宮妃為祖父母以下喪舉哀儀

東宮妃為外祖父母喪成服儀

東宮妃為外祖父母喪舉哀儀

訃至擇日舉喪前一日所司於舉哀所設次周以簾帷其日皇

太子妃服常服就次侍衛如常至次南向坐俟時至釋常服服

素服尚儀以內臣攝下同詣次前跪曰請皇太子妃為外祖父某官

封薨舉哀或稱卒外祖母曰外祖妣某人某氏餘皆依所稱言訖俛伏興又躬曰請舉

哭皇太子妃舉哭十五舉音又躬曰可止皇太子妃哭止

尚儀退西向立贊者以內臣攝下同引東宮命婦詣次前奉慰訖

皇太子妃釋素服常服還東宮如儀

東宮妃為祖父母喪成服儀

訃至擇日成服前一日所司於主人正寢東階下設皇太子妃次周以簾帷中門內設東宮內命婦次其日皇太子妃服常服侍衛如常至主人第廳前降車贊者前引詣次西向坐俟時至皇太子妃釋常服服素服尚儀詣次前跪曰請皇太子妃為祖父某官封薨成服或稱卒祖母曰祖妣某封某氏父母隨所稱言訖俛伏興又躬曰請舉哭皇太子妃舉哭十五舉音又躬曰可止皇太子妃哭尚儀退西向立贊者引東宮內命婦奉慰訖皇太子妃釋素服常服還東宮如儀

政和五禮新儀卷第二百三十四

政和五禮新儀卷第二百三十五

凶禮

品官喪儀上

初終

小歛

大歛

成服

吊賻

啓殯

葬

祭后土

虞

小祥

大祥

禫

祔

聞喪

奔喪

三殤

改葬

初終

自有疾至襲

有疾者齋於正寢東首北墉下養者皆公服齋徹樂藥先嘗之

疾困去故衣加新衣清掃內外分禱所祀侍者四人坐持手足
內喪以婦人充遣言則書之屬纊以候氣絕廢牀寢於地主人啼餘皆

哭男子以白布衣披髮徒跣婦人青纁衣披髮不徒跣女子亦
然父為長子為人後者為某本生父母皆素冠不徒跣女子子嫁者鑿齊衰期以下又夫素中婦

人去首飾主人坐於牀東餘在其後蹄踊無筭兄弟之子以下
又在其後俱西面南上妻坐於牀西妾及女子在其後哭踊無

筭兄弟之女以下又在其後俱東面南上藉藁坐哭內外之際
隔以行帷祖父以下於帷東北壁下南面西上祖母以下於帷

西北壁下南面東上外姻丈夫於戶外之東北面西上婦人于
主婦西南北面東上皆舒坐哭

若舍室則宗親丈夫在戶外之東西東上則內喪則尊行丈夫外親丈夫席位於前堂若戶外之左右俱南面宗親戶東西上外親戶西東上九喪

位皆以服精麗為序復於正寢復者三人大品以下二人婦人皆視其夫

常服以死者之上服左荷之深自前東榮當屋履危危屋棟也北

面西上左執領右執腰招以左每招曰舉其後三呼而止丈夫皆伯仲婦人皆稱姓投衣於前受以箱升自東階入以覆尸復者降自後

西榮復衣不以襲斂浴則設牀第於室戶內之西去脚舒篋設枕施幄去裙遷尸於床南首覆用夷衾大斂時所用之衾也黃衣素裏下同去死

衣疾困所加新衣即牀而奠贊者以脯醢酒用吉器外自東階設於尸東當隅內喪皆內贊者行事受于戶外入而設之既奠贊者降出帷堂掌事者掘次

於階前少西廣赤深三尺長二尺為塊竈于西墻下東向以俟煮沐塊竈掘土為之新盆盤瓶鬲皆灌之陳於西階下盆以承水盤以承濡濯瓶以汲鬲瓦甕一品六品以上四九品以上沐巾一浴巾二用絺若浴沐衣各定以篋六品以下無篋以箱

皆具於西序下南上陳襲事於房中襲衣三稱西領南上一公服

常服二稱皆寔以箱承以席明衣裳履襪具掩練帛一房尺八寸

几陳衣如之六品以下以稱掩裏充耳用白纁幘目用緇絰裏方赤二寸組繫幘目面衣也組繫可結下同

握手用緇纁裏長尺二寸廣五寸著組繫將沐掌事者浙稷米

六品以下用取燔煮之又汲為湯以俟浴以盆承潘及沐盤升

自西階以授沐者以待者四人為之六沐者執潘及盤入主人

以下皆出戶外北面西上俱立哭丈夫在東婦人在西乃沐櫛東

髮用組浴則四人抗衾二人格式用巾招用浴衣襦濯棄衣坎

設牀于原衽下莞上簟浴者舉尸易牀設枕前鬢斷瓜盛以小

囊大斂內於棺著明衣裳以方巾覆面仍以大斂之衾覆之主

人以下入就位哭乃唈贊者奉盤水及筭筭竹器也飯用稷唈用璧

升堂六品以下唈者六品以下主盥手於戶外贊者沃盥唈者洗

稷壁梁具寔於筭執以入贊者從入北面徹枕奠筭於戶東唈

者坐於牀東西面發中寔飯唈於尸口訖主人復位位在戶東

襲者以牀升入沒於尸東布枕席如初執服者陳襲衣於席遷

尸於席上面衣之凡衣死者祝去巾加面衣設先耳著握手納

履右舄覆以夷衾內外皆就位哭如初諸尊者于卑幼之喪及嫂

間非有事則休設銘以絳廣充幅四品以下輜扛扛銘竿也其長視

于別室尺六品以上長八尺九尺書云某官封之柩婦人視其夫有官封則曰某

品以上長七尺為重以木刊鑿長八尺槎者半之互品以下

曰某妣或妻某氏之柩置於中庭參分庭一在南長事者以沐之米為粥寔

于二鬲鬲各視其數

帛用疏布繫以竹篋垂於重覆用葦席北向屈

五禮通考

卷

兩端交於後兩端在上綴以竹篋祝取銘置於重又於殯堂前
楹下加以葦蓆簾門以布又設葦障於庭厥明乃斂凡言贊者皆以常使臨時隨所居之向謹之

小斂

小斂之禮以喪之明日夙興陳斂衣九稱謂朝服公服各為一稱餘皆常服不足各

隨所辨

於東房西領南向非正色不入締紵不入饌於東堂階

下隨宜設禮饌器皆以素下依此具林席於堂面斂者盥訖執服者以斂衣入

主人以下少退西面主婦以下少退東面內外俱哭斂者斂訖

覆以夷衾設林於南楹間經衽寢卧之席也下莞上簟設枕卒斂開帷

服裳之惟事畢則方之主人以下西面憑哭踊無筭主婦以下東面憑亦

如之男子括髮裹中帕頭六品以下婦人括髮而髻斂者舉尸

男女從奉之遷於堂覆以夷衾哭位如室中踊無筭贊者手奉
饌至階升奠於尸東徹藁奠自西階降出下帷內外俱坐以親
踈為之代哭宵有為燎於庭厥明滅燎乃大斂

大斂

大斂之禮以小斂之明日夙興陳衣於東序十稱服朝公服各一稱餘皆常

服不足者隨所稱西領南上內喪則具花釵饌于堂東階下如初掘殯

坎於西階之上棺入內外哭止升棺於殯所反炭枕席之屬升皆預設于棺內

訖內外皆哭焚黍稷六箱皆如魚腊燭俟於饌東贊者徹小斂

之饌降出乃適新饌所斂者盥訖興執服者斂衣入內外皆少

退立哭斂者斂訖覆以夷衾卒斂開帷主人以下憑哭如初退

復位諸親以次憑哭斂者四人舉林男女從奉之奉尸斂於棺

乃蓋加覆以夷衾內外皆復位如初設髮首足各一箱傍各二箱以木覆棺上乃塗卒塗乃設帟於殯上祝取銘置於殯贊者盥手以饌升入室西面設於殯前降出下帷內外皆就位哭如初既殯設靈座于下室西間東向下室謂燕寢無下室者設靈座于殯六品以下止設于殯東施牀案屏幃服飾以時上飲膳及湯沐如平生大功以下異門者各歸其家

成服

三日成服除死之日為三日

前一日掌者事先為廬次於殯堂東廊下近南北向戶設苫由於內諸子各一廬五品已上廬皆營之期親於廬南累鑿為室俱北戶前滿為蓆不緣大功於室之南張葦席以蒲婦人次於西房若殯堂無房者次於後或別室其日夙興內外皆哭盡哀降就次服

纓服無服者素服贊者引主人以下俱杖

童子婦人不杖不居廬不著菲履若嫡子

雖童亦杖不能自杖人代執之

升立哭於殯東西面南上婦人升詣殯西東面

南上期親以下各就位

若殯逼西壁婦人皆位于殯北南面東上尊行者坐

內外皆哭盡

哀諸子孫就祖父諸父跪哭皆無哭盡哀就祖母諸母前哭亦如之女子就祖母及諸母前哭遂就祖父諸父前哭如男子之儀唯不撫主婦以下就伯叔母哭亦如之訖乃復位諸尊者降出還次主人以下降立於東階下外姻在南俱西面北上哭盡哀各還次闔戶既成服大功以下異門者各歸其家主人及諸子妻妾女子之哭于其次晝夜無時父母之喪居倚廬寢苦枕沐身有瘍則浴有疾則飲酒食肉疾止覆諸尊及婦人諸親男女之喪有事則哭于殯所若無事有時須哭者或在正寢則於

北壁下舒席南面坐哭親故弔贈如別儀每日先具朝奠於東階下隨宜設內外夙興各纁服應杖者皆杖下男子升詣殯東

婦人升於殯西內外皆就位哭凡朝夕哭質明掌事者升自東

階徹宿奠降出乃以朝奠入升自東階設於殯前如初乃出日

出少頃內外俱止哭還次至夕內外俱就位哭徹朝奠進夕奠

如初日出後少頃止哭還次哭者闔戶主人自下哭自於次如

初自至是啓殯朝夕如之五品以下若遇朔望則具盛奠比朝奠

品物卷衆如朝奠之儀不饋于下室至夕則徹之奠如常禮六

品以下則百日乃卒哭其日夙興掌事者具饌于堂東內外夙

興各纁服贊者引主人以下俱杖升立哭于靈座東面南上婦

人升詣靈座西東面南上內外俱就位哭贊者升自東階入徹

夕奠出如初掌饌者以饌升於設靈座前如初贊者引主人降

自西階為初獻盥手訖主人以下長為初獻次為亞終獻闔則以

進詣靈座前以醑跪奠酒俛伏興少退西向立祝入立於靈座

南北面內外哭止祝跪讀祝文曰唯某年某月某朔日辰孤子

某母喪曰哀敢昭告於考某官封妣云妣某人某氏未有封日月

不居奄及卒哭叩地號天五情糜潰謹以清酌庶羞之哀薦成

事於考某官封尚饗祝興主人哭再拜退復位次引亞獻盥手

奠酒如初不讀次引終獻亦如之內外皆再拜哭盡哀各還次

闔戶自卒哭之後朝一哭夕一哭乃諱名

政和五禮新儀卷第二百三十五

政和五禮新儀卷第二百三十六

凶禮

品官喪儀中

吊賻

吊者至掌事者引之次素服

若主人未成服
吊者不變服

贊者入告内外纒

服贊者引主人以下立哭於東階下婦人升哭于殯西吊者入

立於庭北面西上為首者進當主人前云如何不淑主人哭再

拜稽顙為首者復位吊者俱哭十餘聲乃出少頃主人以下各

還次若哭殯内外俱升就殯堂尊者

若殯嫡体賓初入則起
賓坐亦坐賓起亦起

内

外俱哭贊者引吊者入升堂立於殯東西向南上尊者坐哭盡

哀乃出卑者再拜訖乃就主人前慰訖贊者引以次出

思深者
賓拜訖

人哭少頃還次如初賓客已吊而重來者主人哭而見其去若盡哀也盡哭之未葬必備纓經而后見遺使致賻使者至立於大門外之西東面從者以箱奉元纁束帛立於使者之側凡賻通以貨財不贊者入告主人立哭贊者引使者入立於門內之西東面從者以箱授使者主人哭立使限以元纁束帛者奉箱少進東面曰某封某官使某賻主人哭再拜使者又少進坐委之興復位掌事者進坐舉之興以東使者出主人拜送若使者致物不以器掌事者受之不委于地餘賻物則從去執之立于使者之側掌事者授之以束藏之

啓殯

墓兆葬日皆前期擇之葬有期前一日之夕掌事者除葦障備饌於東階下如大歛設饌次於大門外之右南向内外夕哭如常儀啓之日夙興内外纓服主人及諸子去冠經以表中帕

頭皆升就位哭尊行者坐祝纓服執功布長五尺升自西階詣殯南北向止哭祝三聲噫嘻乃曰謹以吉辰啓殯既告内外皆哭盡哀各還次祝與執饌者升徹宿奠如常祝取銘旌置於重北建之掌事者升徹殯塗訖設席於柩東升柩于席上祝以功布拂柩覆以夷衾降出設帷東面開戶贊者引主人以下升哭於帷東西面妻妾女子以下哭於帷西東向俱南上祖父以下帷東北壁下南面西上祖母以下帷西北壁下南面東上外姻丈夫帷東北面西上婦人帷西北面東上尊者坐掌帷饌者以饌升設於柩前降出祝以酒奠之主人以下哭踊無筭内外俱哭於位如未成服之禮以親疎若親殯致奠于主人啓殯之儀諸奠者以代哭晝夜不絕聲謂卑幼者有祭饌陳於前贊者入告內次立於寢門之外東向故則遣使

外卑者皆興立哭於位執饌者以饌升設訖降出贊者引奠以次又詣柩前西向面南上為首者進以醴跪奠酒俛伏興少退內外哭止奠者曰某位伯叔各從官爵稱之將歸幽宅謹奉奠若異姓各遣使者云某封若某姓名開某封若某官將歸幽宅使某奉辭奠畢應拜者皆再拜內外皆哭主人再拜稽顙奠者哭盡哀乃出掌事者以次徹饌西退既奠乃告贈亦於柩或贈或蓋皆告則無不告主人升立於饌東西面祝持贈文升自東階進立於柩東南北面內哭止祝少進跪讀文訖興主人哭拜稽顙祝進跪奠之於柩東興降出內外哭盡哀復位哭如初

葬

啓之日掌事者納輜車於大門內當門南向設靈車於右內外

所乘之車陳於大門外丈夫之東門西婦人于東先於宿所張吉凶帷凶帷西吉帷東俱南向設靈座於吉帷下如常儀啓之夕未發前五刺繫鼓為節陳布吉凶儀杖方相四品以上為方相器金四同無下同皆深青衣誌名九品以下無大棺車及明器以下陳於柩車前朱裳執戈揚盾前紼授鐸紼引輜車索也披者繫於輜車四直在旁執之以備傾覆諸持紼披翼者皆布帙布深衣挽歌者白練帙白練帙白練襦衣執紼鐸二刻再擊鼓為節掌饌者徹啓奠以出內外俱興立哭於位執拂者皆入掌事者徹帷持翼者俱升以翼幃柩執紼乃升執鐸者入吏西階立執纛者入當西階南北面立七品以下無纛下同掌事者取重出侍于門外之東執旌者立於執纛者南北向諸執旌者皆布深衣介幘若無陳布訖三擊鼓為節乃引靈車於內門外南向祝詣靈座前西向跪昭告曰

孤子某哀子謹用告辰奉歸先兆若新卜宅云靈車就引神道

紆迴唯以荒蓼無任鯁絕興少立頃執鐸者俱振鐸引柩降階

間南向加披拂持翼者常以翼幃柩降階執纛者却行而引上

則迴北面立執旌者繼纛而上止則北向立無纛者則主人以下

以次從柩哭而降主婦以下又次之柩至庭主人及諸子以下於

柩東西南面上祖父以下於東北南面西上異姓丈夫於主人東

南西面北上妻妾女子子以下於柩西東面南上祖母以下於西

北南面東上異姓婦人於主婦西南東面北上皆立哭內外之際

幃以行幃庭位既定祝師執饌者設祖奠於柩東如盛奠之祝以

酒奠訖詣饌南北面跪曰永遷之禮靈辰不留謹奉旋車式遵

祖道尚饗興少頃徹之若致贈賓立於大門外西從者以箱奉

元纁束帛立於賓側贊者入告乃引賓入當柩車東南北面從

者以箱授賓退內外哭止賓曰某謚封君某位將歸幽宅敢致

賵辭畢皆哭內外皆哭主人拜稽顙賓止哭進奠幣於柩前以

西而出主人拜稽顙送之初賓出掌事者于柩柩動旌先之纛次

之主人以下從哭於柩後婦人次之柩至輜車輜車載柩執紼

者解紼属于輜車設帷障於柩後執紼者如常去靈車送升

柩於輜車上內外哭位如初在庭之儀乃設遣奠于柩車前如

祖奠之儀祝奠酒訖少頃徹饌靈車動從者如常若二品以上

設鹵簿鼓吹儀仗于靈車之前三品止陳鹵簿無鼓吹靈車後

方相車無方相設次誌石車九品次大棺車誌石與大棺若先

次明器輿次下帳輿次米輿次酒脯醢輿次食輿皆布幘深衣

次銘旌次纛次鐸分左次挽歌次輜車主人及諸子俱經杖線

服先者哀中如經徒跣哭從餘各衣服精粗為序從哭出門內外尊行

者皆乘車馬哭不絕聲出郭門若親賓還者權停柩車乘者皆

下立哭贊者引親賓以次俱向柩立哭盡哀早者再拜而退婦

人亦如之親賓既還乘車馬如初老墓遠及病不堪步者出郭生

靈車至帷門外謂吉迴南向遂薦食於靈座前若食頃徹之每

庭宿之所室設靈座柩車至入凶帷停於西廂南向祝設几席于

薦食柩車之東初至宿次內外皆就柩車所分東西如常立哭几停

宿薦酒脯之奠於柩東如朝夕之儀既設奠內外各就位送哭

不絕聲將至乘車者早行見墻墳而下行及塋而下以序哭靈車

而至帷門外掌事者先於墓門內道西迴車南向遂設酒脯之奠

帷幕設靈座如初

柩車至廣前迴南向哭位如在庭之儀掌事者陳明器於殯東

南西面北上設靈車於柩車之後張帷下柩於靈車無靈車者

上用席

丈夫柩東婦人柩西以次憑哭盡哀各退復位內外哭早者哭

再拜辭訣贊者引主人以下哭於羨道東西南北上妻及女子

子以下哭於羨道西東面北上踊無筭嬪人皆障以行帷掌事

者施席於壙內雨遂下壙于壙內席上北首覆以夷衾持筭者入

倚筭於壙內西廂遂以下帳張於柩東南向米酒脯陳於帳東

北食器設於帳前醢醢於食器南籍於版明器設于壙內左右

掌事者以元纁束帛授主人主人授祝祝奉以入奠於靈座主

人拜稽顙施名族誌石于壙內置設訖於戶設閔籥遂復土三主

人以下稽顙哭盡哀內外俱就靈所哭乃祭后土具別儀饌者

徹酒脯之奠設靈車於帷外陳布知如來儀少頃靈車發行內
外從哭如初出墓門尊行者乘車馬去墓百步許卑者乃乘靈
車至宅內外乘者皆下靈車入自西階迴南向少頃靈車退至
主人以下升立哭於靈座東西面南上內外以升祖父以下哭
於帷東南面西上妻及女子子以下哭于靈西東面南上祖母
以下哭於帷西南面東上外姻丈夫帷東北面西上婦人帷西
北面東上親賓吊如初吊於庭者稱痛當奈何哭盡哀主人以
下各還次沐浴事虞

祭后土

掌事者先於墓右除地為祭所柩車至祝告服鋪后土神席於
北方南向饌者備饌于其側既復土告者吉服親賓為贊者引

告者及祝俱立于神位東南立定俱再拜贊者白告者請行事
掌饌者以饌入設于席位乃出贊者引告者盥手詣神席前以
醢跪奠酒俛伏興少退北向立祝于神席右西向跪讀祝文曰
維某年某月某朔日辰某官某姓名敢昭告于后土之神某官
封謚定茲幽宅神其保佑俾無後艱謹以清酌庶羞明薦于后
土之神尚享訖興告者再拜贊者引告者退復位俱再拜以次
出乃徹饌席

政和五禮新儀卷第二百三十六

政和五禮新儀卷第二百三十七

凶禮

品官喪儀下

虞

柩既入壙掌事者先歸修虞事具既饌於堂東靈車將至掌事者

先施靈座於寢堂室內戶西東向於靈座東南北設帷出戶

若室側則設靈座于堂既沐浴主人以下内外升詣靈所主人及諸子倚

杖于堂戶外内外皆哭掌饌者以饌入陳于堂靈座前降出贊

者請坐人止哭盥手進詣靈座前以盞跪奠酒俛伏興少退西

向立内外哭止祝進于靈座之右跪讀祝文曰惟某年某月某

日辰孤子母曰某敢昭告于某考了官封謚日月遄速奄及反

虞叩地號天五情糜潰謹以清酌庶羞哀薦禘事於考某官封
謚尚享祝興主人哭再拜主人退復位次引亞獻終獻皆如之
不讀祝文內外哭盡哀主人以下出杖降自西階就次妻妾女子各
還別室少頃徹饌闔戶降出乃埋重於門外道左三品以上七虞
五品以上五虞
九品以上三虞如初虞之禮皆以柔日祝
辭終虞曰哀薦成事餘皆曰哀薦虞事卒哭掌事者改廬剪屏柱
楣塗廬不塗見面裏則塗外不塗剪蒲為席不緣以木為枕

小祥

前一日之夕毀廬為堊室設蒲席周喪堊室者除之設地席陳
練冠於次主人及諸子俱浴柳爪剪具饌如盛奠其曰夙興祝
先入室整拂几筵以出內外練服主人倚杖於階杖于階東俱
升就位應祥者在復立哭盡哀贊者引主人杖就次主婦以下各就次

主人及諸子降首經著練冠妻妾女子子除腰經周服者除之
丈夫素服吉冠履婦人素服吉冠履贊者引主人及諸子倚杖
如初內外俱升就位哭饌掌者以饌入升自東階設如初贊者
引主人盥手及奠酒如初就進立于靈座右北面內外皆止哭
祝跪讀祝文曰維某年某月某日朔辰孤子某母曰敢昭告於
哀子
考某官封謚歲月驚迫奄及小祥攀慕永遠重增屠裂謹以清
酌庶羞祇薦禘事于考某官封謚尚享祝興主人拜退復位次
引亞獻終獻如虞祭之儀內外再拜哭盡哀贊者引主人杖降
自西階就次內外皆出少頃徹饌闔戶降出自小祥之後止朝
夕之哭無時哀至則哀始食菜菓餅素食

大祥

前一日之夕除室張帷備內外大祥之服于次主人及諸子沐浴具饌如初其日夙興祝先入拂几筵降出內外素服主人以下於哭盡哀止掌事者設饌如初內外俱就位哭贊者引主人盥手奠酒如初祝於靈座右跪讀祝文曰維年月日朔辰孤子某母曰敢昭告于考某官封謚日月逢邁奄及大祥攀慕永遠無任荒踣謹以清酌庶羞祇薦祥事於考某官封謚尚享餘皆如小祥之儀主人以下還外寢妻妾女子以下還于寢掌事者除靈座自大祥之後外無哭者間月而禫

禫

祭前一日之夕掌事者先備內外禫服各陳于別所主人及諸子俱沐浴具饌如初其日夙興祝又設几筵于奠主人及諸子

妻妾女子仍祥服內外俱升就位哭盡哀降釋祥服服禫服復升就位哭設饌如初贊者引主人盥手奠酒如初祝進立於靈座右止哭跪祝讀祝文曰維某年月朔日辰孤子某母曰敢昭告於考某官封謚譚制有期追遠無及謹以清酌庶羞祇薦禫事於考某官封謚尚享餘如故大祥之儀贊者引主人以下出降自東階還寢祝收几筵以出自禫之後內無哭者擇日乃禫如別儀凡父母之喪周而葬者則以葬之後月小祥大祥取再周之禮禫亦如之若再周而後葬者則以葬之後月像又后為大祥祥而即吉無復禫矣其未再固葬則以二十五日陳二十六日祥二十七日禫若再周而未葬則俟已葬而后除服之也

禫

將禫乃擇日以柔前期三日主人及亞獻終獻諸執事謂祝及贊者之類俱散齋二日致齋一日前一日之夕掌事者清掃廟之內外

無廟者止
寢之內外設祖考之座於廟
無廟者于正寢或五位或三位或二位皆臨時視品秩設之尊者東向餘南以北相向祭二世者正為南北位而已若祔妣則設祖妣及妣之卜坐位數如之更不設祖考位其有考妣同祔則皆設之下依此

設三獻位于東階東南皆西向諸子孫位于庭北向西上其日夙興掌饌者俱饌于階下主人以下入就位贊者曰再拜在位者皆再拜掌饌者以饌升各陳於座前設訖降出贊者引初盥手升自東階進詣東向位前以醴跪奠酒俛伏興又引詣次者位奠酒如初再詣東向位前西立祝進以神座之右跪讀祝文曰維年月朔日臣某孫某官封某各隨其官爵稱之敢昭告於某祖某官封謚無官封謚者云某祖之靈謹以清酌庶羞祇薦於某祖某官封謚某妣某人某氏配餘依此例妣某人某氏若同祔則如上儀皆言尚享祝興主人再拜若母先亡則云妣某人某氏配若祔妣則云某祖妣某人某氏配祔母止而父在更不祔正為他室以祭之也

興降出贊者引主人詣諸座前各再拜乃復位次引亞獻盥手諸詣坐前奠酒再拜如初不讀祝文復位引終獻亦如之復位贊者曰再拜在位皆再拜贊者引主人以下出掌饌者徹饌別薦酒脯之奠少頃徹之

聞喪

諸聞喪舉哀者於聞喪所哭盡哀問故又哭盡哀改服素服子妻妾女子俱搜髮披三百成服廬堊室苦凶薦席變除之節皆如在家之禮惟不設奠祭若除喪而後歸則之墓諸子以下素服待於墓東西向婦人待於墓西東向俱北上歸者素服至於墓南北面哭盡哀再拜又哭盡哀再拜於家不哭喪自外至者小斂而反則子素服裹中帕頭徒跣哭從大斂亦如之若先遭重

喪後遭輕喪皆為制服往哭則服之反則如初有殯聞遠兄弟之喪哭之他室無他室哭於門內之右

奔喪

奔喪之禮如聞親喪以哭答使者盡哀聞故又哭反盡哀服布深衣素冠遂行父母之喪見星而舍若未得奔則成服而後行至家內外哭待於堂上奔喪者入門而左升自西階殯東西面憑哭盡哀少退再拜退於序東披髮復位坐哭又盡哀尊卑撫哭如常訖內外各還次奔喪者乃還如未成服者三日成若至在與主人俱成服小飲以後自日用日數賓吊拜賓如常奔喪者非主人則主人為之拜賓不及殯則先之墓北面近墓哭主人以下哭待於墓左西面主婦以下于墓右東面皆北上奔喪者盡哀再拜又於墓東

披髮復位哭盡哀贊者告禮畢奔命者又再拜遂冠而歸入門而左升自西階靈泉而向憑靈哭主人以下升哭如常盡哀再拜各還次三日成服婦人奔喪人自閨門升自西階側殯西東不及殯則披髮于墓西亦皆如男子之儀

三殤

三殤之喪始死浴襲大小飲及葬送哭泣之位與成人同不復無哈辨而葬一虞乃除之其虞祝辭云維年月某朔日辰父告於子某兄亡兄告弟某弟某昭告某日月易往奄及反虞悲念相續心焉如燬兄云悲恸恨至情何可處弟云哀痛無已五情可割今以弟祭兄弟祭兄清酌庶羞薦虞事於子某魂其享之弟祭兄嫡殤者時享皆祔食將改

改葬凡有改葬者皆具事目聞於官勘驗得寔驗之

將改葬先於墓所隨地之宜張白布帷墓南向開戶其日內外諸親皆至墓所各使就次主人以下及妻妾女子俱總麻服周親以下素服大丈夫於墓東西向婦人於墓西東向人障以行帷俱立哭盡哀畢者再拜立於羨道南北向內外哭止祝三聲噫嘻啓以改葬之故內外又哭盡哀權就別所掌事者聞墳訖置於席上內外俱從哭於幕所分東西位如常儀祝以功布拭棺掌饌者設饌餘柩南主人盥手以醴跪奠酒再拜訖少頃徹奠進柩車於帷門外南向升柩于車遂詣幕所內外俱哭掌事者先設牀于墓下有枕蓆周設幃柩車至帷門外丈夫柩東婦人柩西俱立哭掌事者舉柩入設牀柩東舉戶出置於牀南道遂歛如大歛之儀如明衣裳不殯也乃設靈座于吉帷內幕下西廂東

向施牀帷屏服飾以時上飲膳反沐如平生也乃葬將引柩告曰以今告辰用即宅兆不設祖奠無反哭無方相魁頭餘如常葬之儀既奠就告帷靈座前一虞虞如常儀其祝辭云維某年月朔日辰孝子某敢昭告於考某官封謚改遷幽宅禮畢終虞夙興夜匪寧啼號因極謹以清酌庶羞祇薦虞事於考某官封謚尚享既虞主人以下出別所釋總服及素服而還掌饌者徹饌掌事者徹靈座

政和五禮新儀卷第二百二十七

政和五禮新儀卷第二百二十八

凶禮

庶人喪儀上

初終

小斂

大斂

成服

吊賻

啓殯

葬

祭后土

五禮新儀卷第二百二十八

五禮新儀卷第二百二十七

虞

小祥

大祥

禫

聞喪

奔喪

三賜

改葬

初終

自有疾至襲

有疾者齋于正寢東首北上墉下養者齋徹樂飲藥先嘗之疾困去故衣加新衣加清掃內外分禱所祝使人坐待手足內喪使掃

入遣言則書之屬纊以候氣氣絕廢牀寢於地主人啼餘皆哭

男子易以白布衣披髮徒跣婦人青縑衣不披髮徒跣女子子

亦然父為長子為人後者為其本生父母皆素冠不徒跣女子子嫁者髮期親以下丈夫素中婦

人去首飾主人坐于牀東餘次之啼踊無筭兄弟之子以下又

在其後俱西面南上妻坐於牀西妾及女子子次之哭踊無筭

兄弟之女以下又在其後俱東面南上籍彙坐哭內外之際隔

以行帷宗親尊行丈夫於帷東北壁下南面西上婦人於帷西

北壁下南面西上外姻丈夫於戶外之東北面西上婦人于主

婦西南北面東上皆坐席而哭凡喪位皆以服精粗為序復于

正寢復者一人於死者之上服左荷之升自前東榮當屋履危

北面西上左執領右執腰招以左每招曰臯其復三呼而上稱名

婦人投衣於前受以箱升自東階入以覆履者降自後西榮復

衣不以襲斂浴則去之設牀於室戶內之西去脚舒簟設枕遷

尸於牀南首覆用夷衾大斂時所用之衾去死衣疾困所加新衣即牀

而奠贊者以親或所使者為之以醢醢酒用吉器升自東階設于尸東當

隅內喪皆內贊者行事既奠贊者降出帷堂掌事掘坎于階門少

西坎深三尺為俛窳於西墻下東向以沐煮沐掘土為窳新盆槃餅皆

濯陳于西階下中二皆用布櫛及浴衣各寔于箱皆具于室西

南上陳襲事于房中襲衣一稱西領南上明衣裳履襪具掩練

帛一方尺八寸掩衣首也充耳用白纒面衣緇絰裏方尺二寸握手

緇纒裏長尺二寸廣五寸將沐掌事浙梁米取潘煮之又汲為

湯以俟浴以盆承潘及沐盤升自西以授沐者沐及浴皆二枕

沐者受沐主人以下皆出戶外北面西上俱立哭丈夫在東

權陳乃沐櫛櫛用巾相用浴衣束髮用組濡濯棄於坎設牀於

尸東以帷衽下莞上簟浴者舉尸易牀設枕翦鬢斷爪盛以小囊大

斂內於棺著明衣裳以方巾覆面仍以大斂之衾覆之主以人

下入就位哭乃哈贊者舉奉盤以及筭飯用梁哈用具升堂主

人出盥手於戶外洗梁具寔以筭執以人徹枕奠筭於尸東主

人坐於牀東西面發中寔飯哈於尸口訖主人復位襲者以牀

升入設於尸東布枕席如初執服者陳襲于席遷尸於席上而

衣之左衽襲者去巾加面衣設充耳著握手覆以夷衾內外哭

如初諸尊者于甲幼之喪及嫂叔兄弟設銘於西階下銘以

充幅婦哭朝脯之間非有事休于別室為重置於庭殿明乃小斂

云某人之柩

小歛

小歛之禮以喪之明日夙興陳歛衣一稱於東房西鎮南上饌於堂東階下隨宜設醴饌器皆以素下同具牀于堂西歛盥執服者以歛衣入主人以下少退西面主婦以下少退東面內外俱哭歛者歛訖覆以夷衾設牀於西楹間社如初設枕卒歛開帷帷堂之帷事卑則下之主人以下西面憑踊無筭主婦以下東面憑亦如之男子襄中束髮婦人束髮而髮歛者舉尸男女從奉之遷於堂覆以夷衾哭位如室中踊無筭贊者奉饌至階升奠于尸東徹襲奠自西階降出下帷內外俱坐以親踈為之代哭宵為燎于庭厥明滅燎乃大歛

大歛

大歛之禮以小歛之明日夙興陳衣三稱於東序西鎮南上饌於堂東階下如小掘殯坎於西階之上棺入內外哭止升棺於殯所灰炭枕席之屬皆預設于棺內升訖內外皆哭焚黍稷二箱加魚醋燭俟於饌東贊者徹小歛之饌降出乃適新饌所歛者盥訖與執服者以歛衣入內外皆少退立哭歛者歛訖覆以夷衾卒歛開帷主人以下憑哭歛者四人舉牀男女從奉之奉尸歛于棺乃加蓋覆以夷衾內外皆復位如初設齎穀首足各一箱以木覆棺上以塗卒塗乃訖帶贊者以饌入設於殯前降出下帷內外皆就位哭如初既殯設靈座於殯東施牀案屏幃以時上飲食及湯沐如平生大功以下異門者各歸其家

成服

前一日掌事者先為廬次於殯堂東廊下近南北戶設苦凶子諸

各一廬婦人次於西房若殯堂無房者次於後或別室其日夙興

內外皆哭盡哀降就次服纓無服者素服贊者引主人以下俱

杖童子婦人不杖不居廬不著非履若升立哭于殯東西面南上

婦人殯西東面南上期親以下各就位若殯逼西壁婦人皆殯

內外皆哭盡哀諸子孫就祖父及諸父前跪哭皆撫哭盡哀就

祖母及諸母前哭亦如之女子子就祖母及諸母前哭遂就祖

父及諸父前哭如男子之儀唯不撫主婦以下就伯叔母哭亦

如之訖乃復位詣尊者降出還次主人以下降立於東階下外

姻在南俱西南北上哭盡哀還次闔戶既自成服期親以下各歸

其家主人及諸子妻妾女子子哭於其次晝夜無時父母之喪

居倚廬寢

苦枕函寢不脫中帶有瘡則浴身有諸尊者及婦人於諸親男

傷則浴有疾則飲酒食肉疾止復初女之喪有事則哭於殯所若無事有時須哭者或在正寢則於

壁下舒席南面坐哭親故弔贈如別儀每日先具朝奠於東階

之下酒饌夙興各纓服應杖者皆男子升詣殯東婦人升詣殯

西就位哭凡朝夕質明掌饌者升徹宿奠降出乃以朝奠入升

自東階設於殯所如初乃日出少頃內外止哭還次至夕俱

就位哭徹朝奠進夕如初闔戶主人以下哭於次自位否啓殯

朝夕如之百日乃卒哭其日夙興掌事者具饌於堂東內外各

纓服贊者引主人以下俱杖升立哭於殯東西面南上婦人升

詣殯西東面南上內外俱就位哭贊者升詣東階入徹夕奠出

如何初執饌者以饌升設於殯前如初贊者引主人降階盥手

訖進詣殯前以琖跪奠酒俛伏興少退西面祝入立於殯前南
北面內外哭止跪讀祝文曰維某年某月某朔日辰孤子某_{曰母}
哀敢昭告於考某人_{妣曰妣某}日月不居奄及卒哭叩地號天
五情康潰謹以清酌庶羞哀薦成事於考某人尚享_饗祝興主
人再拜哭應拜者皆再拜哭盡哀主人以下各還次闔戶自卒
哭後朝一哭夕一哭乃諱名

政和五禮新儀卷第二百三十八

政和五禮新儀卷第二百三十九

凶禮

庶人喪儀中

吊賻

吊者至掌事引之次素服

若主人未成服
吊者不變服

贊者入告引主人以

下立哭於東階下婦人升哭於殯西吊者入立於庭北面上為

首者進當主人前云如何不淑主人哭再拜稽顙為首者復位

吊者俱哭十餘聲乃出少頃主人以下各還次若哭殯俱升就

殯堂哭坐尊者

若殯敵禮以上尊
初人則起殯坐亦坐賓起亦起

贊者引親賓入升堂

立於殯東西向南上尊者坐哭盡哀乃出卑者再拜訖乃就主

人前慰訖贊者引以次出少頃還次如初若進遣致賻使者至

於大門外之西東面從者以箱奉元纁束帛立於使者之側凡通以貨財不限贊者入告主人立哭贊者出引使者入立於門內之西東面使者以箱授使者主人哭止使者奉箱少進東面曰某封若某官使賻無官者曰某人主人哭再拜使者又少進坐委之興復位掌事者進坐舉之興以東使出主人拜送若使者致物者不受之不委于地餘賻物者從者執之立於使者之側掌事者受之以束藏之

啓殯

墓地葬日皆前期擇日之葬有期前一日之夕掌事者除葦障備饌於東階下如大設賓次於大門外之右南內外夕哭如常儀啓之日夙興內外縗服主人及諸子去冠經以哀巾帕頭皆升就位哭尊者贊者縗服執功布長三尺升自西階詣殯南北向

內外出哭祝三聲噫嘻乃曰謹以吉辰啓殯既告內外皆哭盡哀各還次執饌者升徹夕奠如常祝移銘旌重北建之掌事者升徹殯塗訖設席於柩東升柩於席上贊者以功布紼柩覆用夷衾降出設帷東面開戶主人以下升哭於柩帷東面妻妾以下於帷西東面俱南上宗親尊行大夫以下帷東北壁下南面東上外姻丈夫帷東北面西上婦人帷西北面東上尊行執饌者以饌升奠於柩東設降訖出贊者以酒奠之主人以下哭踊無筭內外俱哭於位如未成服之禮以親若賓親致奠於主人啓奠之後諸尊者以次之入於寢門內東向謂卑幼者有奈饌陳於前贊者入告內外卑者皆興立哭於位執饌者饌以升設訖降出奠者以次入詣柩前西向南上為首者進以踐跪奠酒

俛伏興少退內外哭止尊者曰某位伯叔將歸幽宅謹奉奠若異各從其稱若遣使者云某官封若某姓位聞某人將歸幽宅使其奉辭尊卑應拜者再拜內外皆哭主人拜稽顙奠者哭盡哀乃出掌事者以次徹饌而退

葬

啓之日掌事者納柩車於大門內當門南向設靈車於右內外所乘之車陳於大門外丈夫之車門西婦人之車門東先於宿所張吉凶帷西吉帷東設靈座于吉帷下如常儀落之夕未發前一刻引靈車於內門外南向祝詣靈座前西向跪昭告曰孤子某母曰謹用吉辰奉歸先城若新為墓則曰奉歸幽宅靈車就引神道紆迴唯以荒藁任便絕興立少頃柩動降就階問主人以下以次從柩哭而降主婦又次之柩至庭庭內先設牀席次居柩主人以下於柩東西立哭夫

在東婦人在西以服之輕重為席內外之際障以行帷庭位既定祝師執饌者設祖尊於柩東如啓奠祝以酒奠訖設饌南北面跪曰永遷之禮靈辰不留謹奉旋車式遵祖道尚享興少頃徹饌親賓致賻之禮其辭曰導人將歸幽宅服致柩動旌先之主人以下以次從哭柩至柩車設帷幃於後遂升柩於車內外哭位如在庭之儀乃設遣奠如祖奠祝奠酒訖少頃徹饌靈車動餘以次設靈車後次明器輿次下帷輿次米輿次酒脯醢輿次食輿食器次柩車主人俱諸子俱經杖纓服禿者裹巾皆經徒跣哭從丈夫婦人皆依服輕重為序從哭出門內外尊者皆乘車馬哭不絕聲出郭外若親賓權停還柩車乘者皆下立哭親賓向殯立哭盡哀畢者再拜而退婦人亦如之賓既還乘車馬如初靈車至吉帷

門外迴南向遂薦常食於靈座前若食頃徹之

每於停宿之所皆設靈座薦食

柩車至入凶帷停於西廂南向至宿次內外皆就柩車所主人

以下分東西立哭如初凡停宿薦酒脯之奠於柩車至墓乘馬

者早行具境而不尊行及塋而下靈車至帷門外

掌事者先於墓門內道南

張吉帷設靈座薦之耳

迴車南向遂設酒脯之奠柩車至壙所迴南向哭

位如在庭掌事者陳明器於壙東南西北上設牀席於柩車

之後張帷舉柩於席上丈夫柩東婦人柩西以次憑哭盡哀各

退復位內外早者再拜辭訣贊者引主人以下哭於羨道東西

面北上妻及女子哭於羨道西東面北上踊無筭

婦人設度於

壙內遂下柩於壙內席上覆以夷衾遂以下帷張於柩東南向

米酒脯陳設於帳東北食器設於下帳前醢醢于食器南籍以

板明器設壙內左右主人拜稽顙乃掩戶設開籥遂復土三主

人以下稽顙哭盡哀內外俱就靈所哭乃祭后土具別儀饌者

徹酒脯之奠設靈車於帷外少頃靈車發行內外從哭如初出

墓門尊行者乘車馬去墓百出許早行者乃乘靈車至宅內外

乘者皆下行靈車入至西階前迴南向少頃靈車退主人以下

升立哭於靈座東西面南上內外以次出妻及女子子以下哭

於靈座西東面西上祖父以下哭於帷東南面西上祖父母以

下哭於帷西南面東上外姻丈夫帷東北面西上婦人帷西北

面東上親賓吊如初吊於庭者稱痛當祭何哭盡哀主人以下

還次沐浴以俟虞

祭后土

掌事者先於墓左除地為祭所柩車至祝吉服鋪后土神席北方南面向饌者備饌於其側既復土告者吉服以親賓贊者引為告者告者及祝俱立於神席東南立定俱再拜掌饌者以饌入設於席位乃出贊者引告者盥手詣神席前以琖跪奠酒俛伏興少退北向立祝於神座右西面跪讀祝文曰維某年某月朔日辰姓名敢昭告於后土之神某人定茲幽宅神某保佑俾無後艱謹以清酌庶羞明薦於后土之神尚享饗訖興告者再拜贊者引告者復位俱茲再拜以次出少頃乃徹席饌

政和五禮新儀卷第二百三十九

政和五禮新儀卷第二百四十

凶禮

庶人喪儀下

虞

柩既入壙掌事者先歸修虞事具饌於堂東靈車將至掌事者先施靈座於寢堂室內戶西東向於靈座東南北設帳東戶既沐浴主人以下內外俱詣靈所主人及諸子詣杖于靈戶外內外俱哭掌饌者以饌入設於靈座前降出贊者清人止哭盥手詣靈座前以琖跪奠酒俛伏興少退西向立內外哭止祝進立於靈座右跪讀祝文曰維年月朔日辰孤子某敢昭告於考某人之靈日辰遄速奄及反虞叩地號天五情糜潰謹以清酌庶

羞哀薦虞事于考某人之靈尚享祝興主人哭再拜主人退復位內外哭盡哀主人以下出杖降自西階就次妻妾女子子還別室少頃徹饌闔戶既虞掌事者改廬翦屏柱楣塗廬不塗見面哀塗廬不塗者前蒲為席不緣以木為枕

小祥

前一日之夕毀廬為堊室設蒲席陳練冠於次主人及諸子俱沐浴俱饌於堂東其日夙興祝入整拂几筵以出內外纓服主人以下倚杖於階東俱升就位哭盡哀贊者引主人杖就次主婦以下各就次主人及諸子降首經著練冠妻妾女子子除腰經周服者除之丈夫素服吉巾履婦人素服吉履贊者引主人倚杖如初乃升內外俱升就位哭設饌如初贊者引主人盥手

及奠酒如初祝進立於靈座右內外止哭祝跪讀祝文曰維年月朔日辰孤子某母曰哀子敢昭告於考某人之靈歲月驚迫奄及小祥攀慕永遠重增屠裂謹以清酌庶羞祇薦祥事於考某人之靈尚享餘如虞祭之禮有自小祥之後止朝夕之哭哭無時哀至則哭

大祥

前一日之夕除堊室張帷備大祥之服於次主人及諸子沐浴具饌如初其日夙興祝先入拂几筵降出內外於次哭盡哀掌事者設饌如初內外俱就位哭贊者引主人盥手奠酒如初祝立於靈座右跪讀祝文曰維年月某朔日辰孤子某母曰哀子敢昭告於考某人之靈日月逾邁奄及大祥攀慕永遠無任荒踣謹

以清酌庶羞祇薦祥事於考某人之靈尚享餘如小祥之禮主人以下還外寢妻妾女子子還於寢事者除靈座自大祥之後外無哭者間月而禫

禫

祭前一日之夕掌事者先備禫服陳於別所主人及諸子俱沐浴具饌如初其日夙興祝入設几筵於與主人及諸子妻妾女子子仍祥服內外俱升就位哭晝夜降釋祥服服禫服復升就位哭設饌如初贊者引主人盥手奠酒如初祝立于靈座右止哭祝跪讀祝文曰維年月朔日辰孤子某母曰敢昭告于考某人之靈禫制有期追遠無及謹以清酌庶羞祇薦禫事於考某人之靈尚享如大祥之禮贊者引主人以下出降自東階還次

自禫之後內無哭者祝收几筵以出

凡父母之喪周而葬者則以葬之後月小祥大祥依

再周之禮禫亦如之若再周而後葬者則以葬之後月練又後月為大祥祥而即吉無復禫矣其未再周葬則以二十五日練二十六月祥二十七月禫若再周而未葬則俟以葬而除服也

聞喪

諸聞喪舉哀者於聞喪所哭盡哀問故又哭盡哀改著服索子妻妾女子子俱披髮三日成服及廬壘室苦凶薦席變除之節皆如在家之禮唯不設奠祭若除喪而後歸則之墓諸子以下素服待於墓東西向婦人待於墓西東向俱北上歸者素服室於墓南北面哭盡哀再拜又哭盡哀再拜於家不留凡死於外者小斂而反則子素服裹巾帕頭徒跣哭從大斂而反亦如之若先遭重喪後遭輕喪則為制服往哭則服之反則服之反則

服其重服有殯聞遠兄弟之喪哭之他室無他室哭于門內之右

奔喪

奔喪之禮如聞親喪以哭答使者盡哀問故又哭盡哀服布深衣素冠遂行日行百里不以夜唯父母之喪見星而行見星而舍若未得奔則成服而後行至於家內外哭待於堂上奔喪者入門而左升自西階殯東西面憑殯哭盡哀少退再拜退於序東披髮復殯東西面坐哭又盡哀尊卑撫哭如常訖內外各還次奔喪者乃還次未成服者三日成服若至在小斂前與主人俱成服若小斂以後至者自用日教賓弔者拜賓如常奔喪者非主人則主人為之拜賓已葬先之墓北面哭主人以下哭待于墓右左奔喪者盡哀再拜又

於墓東披髮復位坐哭盡哀贊者告禮畢奔喪者又再拜遂冠

而歸入門而左升自西階靈東西面憑靈哭主人以下升哭於

堂上如常奔喪者哭盡哀再拜各就次三日成服如儀婦人奔喪入自

闕門升自西階側殯西東面妻妾女子子則憑殯哭盡哀少退再拜退披髮復位坐哭又盡哀尊卑撫哭如常子還次不及殯被髮於墓西坐哭盡哀髮如常餘如男子

三場

三場之喪如死浴襲大小斂及葬送哭泣之位與成人同不復無嗆辨而葬一虞乃除之其虞祝詞云維年月朔日辰父某子

某若兄云兄告弟某若弟云弟升昭告某兄日月易往奄及反虞悲念相續心焉如

燬兄云悲痛擬主情何可處弟云哀痛無已五情如割今以弟祭兄則云謹以

于子某弟祭兄魂其享之云尚享

改葬

凡有改葬者則與事因聞外皆勘驗得安聽之

將改葬先於墓所隨地之宜張白布帷幕南向開戶其日內外諸親皆至墓所各就使次主人以下及妻妾女子子俱總麻服周親以下素服丈夫於墓東西向婦人於墓西東向皆北上婦人障以行帷俱立哭盡哀畢者再拜祝立於墓之南北向內外哭止祝三聲噫嘻啓以開墳改葬之故內外又哭盡哀權就別所掌事者開墳訖內外又就位哭如初掌事於設席於幕下舉柩出置于席上內外俱從哭於幕所分東西位如常儀祝以功布柩棺掌饌者設於柩南主人盥手以琖跪奠酒訖再拜少饌頃徹奠進柩車于帷門外南向升柩于車遂詣奠所內外俱哭掌事者先設牀于墓下有枕席柩車至帷門外丈夫柩東婦人

柩西俱立哭掌事者舉柩降置於席入設於牀東

若於墓所即斂初奠訖不

進柩車止設牀于柩東而加枕席遂舉戶收斂舉尸出置於牀南首遂殮如大斂之儀加明

衣裳設靈座於吉帷內幕下西廂東向施牀帷屏服飾以時上不殯乃葬將引柩告以令吉辰用即宅不設祖奠無反虞餘如常

儀既葬就吉帷靈座一虞乃徹之其虞祝詞云維年月某朔日辰孝子某敢昭告於考某人之靈改遷幽宅禮畢終虞夙夜匪寧啼號罔極謹以清酌庶羞祇薦虞事於考某人之靈尚享訖繹釋總服及素服而還

政和五禮新儀卷第二百四十



程